

Handwritten text in Devanagari script, appearing as bleed-through from the reverse side of the page. The text is faint and difficult to decipher but includes words such as 'Calcutta', 'Sahitya', and 'Banga'.

Cat. No. 50
Reg. No. 23

1897/1907
18

নব্য জাপান

২৪৬ ও

রুষ জাপান

যুদ্ধের ইতিহাস।

18.100
2



INDIA OFFICE
23 JAN. 1909
LIBRARY.

50 Hájárá (Umákánta). নব্য জাপান ও রুষ জাপান
যুদ্ধের ইতিহাস। [Navya Jápán O Rus-Jápán
Yuddher Itihás. Modern Japan and the History of
the Russo-Japanese War.] pp. 6, 103. The Sám-tá
Svadesí Samiti, B. C. Ry. 28-1-07. Dcr. 16mo.
2nd. As. 6.

শ্রীউমাকান্ত হাজারী।

2832

13
50 বিশুদ্ধ পদ্মমধু ।

ইহা দ্বারা চক্ষু উঠা, সূর্যাক্রান্তা, রাত্রাক্রান্তা, দূরদৃষ্টিহীনতা, আপমা দেখা প্রভৃতি যাবতীয় দৃষ্টিবৈকল্য প্রশমিত এবং চক্ষু স্নিগ্ধ ও শীতল হয়। ইহাতে চক্ষুর আলায়ঙ্গনাদি কোন অনিষ্টের আশঙ্কা নাই।

মূল্য ১ ড্রাঃ ২\ অর্ধ ড্রাঃ ১\ মাত্র ; ভিঃ পিঃ মাণ্ডলাদি মোট চারি আনা মাত্র।

শ্রীমতীনাথ মিশ্র, যাদবপুর পোঃ, বেঙ্গল।

মুরলা ! (নাটক)

মূল্য বার আনা মাত্র।

বিবিধ সংবাদ ও সাময়িকপত্রে সমালোচিত। সাহিত্যসমাজে সুপরিচিত ব্যক্তিগণ কর্তৃক প্রশংসিত। কাশিমবাজার ও বর্ধমানের মহারাজার অনুগৃহীত। কুচবিহারের মহারাণী মহোদয়ার প্রশংসিত। ইম্পিরিয়াল লাইব্রেরিতে গৃহীত। সাহিত্য পরিষদের বার্ষিক অধিবেশনে প্রশংসিত। পঞ্চাঙ্গে সমাপ্ত।

“মুরলা কবির অপূর্ব সৃষ্টি।” “সতীর পতিপ্রেম কত অমানুষ সীমায় যাইতে পারে, তাহা মুরলার চরিত্রে বিশদরূপে চিত্রিত।” “তমস্বিনী ইন্দ্রিয় লালসার প্রাবল্য ও অধীরতা দেখাইবার স্বচ্ছ দর্পণ।” “স্ত্রী-চরিত্রে সন্দেহ হইলে, মানুষের চিত্তবৃত্তি কিরূপ শোচনীয় হয়, তাহা প্রবীর চরিত্রে প্রকটিত।” “সংশয়ের পর সংশয়, বিশ্বয়ের উপর বিশ্বয়, পাঠে চকিত, ভীত ও স্তম্ভিত হইতে হয়।” ২০১ নং কর্ণওয়ালিস স্ট্রীটে ও ২০ নং কর্ণওয়ালিস স্ট্রীট, মজুমদার লাইব্রেরিতে ৮০ আনা মূল্যে প্রাপ্য।

নব্য জাপান


ও

রুষ জাপান যুদ্ধের ইতিহাস ।

শ্রীউমাকান্ত হাজারী

প্রণীত

দ্বিতীয় সংস্করণ ।



“Japan is indeed the object-lesson of national efficiency, and happy is the nation that learns it.”

LORD ROSEBERY

সামটা স্বদেশী সমিতি হইতে (সামটা পোস্ট বি, সি, আর)

প্রকাশিত ।

Printed by Sarat Chandra Mallick,
The DIVINE PRESS
5, Lal Ostagur's Lane, Calcutta.

মাঘ, ১৩১৩

মূল্য ১/০ ছয় আনা মাত্র ।

কল্যাণ


৩

কল্যাণ হস্ত লিখন

শ্রীমতী কল্যাণ

ভক্তি

কল্যাণ



"Japan is indeed the object-lesson of national efficiency and happy is the nation that learns it."
LORD ROSBERY

কল্যাণ হস্ত লিখন

কল্যাণ

Printed by Sant Chandra Mallik
The Divine Press
5, Lal Otagur's Lane, Calcutta.

১৯০০

কল্যাণ হস্ত লিখন



শ্রীউমাকান্ত হাজারী ।

প্রথম সংস্করণের

ভূমিকা ।

আজ এক বৎসর হইল, এশিয়ার পূর্বপ্রান্তে যে ভীষণ সমরানল প্রজ্জ্বলিত হইয়া উঠিয়াছে, তাহার বিস্তৃত বৃত্তান্ত পাঠক মাত্রেরই অনগত আছেন। এই লোকভয়ঙ্কর মহাযুদ্ধ কতদিনে সমাপ্ত হইবে, সৌভাগ্যলক্ষী কাহার প্রতি কিরূপে প্রসন্ন হইবেন, তাহা এক্ষণে নিশ্চয়রূপে প্রকাশ করিতে পারা যায় না। আমেরিকা ও ইয়ুরোপীয় শক্তিপুঞ্জ প্রাচ্য রণরঙ্গভূমে তাণ্ডবনৃত্যে প্রবৃত্ত হইবেন কিনা, তাহাও অধুনা ভবিষ্যৎ গর্ভে নিহিত।

ইহা সত্য যে, কি জলে, কি স্থলে, এ পর্য্যন্ত যতগুলি ক্ষুদ্র বা বৃহৎ যুদ্ধ সংঘটিত হইয়াছে, তাহার প্রত্যেকটীতে জয়লক্ষী জাপানের প্রতি অনুকম্পা প্রকাশ করিয়াছেন। জাপান সৈনিকের অদ্ভুত কর্মকুশলতা, অসাধারণ কষ্টসহিষ্ণুতা, অপূর্ব স্বদেশহিতৈষীতা দর্শন করিয়া ইউরোপ স্তম্ভিত ও আমেরিকা বিস্মিত হইয়াছে। জাপানী সেনাপতিগণের সৈন্যসঞ্চালন, বৃহৎ কামান পরিচালন ও টর্পেডো ফ্রেপণ প্রভৃতি অবলোকন করিয়া পৃথিবীর সর্বশ্রেষ্ঠ সেনাপতিরাও বিস্মিত ও মোহিত হইয়াছেন।

সকলই সত্য ; কিন্তু তথাপিও আশঙ্কা হয়। যে রুষ পৃথিবীর মধ্যে সর্বাপেক্ষা বৃহৎ শক্তি বলিয়া পরিগণিত, ব্রিটিশকেশরী যাহার জন্য ভারতসীমান্তে ব্যতিব্যস্ত, ফরাসিশার্দুল যাহার সহিত মিত্রতা করিয়া গৌরবান্বিত, জর্মনগ্নাহি বর্তমান মুহূর্ত্তে

যাহাকে বন্ধু বলিয়া আলিঙ্গন করিতে উদ্ভত, মার্কিণনক্র দূরে অবস্থান করিয়াও যাহার নামে কম্পিত, মুসলমান জগতের একছত্রী সম্রাট তুরক সোলতান যাহার পদানত, সেই মহাকায় ভীম-পরাক্রমশালী রুষখাফের সহিত ক্ষুদ্র দ্বীপবাসী জাপান তরঙ্গুর যুদ্ধ! আশঙ্কার কারণ নাই কি ?

আমরা জাপানকে প্রাণের অধিক ভালবাসি। জাপানবাসী নরনারিগণকে অতি নিকট আত্মীয় বলিয়া মনে করি। যাহারা বলেন, জাপান একদিন নিজ বাহুবলে ইংলণ্ডকে পর্য্যুদস্ত করিয়া সমগ্র ভারতবর্ষকে স্বাধীনতা প্রদান করবে, জাপানের কৃপায় বোম্বাই নগরী একদিন বোষ্টন বন্দরে পরিণত হইবে, তাঁহারা হয় ভ্রাস্ত, না হয় উন্মাদগ্রস্ত। বাতুলালয়ই তাঁহাদের উপযুক্ত বাসস্থান। জাপানের প্রতি আমাদের ভালবাসা ও সহানুভূতির কারণ অশ্রুবিধ। জাপান এশিয়াবাসী বলিয়া আমাদের ধর্ম্মভ্রাতা, জাপানবাসীরা ভগবান বুদ্ধদেবের উপাসক বিধায় আমাদের ধর্ম্ম শিষ্য। আমাদের সর্ব্বপ্রধান তীর্থ গয়াধাম, জাপানিগণের অতি প্রিয় ও পরম তীর্থ। জাপানে বিধিমতে সংস্কৃত চর্চা হইয়া থাকে, এক্ষণে বহুতর জাপানী যুবক ভারতে আসিয়া সংস্কৃত ভাষা শিক্ষা করিতেছেন। ইউরোপ বা আমেরিকায় আমাদের স্থান নাই, তথায় আমরা বিতাড়িত, ঘৃণিত ও অপমানিত। অষ্ট্রেলিয়া ও আফ্রিকায় ভারতবাসী মাত্রেই কুলি বলিয়া অভিহিত। পক্ষান্তরে জাপানের প্রতি গৃহদ্বার আমাদের জন্ত উন্মুক্ত, তথায় আমরা ভারতবাসী বলিয়া পূর্ব্বগোরবে সম্মানিত। মিঃ ওয়াগেল ইংলণ্ডে কাচনির্মাণ কৌশল শিক্ষা করিতে গিয়া যে বিপদে পড়িয়াছিলেন, তাহা আমরা ভুলি নাই; আর আজ ভারতবাসী

দলে দলে জাপানে গমন করিয়া নিরুপদ্রুপে নানাবিধ শিল্পকলা শিক্ষা করিয়া আসিতেছেন, তাহাও স্বচক্ষে দেখিতেছি। ইহাতেও যদি আমরা জাপানকে ভাল না বাসি, জাপানিগণের প্রতি অকৃত্রিম অনুরাগ পোষণ না করি, জাপানবাসীর মঙ্গলের জন্ত সর্বমঙ্গলার চরণে প্রার্থনা না করি, তাহা হইলে আমাদের মত কৃত্রিম ও নরাধম ধরাতলে আর কোথায় পাওয়া যাইবে?

জাপানবাসিগণের নিকটে আমরা প্রত্যক্ষ ও পরোক্ষভাবে যে সমস্ত উপকার পাইতেছি, একবার তাহারও আলোচনা ও চিন্তা করা কর্তব্য। ইহা অস্বীকার করিবার উপায় নাই যে, একটা আমাদের মত ক্ষুদ্রকায় অল্পমৎস্যভুক আসিয়িক জাতি গত ৩০ বৎসরের চেষ্টায় যে অনন্তসাধারণ উন্নতিলাভ করিয়াছে, তাহা দিনান্তে চিন্তা করিয়াও আমাদের আশা ও আকাঙ্ক্ষা একটু উর্দ্ধে উঠিয়াছে। আমার নিত্যউপবাস-রুগ্ন প্রতিবাসীর পর্ণ-কুটীর সহসা প্রাসাদে পরিণত ও অতিথি অভ্যাগতের আনন্দ কোলাহলে মুখরিত হইয়া উঠিলে, আমরা যেরূপ যত্ন ও পরিশ্রম সহকারে তাহার কারণ নির্দেশে চেষ্টা করিয়া থাকি, আজ শিক্ষিত ভারতবাসী মাত্রেই সেইরূপ আগ্রহ সহকারে জাপানের অসাধারণ অভ্যুদয়ের কারণ নির্দেশে প্রবৃত্ত হইয়াছেন। তাহারই ফলে “স্বদেশী সমাজ” প্রভৃতি বিবিধ সাময়িক প্রবন্ধের উদ্ভব হইয়াছে, বিভিন্নমতাবলম্বিগণের মধ্যে সৌভ্রাতৃত্ব ও একতার পথ উন্মুক্ত হইয়াছে। আজ ভারতবর্ষের নগরে নগরে, গ্রামে গ্রামে, পল্লীতে পল্লীতে সাধারণ শিক্ষার উপযোগিতা ও বিজ্ঞান শিক্ষার আবশ্যিকতা বজ্রনির্ঘোষে ঘোষিত হইতেছে। রাজানুগ্রহের উপর নির্ভর না করিয়া, রাজনৈতিক আন্দোলনে সমস্ত শক্তি

অপব্যয় না করিয়া, যাহাতে সমাজের চেষ্ঠায় দেশের অন্নকষ্ট বিদূরিত হয়, শ্রম ও অধ্যবসায়ের ফল সহজে হস্তগত হয়, স্বাস্থ্যের উন্নতি হয়, নৈতিক ও দৈহিক বল পরিবর্দ্ধিত হয়, আজ সর্বত্রই তাহার জন্য চেষ্ঠা হইতেছে। ইহা উন্নতির চিহ্ন, মঙ্গলের লক্ষণ। *

কিন্তু হায়! আমাদের অদৃষ্ট ও এসিয়ার বর্তমানাবস্থা স্মরণ করিলে মনে বড় আশঙ্কা হয়। মনে হয়, বৃষ্টি প্রাচ্য গগনের প্রভাত-মার্ভুও মধ্যাহ্নের পূর্বেই অন্তমিত হইবে, অষ্টমীর অর্দ্ধ-শশধর অকালেই করাল রাহুর কবলগ্রস্ত হইবে। এসিয়ার, ভারতের, বৌদ্ধধর্মের, আশাভরসা প্রশান্ত মহাসাগরের অতল জলে নিমর্জিত হইবে।

জননী! ইহাই কি সত্য? যে জাপান আত্ম অস্তিত্ব রক্ষার জন্ত, ন্যায় স্বত্ব রক্ষার জন্ত ধর্মযুদ্ধে অগ্রসর হইয়াছে, তাহাকে কি রক্ষা করিবে না?

যেন কোন দেবতা আবির্ভূত হইয়া এই প্রশ্নের উত্তরে আমাদিগকে বলিতেছেন;—“ভয় নাই। পঞ্চকোটি নরনারী যখন একতা-বন্ধনে আবদ্ধ হইয়া আত্মত্যাগ-ব্রত অবলম্বন করিয়াছে, তখন আর কিসের ভয়? যখন প্রত্যেক জাপানীর হৃদয় স্বদেশানুরাগে পরিপূর্ণ রহিয়াছে, তখন আর কাহাকে ভয়? যাহাদের ধর্মকর্ম, যাগযজ্ঞ, কামমোক্ষ, সমস্তই সত্রাট ও স্বদেশানুরাগের অন্তর্ভূত, পৃথিবীতে তাহাদের পরাজয় নাই। যে জাতির বালক হইতে বৃদ্ধ পর্য্যন্ত, পর্ণকুটীরবাসী কৃষক হইতে প্রাসাদবাসী

* মৎপ্রণীত “বঙ্গ জাগরণ ও স্বদেশের নানাকথা” দ্রষ্টব্য।

সম্রাট পর্য্যন্ত, বালিকা হইতে বৃদ্ধা পর্য্যন্ত সকলেই একস্বরে “স্বদেশ” “স্বদেশ” বলিয়া চীৎকার করিতেছে, সে জাতির জন্য আশঙ্কা নাই।”

আমরা বঙ্গদেশবাসী ভীকুঅপবাদগ্রন্থ বাঙ্গালী; একতা, আত্মত্যাগ, স্বদেশানুরাগ প্রভৃতি শব্দের প্রকৃত অর্থ হৃদয়ঙ্গম করিতে পারি না। আমাদের প্রধান ভরসা ইংলণ্ড ও আমেরিকা। পঞ্চবার্ষিক সন্ধি অনুসারে ইংলণ্ড কিছুতেই রুষকে ম্যানচুরিয়া গ্রাস করিতে দিবেন না। আমেরিকা কোন ক্রমেই প্রশান্ত মহাসাগরে রুষাধিপত্য প্রতিষ্ঠিত হইতে দিবেন না। পৃথিবীর এই দুই মহাশক্তির স্বার্থের সহিত জাপানের স্বার্থ অভিন্ন, ইহাই আমাদের প্রধান ভরসা। কিন্তু যদি রাজনৈতিক কারণে ব্রিটিশ মন্ত্রীরা জাপানকে বৃদ্ধাঙ্গুলি প্রদর্শন পূর্বক গম্ভীর হইয়া বসেন, মার্কিন বন্ধুরা বেদান্তের উপদেশ প্রদান করিতে করিতে প্রশান্ত মহাসাগরে পাড়ি মারিবার সংকল্প করেন, তাহা হইলে জাপান কি করিবে?

পূর্বে বলিয়াছি, আমরা জাপানকে ভালবাসি, জাপানের নরনারিগণকে অতি নিকট আত্মীয় বলিয়া মনে করি। বলা বাহুল্য, এই জন্ত বহু অর্থব্যয় ও শ্রমস্বীকার পূর্বক এই ক্ষুদ্র ইতিবৃত্ত সংকলন করিয়াছি। ইহাতে জাপানের ভৌগোলিক ও ঐতিহাসিক বৃত্তান্ত, জাপানিগণের রীতিনীতি, আচার ব্যবহার, ধর্মবিশ্বাস, শিক্ষাপ্রণালী, শাসনপদ্ধতি প্রভৃতি বিবিধ বিষয় সংক্ষেপে বিবৃত হইয়াছে। বঙ্গের অমর কবি তাঁহার সর্বশ্রেষ্ঠ গীতিকবিতায় যাহাকে “অসভ্য জাপান” বলিয়া উল্লেখ করিয়া গিয়াছেন, সেই জাপান কি কৌশলে পৃথিবীর মধ্যে শ্রেষ্ঠ, পরাক্রমশালী ও

সুসভ্য রাজ্য বলিয়া পরিগণিত হইল, তাহাও এই পুস্তকে লিখিত হইয়াছে।

এই পুস্তকের পরিশেষে রুশ-জাপান যুদ্ধের কারণ ও বর্তমান সময় পর্য্যন্ত যতগুলি উল্লেখযোগ্য যুদ্ধ সংঘটিত হইয়াছে, তাহারও বিবরণ সংক্ষেপে বিবৃত হইয়াছে।

সামটা, }
৮ই ফেব্রুয়ারী, ১৯০৫। } শ্রীউমাকান্ত হাজারী।

—*—

দ্বিতীয় সংস্করণের বিজ্ঞাপন।

প্রথম সংস্করণ দুই হাজার খণ্ড নিঃশেষিত হওয়ায় “নব্য জাপান ও রুশ জাপান যুদ্ধের” দ্বিতীয় সংস্করণ প্রকাশিত হইল। প্রথম সংস্করণের যে যে স্থানে ত্রুটি ছিল, এই সংস্করণে তাহা সংস্করণে তাহা সংশোধন করিয়াছি। পণ্ডিতপ্রবর বীরেশ্বর পাণ্ডে, কবিবর রবীন্দ্রনাথ ঠাকুর, বিজ্ঞানাচার্য্য রামেন্দ্রসুন্দর ত্রিবেদী, স্বদেশানুরাগী অশ্বিনীকুমার দত্ত প্রভৃতি সুধিগণের নিদেশানুসারে কয়েকটি প্রস্তাব নূতন করিয়া সন্নিবিষ্ট করিয়াছি। এতদ্ভিন্ন গত মহাযুদ্ধের শেষফল, ইংরেজ-জাপান সন্ধি, রুশ-জাপান সন্ধি প্রভৃতির সার মর্ম্ম বিবৃত করিয়াছি। তজ্জন্য পুস্তকের আয়তন প্রায় দ্বিগুণ বর্দ্ধিত হইয়াছে। গ্রাহকগণের অনুরোধ নিবন্ধন মূল্য প্রথম সংস্করণের ন্যায় চারি আনাই রাখিয়াছি।

সামটা পোষ্ট, }
বি, সি, আর। } শ্রীউমাকান্ত হাজারী।

—*—

নব্য জাপান

ও

রুষ জাপান যুদ্ধের ইতিহাস ।

ভৌগোলিক বৃত্তান্ত ।

অবস্থান ও বিভাগ ।

এসিয়ার পূর্বপ্রান্তে প্রশান্ত মহাসাগরবক্ষে কতকগুলি বৃহৎ ও ক্ষুদ্র ক্ষুদ্র দ্বীপ লইয়া জাপান সাম্রাজ্য সংগঠিত হইয়াছে । তন্মধ্যে নীপন, কিউসিউ, সিককু, য়েশো, ফরমোসা এই পাঁচটি দ্বীপ সর্বাপেক্ষা প্রধান । এতদ্ভিন্ন কিউরাইল, লুচু, বোনিন প্রভৃতি বহুসংখ্যক ক্ষুদ্র ক্ষুদ্র দ্বীপ ইহার অন্তর্গত ।

জাপান সাগর ও কোরিয়া প্রণালী পশ্চিমে থাকিয়া জাপান সাম্রাজ্যকে এসিয়াটিক রুশিয়া ও কোরিয়া উপদ্বীপ হইতে বিচ্ছিন্ন করিতেছে ।

১২৯° হইতে ১৫০° অক্ষাংশের মধ্যে এই রাজ্য অবস্থিত ।

জাপান সাম্রাজ্যের পরিমাণফল প্রায় ২ লক্ষ ৫০ হাজার বর্গ মাইল । তুলনায় ইংলণ্ড, ওয়েলস, স্কটলণ্ড ও আয়ারলণ্ডের দ্বিগুণ, এবং জার্মান সাম্রাজ্যের ও ফ্রান্সের সমতুল্য হইবে । লোকসংখ্যা ৪ কোটি ৭০ লক্ষের উপর ।

জাপান সাম্রাজ্য দুই ভাগে বিভক্ত। জাপান ও অধীন দ্বীপপুঞ্জ।

জাপান বলিতে নীপন, কিউসিউ, সিককু ও কতকগুলি ক্ষুদ্র ক্ষুদ্র দ্বীপ বুঝায়। ইহার মধ্যে নীপনের দৈর্ঘ্য ৯০০ মাইল ও প্রস্থ ১০০ মাইল। কিউসিউ দৈর্ঘ্যে ২০০ মাইল ও প্রস্থে ৮০ মাইল। সিককের দৈর্ঘ্য ১৫০ মাইল ও প্রস্থ ৮০ মাইল হইবে।

অধীন দ্বীপপুঞ্জের মধ্যে যেশো ও ফরমোসা সর্বাধিক বৃহৎ। যেশো দৈর্ঘ্যে ৩০০ মাইল ও প্রস্থ ১০০ মাইল। ফরমোসা দৈর্ঘ্যে ২০০ মাইল ও বিস্তারে ৭০ মাইল হইবে। *

রাজধানী ও প্রধান নগর।

জাপানী ভাষায় নীপন শব্দের অর্থ সূর্যোদয়ের স্থান। এই দ্বীপ চীনবাসিগণের নিকট য়ংহু বা জিয়নউ নামে পরিচিত। প্রাচীন ভারতবর্ষের স্বর্ণযুগে এই দ্বীপের নাম সুদর্শন ছিল। †

জাপান সাম্রাজ্যের রাজধানী টোকিও নীপন দ্বীপে অবস্থিত। “টো” শব্দে প্রাচ্য ও “কিও” শব্দে রাজধানী বুঝায়। সুতরাং জাপানী ভাষায় টোকিও অর্থে প্রাচ্য রাজধানী বুঝিতে হইবে। এই নগরী কলিকাতা হইতে ৩২০০ মাইল উত্তর-পূর্বে অবস্থিত। লোকসংখ্যা ১৪ লক্ষ হইবে।

* যেশো দ্বীপ এক্ষণে হোকাইদো নামে অভিহিত হইয়া থাকে। ফরমোসা চীনসাগরে অবস্থিত। গত চীনজাপানের যুদ্ধে (১৮৯৪-৯৫) জাপানীরা চীনের নিকট হইতে এই দ্বীপ লাভ করিয়া সাম্রাজ্য ভুক্ত করে।

† সুদর্শন দ্বীপের বিস্তৃত বিবরণ “জাপানের পূর্বকথা” অধ্যায়ে বিবৃত হইয়াছে।

এই নগর এশিয়া মহাদেশের মধ্যে সর্বাপেক্ষা উন্নত ও বাণিজ্য-প্রধান স্থান। যে সমস্ত সাগরশাখা সহরের মধ্যে প্রবেশ করিয়াছে, তাহার উভয়পার্শ্বে নানাবিধ সুন্দর সুন্দর বৃক্ষশ্রেণী রোপিত আছে। এখানে অনেকগুলি সেতু আছে। প্রধান সেতুর নাম নিপবন। রাজপ্রাসাদ নগরের মধ্যভাগে অবস্থিত। সম্রাটের ব্যবহারের জন্ত নানাস্থানে অনেকগুলি অট্টালিকা আছে। জাপানের অনেক প্রধান লোক এইখানে অতি মনোহর গৃহসকল নির্মাণ করিয়াছেন। সাধারণ গৃহগুলি কাষ্ঠ নির্মিত। এইখানে জাপানের পার্লামেন্ট সভা, ইউনিভার্সিটি, ব্যাঙ্ক, নেভাল কলেজ, টর্পেডো স্কুল প্রভৃতি অবস্থিত। এখানকার বাজার, চক, উপবন ও ডক প্রভৃতি অতি সুন্দর। ১৮৮৯ খ্রীষ্টাব্দে এই সহরের লোকসংখ্যা ১৩৭৮১৩২ জন ছিল।

ওসাকা জাপানের দ্বিতীয় সহর। এই নগর সমুদ্রতীরে অবস্থিত অতি সুরক্ষিত বন্দর। ইহার লোকসংখ্যা ৫ লক্ষ হইবে। এইখানে বুদ্ধোপযোগী বিবিধ অস্ত্র, গোলা, বারুদ প্রভৃতি প্রস্তুত হয়। অনেকে ইহাকে জাপানের উলউইচ্ বলিয়া থাকেন। এই নগরের অধিবাসিগণ ধনাঢ্য ও বিলাস পরায়ণ। জাপানীরা এই সহরকে প্রমোদ ভবন বলিয়া থাকে।

মিয়াকো বা কিয়াটো। বিশ্ববিদ্যালয়ের জন্ত প্রসিদ্ধ। জাপানের প্রধান ধর্মবাজক এইখানে বাস করিয়া থাকেন। সকলে তাঁহাকে দৈরি বলিয়া থাকে। এই নগরে জাপানের প্রাচীন যুগের অনেক নিদর্শন পাওয়া যায়। কিয়াটো পূর্বে সমগ্র রাজ্যের রাজধানী ছিল।

ইয়াকোহামা। জাপানের সর্ব প্রধান সামুদ্রিক বন্দর।

এই স্থানে ইংরাজ, ফরাসী প্রভৃতি বৈদেশিকগণের বাণিজ্যপোত-সকল নঙ্গর করিয়া থাকে।

হিওগো। অন্তর্বাণিজ্যের কেন্দ্রস্থান।

সিমনসেকি। সাগরতীরবর্তী সুরক্ষিত বন্দর। এই নগরে চীন জাপান যুদ্ধের সন্ধিপত্র স্বাক্ষরিত হয়।

মেজারু। এখানে একটি গবর্ণমেন্টের ডক আছে। এই নগরে জলযুদ্ধের উপযোগী অস্ত্রাদি নির্মিত হইয়া থাকে।

নাগাসাকি। অতি সুরক্ষিত বন্দর, কিউসিউ দ্বীপে অবস্থিত। এখানকার ডকগুলি অতি উৎকৃষ্ট। নাগাসাকিতে প্রচুর পরিমাণে কয়লা রক্ষিত হইয়া থাকে। ইংরাজ, মার্কিন, প্রভৃতি জাতিরা এইখানে বাণিজ্য করিয়া থাকে। এই স্থানের গৃহসকল অতি সুন্দররূপে নির্মিত, প্রতি গৃহেই বাঁরাণ্ডা আছে। এই নগরের মধ্যে ও বাহিরে অনেক বৌদ্ধমঠ দৃষ্টিগোচর হয়।

সেসাবো। জাপান সাগরীয় রণতরী শ্রেণীর প্রধান আশ্রয় স্থান। এইখানে গবর্ণমেন্টের ডক আছে। এই বন্দরে বড় বড় জাহাজ, লাইনার, টর্পেডো বোট প্রভৃতি গঠিত হয়।

এতদ্ভিন্ন সঙ্গ, কোকুরা, কতসীমা, হামাত্তা প্রভৃতি উন্নতিশীল নগর আছে।

হাকোডাট। সুগারুপ্রণালীর উত্তরতীরস্থিত অতি সুরক্ষিত বন্দর। এখানে জাহাজ গঠনোপযোগী কতকগুলি উৎকৃষ্ট ডক আছে।

মাটসুমে। মেসো দ্বীপের শাসনকর্তা এইখানে অবস্থিত করেন। জাপান সম্রাট সময়ে সময়ে এই নগরে বাস

করিয়া থাকেন। মহরতী ক্রমনিয় ও চারিদিকে ক্ষুদ্র ক্ষুদ্র পাহাড় দ্বারা পরিবেষ্টিত। দেখিতে অতি সুন্দর।

মারোয়ান। অতি সুরক্ষিত সামুদ্রিক বন্দর।

এতদ্বিন্ন জেসোদ্বীপে ফুকুসুমা, ওসিমা, অকেশী প্রভৃতি প্রধান প্রধান নগর আছে।

তৈবান। চীনের দক্ষিণ পূর্ব উপকূলে অবস্থিত ফরমোসা দ্বীপের প্রধান নগর। এইখানে জাপানের রাজপ্রতিনিধি অবস্থান করেন। পূর্বে চীনের উৎকট অপরাধীরা এইখানে নির্বাসিত হইত। ফরমোসার অল্প আর একটা সমৃদ্ধিশালী নগর তাকাও।

উপরোক্ত নগরগুলি ভিন্ন জাপান সাম্রাজ্যে কোব, হিরোসিমা, কুরি, নিগাটা প্রভৃতি কয়েকটা উল্লেখযোগ্য নগর আছে।

জলবায়ু।

জাপানের প্রায় সমগ্র ভাগই শীতমণ্ডলের অন্তর্গত। উত্তরাংশে ইয়ুরোপের স্থায় অতি তীব্র শীত অনুভূত হয়। ডিসেম্বর ও জানুয়ারি মাসে তাপমান যন্ত্রের পারদ 28° ডিগ্রির নিম্নে পতিত হয়। দক্ষিণাংশে বায়ুর তাপ অতি গ্রীষ্মের সময় 28° হইয়া থাকে। কিন্তু দিবাভাগে দক্ষিণদিক হইতে এবং রজনীতে পূর্বদিক হইতে সমুদ্র বায়ু প্রবাহিত হওয়ার গ্রীষ্মের তাপ অনুভূত হয় না। এ দেশের ঋতু অত্যন্ত পরিবর্তনশীল হইলেও জলবায়ু সাধারণতঃ স্বাস্থ্যকর। পূর্ববায়ু অপেক্ষা, দক্ষিণবায়ু সমাধিক সুখস্পর্শ। বর্ষাকালে জাপানে প্রচুর বারিবর্ষণ হইয়া থাকে। এখানে ঝড়ের বেগ অতি প্রচণ্ড।

জাপানে ঝটিকা, বজ্রপাত, সমুদ্রপ্লাবন ও ভূমিকম্প সর্বদাই হইয়া থাকে।

ভূমি ও উৎপন্ন।

জাপানের ভূমি সাধারণতঃ উর্বরা। সর্বত্রই কৃষিকার্য্য অতি সুন্দররূপে সম্পন্ন হয়। জাপানীদিগের গ্রাম কৃষিকুশল জাতি পৃথিবীতে দৃষ্ট হয় না। ইহারা একথণ্ড ভূমিও বৃথা ফেলিয়া রাখে না। সুবিধা হইলে পাহাড়ের অতি উচ্চস্থান পর্য্যন্তও কর্ষণ করিয়া থাকে। জাপানে পূর্বে ব্যবস্থা ছিল, যে ব্যক্তি পতিত জমি আবাদ করিবে, তাহাকে দুই বৎসরের মধ্যে কোনরূপ কর প্রদান করিতে হইবে না; আর যে অলস ব্যক্তি এক বৎসর নিজ জমি চাষ করিবে না, সে তাহার জমির যাবতীয় অধিকার হইতে বঞ্চিত হইবে।

জাপানে ধান, যব, গম, চা, তুলা, রেশম, পাট, তামাক প্রচুর পরিমাণে জন্মিয়া থাকে। ধানের চাষই অধিক পরিমাণ ভূমিতে হইয়া থাকে। এখানে এক প্রকার অতি উৎকৃষ্ট তণ্ডুল আছে, তাহা কিয়ৎক্ষণ শীতল জলে রক্ষা করিলে অন্ন প্রস্তুত হয়। যে যে স্থানে তামাক উৎপন্ন হয়, তন্মধ্যে নাগাসাকি ও সাসুমার তামাকই উৎকৃষ্ট ও সুগন্ধযুক্ত। জাপানীরা অতি উত্তমরূপে তামাকের চাষ করিয়া থাকে। তাহারা কোন তামাক ব্যবহার করিতে পারে না, তাহারাও এদেশের তামাক ব্যবহার করিতে পারে। জাপানে মূলা, শশা, ফুটী, তরমুজ, আলু, কাফি, চা প্রভৃতি যথেষ্ট জন্মিয়া থাকে। নানাপ্রকার বাঁশ, কর্পূর ও বার্ণিষ উৎপাদক বৃক্ষ প্রভৃতি নামাবিধ আশ্চর্য্য উদ্ভিদ এখানে পাওয়া যায়। এক

প্রকার বৃক্ষ হইতে ছকের স্থায় খেতবর্ণ রস নিঃসৃত হয়। সুখাণ্ড ফলের মধ্যে কমলা, লিচু, আম্র, কুল, চেরি, আথরোট, পেয়ারা, পিচ প্রভৃতি উৎপন্ন হয়। বৃহৎ বৃক্ষের মধ্যে ওক, পাইন, দেবদারু, মেহগি প্রভৃতি দৃষ্ট হয়। জাপানে নানাশ্রেণীর অতি মনোহর পুষ্প উৎপন্ন হইয়া থাকে। এখানে পশমের অভাব নাই। এখানকার তুতজাত রেশম সর্বত্র প্রসিদ্ধ।

আকরিক ।

আকরিকের মধ্যে স্বর্ণ, রৌপ্য, তাম্র, টিন, পাথুরিয়া কয়লা প্রচুর পাওয়া যায়। লৌহ অধিক পাওয়া যায় না। লৌহের অনেক কার্য্য তাম্র দ্বারা সম্পন্ন হইয়া থাকে। এখানকার তাম্রের স্থায় উৎকৃষ্ট তাম্র পৃথিবীর কুত্রাপি পাওয়া যায় না। জাপানীরা ইহা এক ইঞ্চি মোটা ও এক ফুট লম্বা পাত করিয়া বিক্রয় করে। অপকৃষ্ট তাম্র ইষ্টকাকারে বিক্রীত হয়। জাপানে তাম্র খনিতে সময়ে সময়ে স্বর্ণ পাওয়া যায়। সত্রাটের অসুখমতি ব্যতীত কেহই স্বর্ণখনির কার্য্য করিতে পারে না। এখানকার টিন রৌপ্যের স্থায় শুভ্র ও উজ্জ্বল। জাপানের নানাস্থানে একরূপ মৃত্তিকা পাওয়া যায়, তাহা হইতে মনোহর বাসন প্রস্তুত হয়। চীনাবাসন বলিয়া ইহা পৃথিবীর নানাদেশে বিক্রয় হইয়া থাকে।

জীবজন্তু ।

জাপানে অশ্ব, মহিষ, গবাদি গ্রাম্য জন্তু দৃষ্ট হয়। এখানকার অশ্ব সকল বলিষ্ঠ, কিন্তু বৃহৎ নহে। মৃত্তিকাকর্ষণ ও শকটচালন জন্তু গরু ও মহিষ ব্যবহৃত হয়। ছাগ, মেঘ, হরিণ, শূকর, ভল্লুক প্রভৃতি নানাস্থানে দেখা যায়। জাপানে পক্ষী অতি বিরল, এই

পার্শ্বিক অমরাবতীতে হংস, কুকুট ও ভরত পক্ষী ভিন্ন উজ্জ্বল বর্ণ-
বিশিষ্ট বিহঙ্গ দেখিতে পাওয়া যায় না। এখানে সর্প অতি অল্পই
দেখিতে পাওয়া যায়। ফিনাকারী ও তিতাকাজি নামে দুই
শ্রেণীর সর্প আছে, ইহারা এদেশীয় গোথুরা ও কেউটে সাপ
অপেক্ষাও ভীষণ। ইহারা কাহাকেও দংশন করিলে দষ্ট ব্যক্তির
নিশ্চয়ই মৃত্যু হয়। এই দুই শ্রেণী ভিন্ন জাপানে আর দুই তিন
প্রকার সর্প আছে, তাহারা বিষাক্ত নহে। এই দ্বীপে উঁই বড়ই
প্রবল। ইহার অত্যাচারে জাপানীরা ব্যতিব্যস্ত হইয়া থাকে।
ইহারা বলে, গৃহের চারি পাশে লবণ ছড়াইয়া দিলে কিয়দ্বিবসের
জন্ত উঁইয়ের দৌরাত্ন নিবারিত হয়।

জাপানের সমুদ্র, নদী ও বিল প্রভৃতিতে প্রচুর মৎস্য পাওয়া
যায়। জাপান সমুদ্রে ঠিক মানুষের স্থায় একরূপ মৎস্য আছে।
ইহার মস্তক বৃহৎ, বক্ষদেশে ও মুখমণ্ডলে অঁইস নাই। ইহার
পায়ে বালকের স্থায় ক্ষুদ্র ক্ষুদ্র অঙ্গুলি আছে। টোকিও উপসাগরে
ইহা অধিক পাওয়া যায়। এখানকার জলাশয়ে কুম্ভীর ও
কচ্ছপাদির অভাব নাই। জাপান সমুদ্রে গুজি, নানাবর্ণের প্রস্তর
ও প্রবালাদি পাওয়া যায়।



নব্য জাপান ।

ঐতিহাসিক বৃত্তান্ত ।

প্রাচীনযুগ ।

ভারতীয় আৰ্য্যজাতিগণ যে অতি প্রাচীনকাল হইতে ভারত-বর্ষ বাতীত পৃথিবীর অন্যান্য দেশ ও দ্বীপপুঞ্জাদির কথা সম্যক-রূপে অবগত ছিলেন, আৰ্য্যজাতি, আৰ্য্যধর্ম ও আৰ্য্যাচার যে এক সময়ে পৃথিবী ব্যাপিয়া বিস্তৃত ছিল, তাহার ভূরি ভূরি প্রমাণ অত্যাধিক দেদীপ্যমান রহিয়াছে। “ফেলিক ওয়ারসিপ” নামক ইংরাজী গ্রন্থে লিখিত আছে, এক সময়ে তান্ত্রিক আচার, শিবলিঙ্গপূজা এবং ভারতীয় ব্রতচরণ, প্রাচীন আসিরিয়া, (অন্য দেশ) চালিডিয়া, আমেরিকা, অষ্ট্রেলিয়া, আফ্রিকা প্রভৃতি নানা দেশে অনুষ্ঠিত হইত। আমাদের পুরাণ গ্রন্থে বলিরাজা ও সূর্য্যবংশীয় জনৈক নৃপতির পাতালে গমন করার কথা লিখিত আছে। আমেরিকায় বলিভিয়া ও পুরুভিয়া নামে দুইটা দেশ আছে। পুরুভিয়ার প্রধান নগর কুজনো নগরীতে অত্যাধিক কয়েকটি দেবালয়, দেব বিগ্রহ ও একটা সূর্য্য মন্দিরের ভগ্নাবশেষ বিদ্যমান আছে। কেহ কেহ বলেন, প্রাচীন বলিভূমিও পুরুভূমি হইতে আধুনিক বলিভিয়া ও পুরুভিয়া নামের উৎপত্তি হইয়াছে। জনৈক সংস্কৃতজ্ঞ সুপণ্ডিত বহু প্রাচীন গ্রন্থ আলোচনা করিয়া লিখিয়াছেন;—ইংরেজেরা যাহাকে আমেরিকা বলিয়া বর্ণনা করিয়া থাকেন, শ্রীমদ্ভাগবতে তাহাকে আবর্তন

উপদ্বীপ নামে অভিহিত করা হইয়াছে। এই আবর্তন উপদ্বীপের পশ্চিমথণ্ডে (আমেরিকার উত্তর প্রদেশে) সূর্য্যবংশীয় পুরুকুৎস রাজার রাজ্য পুরুভূমি অর্থাৎ পেরু প্রদেশ ও দক্ষিণ প্রদেশে বলি রাজার রাজ্য বলিভূমি অর্থাৎ বলিভিয়া দেশ বিস্তৃত আছে। এখানে অষ্ট্রাপি “রামু-সীতোয়ো” অর্থাৎ রামসীতার উৎসব হইয়া থাকে।

H. M. Westrap প্রণীত Ancient Archæology নামক গ্রন্থে প্রাচীন মিশরীয়, গ্রীক, রোমান প্রভৃতি জাতির শিল্পকলা ও ভাস্কর বিদ্যার বহু বিবরণ সন্নিবিষ্ট হইয়াছে। এই পুস্তক যত্নসহকারে পাঠ করিয়া জনৈক বিশেষজ্ঞ ঐতিহাসিক লিখিয়াছেন ;—

এই গ্রন্থের ১৩৪ পৃষ্ঠায় গ্রীক দেবতা জুপিটারের প্রতিমূর্তি অঙ্কিত আছে। এই মূর্তি নিবিষ্টচিত্তে দেখিলেই মনে হয়, ইহা যেন ভারতীয় পৌরাণিক দেব মহাদেবেরই প্রতিমূর্তি। বাম হস্তে পারাবত-শীর্ষ ত্রিশূল; দুই পার্শ্বে যেন জয়া-বিজয়া; পদতল সমীপে দুই দিকে ছিন্নমস্তার প্রতিক্রম; আর আমাদের দেশে দশভূজা প্রতিমার চাল-চিত্রে যেমন বহুবিধ দেব-দেবীর মূর্তি অষ্ট্রাপি অঙ্কিত হইয়া থাকে, এই জুপিটার-প্রতিমা-ফলকের ললাটদেশে যেন তেমনই চাল-চিত্র অঙ্কিত। এই পুস্তকের ১৩৪ পৃষ্ঠায় প্রাচীন এথেন্সে প্রচলিত মুদ্রা বিশেষের প্রতিমূর্তি আছে; এই মুদ্রার একদিকে যেন লক্ষ্মী দেবীর মূর্তি অঙ্কিত; অপর দিকে লক্ষ্মী-পেচক ও ধাতু পাত্র খুঁচির প্রতিক্রম বিদ্যস্ত। এই পুস্তকের ১৮৮ পৃষ্ঠায় চিত্র দেখিলেই মনে হয়, ইহা যেন আমাদের দেশের মহিষমর্দিনীরূপের প্রতিক্রম; মহিষ-কায় হইতে অসুর-বিনির্গত

হইয়াছে; এই অসুর,—পার্শ্বোপবিষ্ট অপর অসুরের কেশাকর্ষণ করিতেছে। ১০১ পৃষ্ঠায় অঙ্কিত মূর্তি সমূহ দেখিলেই মনে হয়, ঠিক যেন ভারতের বৃন্দাবনবিলাসিনী শ্রীরাধার প্রতিমা; পার্শ্ব বংশীবাদন তৎপর শ্রীকৃষ্ণ, কোন মূর্তি বা বীণাধারিণী বীণাপাণির বিকৃতি। এই সকল মূর্তির হাব-ভাব ও বেশ-ভূষা দেখিলে, নিশ্চয়ই ভারতীয় বলিয়া প্রতীত হইবে,—রাধা-কৃষ্ণপ্রতিমার পার্শ্ব ফ্লাদিনী রসাতলাদিনী সখী-মণ্ডলী। পুস্তকের ১৭০ পৃষ্ঠায় রোমবিগ্রহ অঙ্কিত আছে, ইহা দেখিলেই মনে হইবে,—অবিকল যেন চতুর্মুখ ব্রহ্মারই অনুলকরণ! ২৩১ পৃষ্ঠায় যে রোমান-চিত্র বিশেষের প্রতিচিত্র অঙ্কিত আছে, তাহা দেখিলেই মনে হইবে, আমাদেরই শাস্ত্রবর্ণিত সমুদ্র-মন্থনের প্রতিমূর্তি;—সমুদ্র-গর্ভ হইতে চন্দ্র ও উচ্চৈঃশ্রবা অশ্ব উঠিতেছে,—আবার চৈত্রেক-পার্শ্ব সমুদ্র-সম্ভব স্রুধা লইয়া, দেবাসুরে মহাযুদ্ধ বাধিয়া গিয়াছে।

কেবলমাত্র গ্রীক বা রোম দেশে নহে, প্রাচীন মিশর দেশের মূর্তি-প্রসঙ্গেও ভারতীয় দেবদেবীর প্রতিমার লক্ষণ দিব্যরূপ প্রকটিত। উপরি-উক্ত পুস্তকের ১৫৫ পৃষ্ঠায় যে চিত্র অঙ্কিত রহিয়াছে, তাহা দেখিলেই মনে হইবে,—ইহা যেন অবিকল জগন্নাথ-বলরাম-সুভদ্রারই প্রতিমূর্তি; জগন্নাথ কৃষ্ণবর্ণ, বলরাম শুভবর্ণ এবং ইহাঁদের উভয়ের মধ্যস্থলে সুভদ্রাদেবী উপবিষ্ট। প্রতিমা-চিত্রে যেরূপ,—সৌধ-মন্দির চিত্রেও সেইরূপ ভারতীয় ভাবানুকরণই পুরা মাত্রায় প্রকটিত। মিশরীয় প্রাচীন মন্দির বিশেষের দৃশ্য যেন ভুবনেশ্বর মন্দির সদৃশ।

এক সময়ে আর্য্যধর্ম্মই যে পৃথিবীর প্রান্তে প্রান্তে প্রচলিত ছিল, এই সকল রূপ-প্রতিমা কি তাহার অনুরূপ পরিচায়ক নহে?

সুদূর উত্তর কুরুবর্ষে, (*) তিব্বতে, মানসমরোবরে, চীন-সাত্বাজ্যে, কৃষ্ণসাগরের উপকূলবর্তী কলচিস প্রদেশে, তুরস্কের বসোরা নগরে, পারস্যের অন্তর্গত নানা প্রদেশে, অত্মাপিও হিন্দু-দিগের প্রতিষ্ঠিত দেবমূর্তি বিরাজমান আছে। এখনও অনেক হিন্দু সন্ন্যাসীরা এই সকল স্থানে গমন করিয়া থাকেন।

কুরুক্ষেত্র যুদ্ধের পঞ্চশতবর্ষ পূর্বেও আর্য্যজাতির ইয়ুরোপ †

* উত্তরকুরু যে স্কমের প্রদেশের অন্তর্গত, তাহা রামায়ণ ও মহাভারত বর্ণিত বর্ণনানুসারে অবগত হওয়া যায়। সংস্কৃত শাস্ত্রবিদ উহলসন সাহেবও ইহা স্বীকার করিয়াছেন। যথা—
“উত্তরকুরু—The country about the north pole. উত্তর—northern and কুরু—The northern part at the globe.” এ অবস্থায় আধুনিক সাইবিরিয়া প্রদেশকে উত্তরকুরু নামে অভিহিত করিলে কোন দোষ ঘটিবে না।

† ভবিষ্যপুরাণ—পূর্বখণ্ডে ইয়ুরোপের প্রাচীন নাম অখা ক্রাস্ত বা ইযুজাত বলিয়া উক্ত হইয়াছে। যথা—

ইযুজাতে নরাঃ শুক্রাঃ শূরাঃ শিল্পবিশারদাঃ।

বাণিজ্যাদিরতাঃ ক্রুরা মায়ামোহ বিমিশ্রিতাঃ ॥

পণ্ডিত রামচরণ শিরোরত্ন মহাশয় তৎপ্রণীত “ভারতবর্ষ-বিচার” নামক গ্রন্থে প্রাচীন দেশ সকলের যেরূপ আধুনিক নাম নির্দেশ করিয়াছেন, কোতূহলাক্রান্ত পাঠকবর্গের অবগতি-জন্ম নিম্নে তাহার কতকগুলি উদ্ধৃত করিলাম।

অশ্বক্রান্ত, ইযুজাত, ইয়ুরোপ। রথক্রান্ত, সূর্য্যারিকা, আফ্রিকা।
বিষ্ণুক্রান্ত, অসেচনক, এশিয়া। আবর্তন, কুমারদ্বীপ, আমোরকা।
রমণক, ... অষ্ট্রেলেশিয়া। স্বর্ণস্থান, ... পালনোসিয়া।
ইন্দ্রদ্বীপ, ... ইংলণ্ড। রুম, রোমকপত্তন, রোমনগর।
পশুশীল, ... পোর্টুগাল। ক্রমথ, শম্মন, ... জার্মানি।
অর্ধিয়া, ... অস্ট্রিয়া। শক, তুরস্ক। তুথারা, বুথারা।
মিশ্রদেশ, ... মিসর। তলহ, ব্রাজিল, ইত্যাদি।

গমনের কথা অবগত হওয়া যায়। ভূগর্ভোখিত যে শিলালিপি হইতে ইহা স্থির হইয়াছে, তাহা অষ্টাপিও ইংলণ্ডের রাজকীয় কোতুকাগারে রক্ষিত আছে ॥

এই সকল দৃষ্টান্ত হইতে নিসংশয়ে প্রতীত হইতেছে, ভারতীয়েরা এক সময়ে পৃথিবীর সর্বস্থানেই আপনাদের অক্ষুণ্ণ প্রভাব বিস্তার করিয়াছিলেন।

প্রাচীনযুগে হিন্দু বণিকেরা পোতারোহণপূর্বক বালি, মালা, সুমাত্রা, বোর্নিও প্রভৃতি প্রাচ্য দ্বীপপুঞ্জে গমনাগমন করিতেন। এই সমস্ত স্থানে অষ্টাপিও হিন্দু উপনিবেশের সুস্পষ্ট চিহ্ন বর্তমান রহিয়াছে। হিন্দুরা যে, জাপানের অস্তিত্ব সম্বন্ধে অজ্ঞ ছিলেন না, তাহারও কয়েকটি প্রমাণ পাওয়া গিয়াছে। ইয়োকোহামার অনতিদূরে কামিকুরা নামক স্থানে ৩৩৬ হস্ত উচ্চ একটি বুদ্ধদেবের প্রতিমূর্তি পাওয়া গিয়াছে। আর একস্থানে ৪২ হস্ত উচ্চ একটি দেবমূর্তি আবিষ্কৃত হইয়াছে। শেযোকু মূর্তির গাত্রে সংস্কৃত ভাষায় কতকগুলি কথা খোদিত আছে। তাহাতে জানা যায়, খ্রীষ্ট জন্মবার বহুশতাব্দী পূর্বে এই দেবমূর্তি ভারতবর্ষ হইতে জাপানে আনীত হইয়াছিল।

জাপানের প্রাচীন নাম সুদর্শন দ্বীপ। রামায়ণের অন্তর্গত কিঙ্কিন্যা কাণ্ডের চত্বারিংশ সর্গে চারুদর্শন সুদর্শন দ্বীপ ও সূর্য্যারাগ-রঞ্জিত মনোহর স্বর্ণ পর্ব্বতের উল্লেখ আছে। কালক্রমে সুদর্শন নামের অপভ্রংশে 'নিপন' নাম হইয়াছে। প্রাচীন স্বর্ণ পর্ব্বত হইতে আধুনিক 'ফুজিসান' পর্ব্বতের নাম উৎপন্ন হইয়া থাকিবে। মহর্ষি বায়াকি সুদর্শন দ্বীপকে সূর্য্যোদয়ের স্থান বলিয়া উল্লেখ

॥ এসিয়াটিক রিসার্চের প্রথম, চতুর্থ ও দশম খণ্ডে দ্রষ্টব্য।

করিয়াছেন। আমরা পূর্বেই বলিয়াছি, জাপানী ভাষায় নিপন শব্দের অর্থ সূর্য্যোদয়ের স্থান। আমাদের বৈবস্বত মনুর গ্রায়, জাপান রাজবংশের আদি পুরুষ সিণ্টো, সূর্য্য হইতে উৎপন্ন। জাপান রাজবংশধরেরা আপনাদিগকে অদ্যাপিও সূর্য্যবংশীয় বলিয়া অভিহিত করিয়া থাকেন।

অনেকে অনুমান করেন, যে সভ্যতারাগে জাজ্জল্যমান হইয়া জাপান আজি উষার স্কুমার অরুণপ্রভার গ্রায় উত্তরোত্তর উন্নতির পথে অগ্রসর হইতেছে, সে সভ্যতা জাপানবাসির পাশ্চাত্য জাতির নিকট হইতে প্রাপ্ত হইয়াছে। এ অনুমান প্রকৃত নহে। পাশ্চাত্য সভ্যতার অভ্যঙ্গনে জাপানের বর-বপু কিঞ্চিন্মাত্রায় মসৃণ হইয়াছে সত্য, কিন্তু উহার জাতিকলেবর গঠনে যে ভারতবর্ষই মন্ত্রগুরু অদ্যাপিও তাহার দৃঢ় নিদর্শন বিদ্যমান আছে। এই বিবরণ আমরা ক্রমান্বয়ে লিপিবদ্ধ করিতে যত্ন করিব।

জাপান দ্বীপের উৎপত্তি ও তথায় লোকের বসতি সম্বন্ধে অনেক অপূর্ব উপাখ্যান প্রচলিত আছে। তাহার অধিকাংশই ভারতীয় পৌরাণিক আখ্যায়িকার গ্রায় অপূর্ব রহশ্চে বিজড়িত। জাপানীদিগের বিশ্বাস, অতি প্রাচীনকালে এই দ্বীপে দেবতার রাজত্ব করিতেন। বহুযুগ পরে সেই দেববংশে মানব ও দেবধর্ম্ম-বিশিষ্ট এক সম্প্রদায় মনুষ্যের জন্ম হয়। ইহার বহুবর্ষ পরে তাঁহাদের সম্মানসম্মতি হইতে বর্ত্তমান জাপানিগণের উৎপত্তি হইয়াছে।

ইয়ুরোপীয় পণ্ডিতগণের অনুমান যে, চীন হইতে জাপানীদিগের উৎপত্তি হইয়াছে। কিন্তু উভয় জাতির ধর্ম্ম ও ভাষার

অসাদৃশ্য, রীতিনীতি ও আচার ব্যবহারের পার্থক্য, মানসিক গতি ও চরিত্রের ভিন্নতা দর্শনে, কিছুতেই উক্ত অনুমানের সারবস্তা উপলব্ধি হয় না।

পাশ্চাত্য মানবতত্ত্ববিদেরা মনুষ্যবর্গের বর্ণ, মুখশ্রী ও গঠনাদির বিভিন্নতা অনুসারে সমগ্র মানবজাতিকে, ককেশীয়, মোঙ্গলীয়, ইথিওপীয়, মালয় ও আমেরিক এই পঞ্চ শ্রেণীতে বিভক্ত করিয়াছেন। তাঁহাদের মতে চীন, বর্মা, শাম, জাপান, এসিয়াস্থ রুয়িয়া, তিব্বত প্রভৃতি দেশের অধিবাসিগণ মোঙ্গলীয় শ্রেণীভুক্ত। ইহাদিগের বর্ণ পীত, কেশ স্থূল ও ঋজু, শ্মশ্রু বিরল, মুখ প্রশস্ত ও চেপ্টা, গণ্ডাস্থি উন্নত এবং চক্ষু বাদামাকৃতি।

নিম্নশ্রেণীর জাপানিগণের গঠনাদি মোঙ্গলীয় ভাবাপন্ন হইলেও জাপানের শিক্ষিত ও উন্নতিবংশীয়দিগের বর্ণ ও শারীরিক গঠনাদি অনেকাংশে ভারতীয় শ্রেষ্ঠজাতিগণের অনুরূপ। তাঁহাদিগকে সহসা দর্শন করিলে, ব্রাহ্মণ, কায়স্থ প্রভৃতি উচ্চশ্রেণীর বাঙ্গালী বলিয়া ভ্রম উপস্থিত হয়। তাঁহাদিগের বর্ণ গৌর, কেশ দীর্ঘ, নাসিকা উন্নত ও সমস্ত অঙ্গপ্রত্যঙ্গ সুগঠিত। যাহারা সংবাদপত্রে জাপান-সত্রাট, মার্কুইস আইটো, মন্ত্রী টেরাউচি, এডমিরাল টোগো, সেনাপতি অকু প্রভৃতি সুপ্রসিদ্ধ জাপানিগণের আলোকচিত্র দর্শন করিয়াছেন, তাঁহারা নিশ্চয়ই আমাদের একমতাবলম্বী হইবেন। কয়েক বৎসর পূর্বে কলিকাতার বিশ্ববিদ্যালয়ের বিশেষ অধিবেশনে একটা আশ্চর্য্য পরীক্ষা হইয়াছিল। তাহাতে দুই জন জাপানী ভদ্রলোক এদেশীয় পরিচ্ছদ পরিধান পূর্বক সভায় উপস্থিত স্বত্বেও কেহই তাঁহাদিগকে বাঙ্গালী হইতে ভিন্ন বিবেচনা করিতে পারেন নাই।

পৃথিবীর সর্বত্রই দৃষ্ট হয় যে, অনেক প্রদেশ আদিম অধিবাসী শূন্য হইয়া নূতন জাতি কর্তৃক উপনিবেশিত হইয়াছে। ইয়ুরোপ মহাদেশের ইতিবৃত্ত পাঠ করিলে, ইহার প্রচুর উদাহরণ পাওয়া যাইবে। আরও দেখা যায়, আদিম জাতি ও নবাগত জাতির সংমিশ্রণে নানাস্থানে নূতন নূতন জাতিনিচয়ের উৎপত্তি হইয়াছে। উদাহরণ স্বরূপ ম্লাটো ও জম্বো প্রভৃতি জাতির কথা উল্লেখ করা যাইতে পারে। এইরূপ উদাহরণ ভারতবর্ষেও বিরল নহে।

আমাদের দৃঢ় বিশ্বাস যে, দূর অতীতের কোন এক সময়ে ভারতীয় আৰ্য্যজাতিগণের কোন এক শাখা সুদর্শন দ্বীপে উপনিবেশ স্থাপন করিয়াছিলেন। এই মহাঘটনা, আৰ্য্যজাতির অতীত গৌরবের সুবর্ণযুগে, কি ইতিহাস-প্রসিদ্ধ বৌদ্ধযুগে ঘটিয়াছিল, তাহা নিঃসন্দেহে নির্ণয় করিবার অবসর উপস্থিত হয় নাই।

কোজিকি নামক জাপানের পুরাণগ্রন্থে লিখিত আছে যে, অতি প্রাচীনকালে সিনটে। নামক জনৈক মহাপুরুষ ভগবান সূর্য্য হইতে উৎপন্ন হইয়া মর্ত্তধামে অবতরণ করেন। তাঁহার সম্মানসম্বন্ধিতরা বহুযুগ ধরিয়া পৃথিবী সুশাসন পূর্ব্বক অন্তর্হিত হইলে, নিগন রাজ্যে অতি ভয়াবহ দেবাসুর সংগ্রাম আরম্ভ হয়।

ভগবতী বসুমতী উকুনিনুনী নামক অজেয় অসুর কর্তৃক পীড়িত হইয়া, প্রভাকরপত্নী দেবী অমৃতরাশির আশ্রয় গ্রহণ করেন। মহাদেবী বসুমতীর কাতর-ক্রন্দনে বিগলিতা হইয়া মিকাডো নামক মহাবলশালী দেব সেনাপতিকে দৈত্য দলনার্থ ভূতলে প্রেরণ করেন। বহুযুগ ধরিয়া দেবদানবে ভীষণ যুদ্ধ

হয়। অবশেষে মিকাডো ও তাঁহার মানসপুত্রগণের বাহুবলে দানবেরা পরাজিত হইয়া দেশত্যাগ পূর্বক পাতাল প্রদেশে পলায়ন করে। বুদ্ধাবসানে মিকাডো নিগনের সত্রাট হন। ইহাই জাপানের পৌরাণিক ইতিহাস।

মিকাডো বংশে জীমূতমনু নামক জনৈক মহাপ্রভাপশালী নরপতি জন্মগ্রহণ করেন। প্রথম নিনো অর্ধে অর্থাৎ খৃষ্ট জন্মবার ৬৬০ বৎসর পূর্বে ইহার আবির্ভাব হয়। এই সময় হইতে জাপানে কাল গণনার সূত্রপাত হয়। দেববংশসম্বৃত বলিয়া জীমূতমনু রাজ্যের সর্বত্রই প্রতিষ্ঠা লাভ করিয়াছিলেন। সহস্র সহস্র ধর্মমন্দিরে মহোৎসব সহকারে তাঁহার নিত্য পূজা হইত। প্রজাগণ সাক্ষাৎ ঈশ্বর বোধে তাঁহাকে ভয় ও ভক্তি করিত। এই সময়ে জাপানীরা সিন্টো ধর্মাবলম্বী ছিল। সূর্য্যপূজা, রাজভক্তি ও স্বদেশপ্ৰীতি এই ধর্মের মূলমন্ত্র ছিল। প্রজা মাত্রেই সত্রাট ও স্বদেশের জন্ত সাগর সলিলের স্তায় অকাতরে অর্থ ও শোণিত ব্যয় করিত।

জীমূতমনু মিকাডোর পর হইতে জাপানে রাজ-সন্মান অত্যধিক পরিমাণে বৃদ্ধি পাইতে থাকে। এই সময়ে জনসাধারণ সত্রাটকে দেবতা বোধে তাঁহার শরীর পরম পবিত্র বলিয়া বিশ্বাস করিত। রাজা কোন সময়ে মৃত্তিকা স্পর্শ করিতেন না। কোনস্থানে বাইতে হইলে বাহকের স্বন্ধে উঠিয়া গমন করিতেন। সত্রাটের নখর ও কেশ প্রভৃতি কেহই পাপভয়ে ছেদন করিতে সাহসী হইত না। সত্রাটের জন্ত প্রত্যহ নূতনপাত্রে রন্ধন হইত, রন্ধনান্তে সেগুলি সমুদ্র-গর্ভে পরিত্যাগ করা হইত। সত্রাট প্রত্যহ নূতন স্বর্ণপাত্রে

ভোজন করিতেন। সে পাত্র পরিত্যাগ না করিয়া, তাহা অবসর মত দ্রব করিয়া নূতনপাত্র প্রস্তুত করা হইত। সম্রাটের পীড়া হইলে, সিংটো ধর্মমন্দিরের পুরোহিতগণকে অনশনে থাকিয়া ত্রিসন্ধ্যা সূর্য্যোস্তোত্র পাঠ করিতে হইত। সম্রাট শাস্ত্রানুসারে দ্বাদশটি পত্নী গ্রহণ করিতে পারিতেন। পত্নীগর্ভজাত সন্তান মাঝেই রাজ সন্মান প্রাপ্ত হইতেন। সর্বাপেক্ষা জ্যেষ্ঠ পুত্রের গৌরব অধিক ছিল, তাহারই অদৃষ্টে সিংহাসনের উত্তরাধিকার ঘটত। সম্রাটের মৃত্যু হইলে কনিষ্ঠ পত্নী মৃতপতির অনুগামিনী হইতেন। অগ্ন্যাগ্ন পত্নীরা ইচ্ছা করিলে এই সতীধর্ম পালন করিতে পারিতেন। বিধবা সম্রাট-মহিষীরা অগ্ন পতি গ্রহণ করিতে পারিতেন না।

এই সময়ে জাপানিগণের মধ্যে বিবিধ সংস্কার বিদ্যমান ছিল। তাহারা শুনিয়াছিল, পৃথিবীর নিম্নে একটি বৃহদাকার তিমিঙ্গিল আছে, সেই মৎস্য মস্তক নাড়িলে ভূমিকম্প হয়। তাহারা বলিত দেবমন্দির গুলি সিংটোর পতাকার উপরে স্থাপিত বলিয়া তথায় ভূমিকম্পের উপদ্রব হয় না। তাহাদের বিশ্বাস ছিল, কুদিনে মরিলে মনুষ্য প্রেতঘোনি প্রাপ্ত হয়, অধার্মিকগণ মরণান্তে শৃগাল ও উদ্ধামুখী হয়।

আমরা যে সময়ের কথা বলিতেছি, সে সময়ে ভারতবর্ষ চীন, গ্রীক ও মিশর প্রভৃতি কয়েকটি দেশ ভিন্ন সমগ্র পৃথিবী অজ্ঞানানুকারে আচ্ছন্ন ছিল। আশ্চর্য্যের বিষয়, এই সময় হইতে (২৫৫০ খৃঃ পূঃ) জাপানের পুরাবৃত্ত অতি সুন্দরভাবে লিখিত হইতে আরম্ভ হইয়াছে।

আমরা দেখিতে পাই, প্রাচীনযুগেও জাপানবাসীরা শিল্প ও

বাণিজ্যকুশল জাতি বলিয়া প্রসিদ্ধ ছিল। খৃষ্ট জন্মবার ৬৫০ বৎসর পূর্বে জাপানীরা স্বদেশজাত দ্রব্যাদি লইয়া চীন ও কোরিয়ার সহিত সমুদ্রপথে বাণিজ্য করিত। বর্তমান সময়ের দুই সহস্র বর্ষ পূর্বে জাপানে জনসংখ্যা গ্রহণ করা হইয়াছিল। ১৭০০ বৎসর অতীত হইল, জাপানে ডাকঘর স্থাপিত হইয়াছে। সহস্রাধিক বর্ষ বিগত হইল, জাপানবাসীরা রেশম বয়ন ও চীনাবাসন প্রস্তুত প্রণালী অবগত হইয়াছে।

খৃষ্ট জন্মবার বহুবর্ষ পূর্ব হইতেই জাপানীরা ভারতবর্ষের কথা অবগত হইয়াছে। এই সময়ে তাহারা ভারতবর্ষকে “তেনজিকু” ও ভারতবাসীকে “তেনজিকুজিন” নামে অভিহিত করিত। এই দুইটি শব্দের অর্থ যথাক্রমে স্বর্গ ও স্বর্গবাসী। এইরূপ প্রবাদ আছে, প্রাচীনযুগে জাপানীরা, ভারতবাসী কোন ব্যক্তিকে দর্শন করিলে বলিত ;—“হাজ আমাদের মানব জন্ম ধন্য হইল, আমাদের স্বর্গযাত্রার পথ উন্মুক্ত হইল। আমরা স্বচক্ষে স্বর্গবাসীকে দর্শন করিলাম।”

মধ্যযুগ ।

বৌদ্ধধর্ম কোন সময়ে জাপানে প্রবেশ লাভ করিয়াছিল, কোন সময়ে জাপানিগণের রীতিনীতি, আচারব্যবহার বৌদ্ধ ভাবাপন্ন হইয়াছিল তাহা নিশ্চয়রূপে বলিতে পারা যায় না। খৃষ্টীয় ষষ্ঠ শতাব্দির পূর্বে যে জাপানে বৌদ্ধসভ্যতা প্রচলিত ছিল, তাহার কোন নিদর্শন প্রাপ্ত হওয়া যায় না। *

ইয়ুরোপীয় পণ্ডিতগণের অনুমান, চীনের বৌদ্ধ ভিক্ষুরাই সর্বপ্রথমে জাপানে গমন করিয়া, তথায় বৌদ্ধধর্ম প্রচারের পথ উন্মুক্ত করিয়াছিলেন। কিন্তু এক্ষণে নানাস্থান হইতে যেরূপ প্রমাণ পাওয়া বাইতেছে, তাহাতে স্পষ্টই প্রতীত হয় যে, জাপানে বৌদ্ধধর্ম প্রবেশের বহুপূর্বে তথায় প্রাচীন আর্য্যসভ্যতা ও ভারতীয় তান্ত্রিক ধর্মের বিস্তার হইয়াছিল।

জাপানের প্রাচীন ইতিহাস পাঠে অবগত হওয়া যায় যে, খৃষ্টীয় প্রথম শতাব্দি যে সমস্ত ব্যক্তি জাপানে ভারতবাসী বলিয়া পরিচিত হইয়াছিলেন, তাঁহাদের মধ্যে কেহ কেহ তন্ত্রশাস্ত্রে সুনিপুণ ও কেহ কেহ ঐন্দ্রজালিক বিদ্যায় সুপণ্ডিত ছিলেন। কাই (Kii) প্রদেশীয় একটা উষ্ণপ্রস্রবণের নিকটে কয়েকজন হিন্দু সন্ন্যাসী বাস করিতেন। এইরূপ শুনা যায়, ইহাঁদিগের মধ্যে একজন নগ্ন ছিলেন এবং ইহার দৃষ্টি সর্বদাই দক্ষিণদিকে থাকিত।

* “জাপানের ধর্মপ্রণালী” শীর্ষক প্রবন্ধ দ্রষ্টব্য।

জাপানের ইতিহাসে বোধিসেন ভারদ্বাজ নামক একজন ভারদ্বাজ বংশীয় ব্রাহ্মণের উল্লেখ আছে। ইনি ভারতবর্ষ হইতে সমুদ্রপথে কোচীন-চীনে আগমন করেন, তথায় কিছুকাল অতিবাহিত করিয়া “ফোচে” নামক চীন দেশীয় পণ্ডিতের সহিত জাপানের “ওসাকা” নগরে উপস্থিত হন। বোধিসেন প্রায় চতুর্বিংশতি বয়সকাল জাপানে অতিবাহিত করেন। ইহার মৃত্যুর পর, স্মৃতিচিহ্ন স্বরূপ, তাঁহার সমাধিস্থানে একখণ্ড প্রস্তর প্রোথিত হয়। অষ্টাপিও জাপানের সুবিখ্যাত নারা প্রদেশে বোধিসেন ভারদ্বাজের প্রতিষ্ঠিত মঠ ও স্মৃতি প্রস্তরফলক বর্তমান আছে। “মান্জো-শিউ” নামক জাপানের প্রচীন পঞ্চ সংগ্রহ পুস্তকে “ভারতবর্ষীয় ব্রাহ্মণ ও বায়সের উপাখ্যান” নামক একটি ক্ষুদ্র কবিতা লিখিত আছে। †

চীন ত্রিপিটকাস্তর্গত (‡) গ্রন্থাবলী পাঠে অবগত হওয়া

† জাপানী ঐতিহাসিকগণের মধ্যে কেহ কেহ বোধিসেন ভারদ্বাজকে বৌদ্ধধর্মাবলম্বী ভারতীয় ব্রাহ্মণ বলিয়া অভিহিত করিয়া গিয়াছেন।

‡ ত্রিপিটক অর্থে তিনখানি গ্রন্থ নহে। যেমন চতুর্বেদের প্রত্যেকের মধ্যে শত শত গ্রন্থ দোখতে পাওয়া যায়, ষড়দর্শনের মধ্যে এক এক দর্শন শ্রেণীর শত শত পুস্তক রহিয়াছে, ত্রিপিটকেও সেইরূপ সমুদয় বৌদ্ধধর্মগ্রন্থ সূত্র, বিনয় ও অভিধর্ম এই তিন শ্রেণীতে বিভক্ত করিয়া তিনটি শ্রেণীর একটি সাধারণ আখ্যা দেওয়া হইয়াছে। চৈনিক ত্রিপিটকে যে কত সহস্র গ্রন্থ রহিয়াছে এবং সে সমস্ত যে কোন্ ভাষা হইতে অনুবাদিত, এ পর্য্যন্ত তাহা নির্ণীত হয় নাই। জাপানী ত্রিপিটক সম্বন্ধে এই গ্রন্থের “জাপানী সাহিত্য ও সংবাদ পত্র” শীর্ষক অধ্যায় দ্রষ্টব্য।

যায় যে, চীন দেশীয় ধর্ম প্রচারকগণ সপ্তম শতাব্দে হইতে দশম শতাব্দে পর্য্যন্ত জাপানবাসিগণের নিকট বৌদ্ধধর্ম ও বৌদ্ধনীতির মহিমা কীর্ত্তন করিয়াছিলেন।

সপ্তম শতাব্দীর প্রারম্ভে সাম্রাজ্ঞী সু-ইকো জাপানের সিংহাসনে অধিষ্ঠিতা ছিলেন। তিনিই এ দেশের প্রথম স্ত্রী-শাসনকর্ত্রী। বৌদ্ধধর্মে তাঁহার অচলাভক্তি ও দৃঢ় বিশ্বাস থাকায় এই সময় হইতে জাপানে বৌদ্ধধর্ম বদ্ধমূল হয়। এই শতাব্দীতে সপ্তজন সম্রাট ও পঞ্চজন সাম্রাজ্ঞী জাপানে রাজত্ব করেন। ভারতের বৌদ্ধধর্ম ইতিহাসে প্রিয়দর্শী অশোকের জ্ঞায়, সাম্রাজ্ঞী কৈমিও ও সাম্রাজ্ঞী কো-কেন জাপানে সমধিক প্রসিদ্ধি লাভ করেন। কৈমিও রাজ্যের নানাস্থানে বৌদ্ধ-মন্দির নির্মাণ করিয়া, প্রত্যেক মন্দিরে ভগবান শাক্যমুণির মূর্ত্তি প্রতিষ্ঠা করেন। তাঁহার সময়ে রাজ্যের ভিন্ন ভিন্ন প্রদেশে পাহ-নিবাস, অনাথ-আশ্রম ও চিকিৎসালয় স্থাপিত হয়। এই সকল কার্যের জন্ত তিনি ব্যয় স্বীকারে অগুনত্ন কুষ্ঠানুভব করিতেন না।

নবম শতাব্দীর মধ্য হইতে একাদশ শতাব্দী পর্য্যন্ত জাপানের সর্বত্র ফুজিয়ারা বংশের বিশেষ প্রতিপত্তি হয়। জাপানী ঐতিহাসিকেরা এই সময়কে “ফুজিয়ারা সময়” বলিয়া অভিহিত করিয়াছেন। এই সময়ে ফুজিয়ারা বংশীয় কতিপয় সম্রাট ও সাম্রাজ্ঞীর যত্নে জাপানে বৌদ্ধধর্মের অসাধারণ উন্নতি সাধিত হইয়াছিল।

খৃষ্টীয় একাদশ শতাব্দীর পর হইতে মিকাদোর ক্ষমতা হ্রাস হইয়া জাপানে তৈরা ও মাইনামটো নামক দুইটি সম্রাট

বংশের ক্ষমতা অত্যধিক বৃদ্ধি প্রাপ্ত হয়। ইহাদের ভয়ে ভীত হইয়া, সম্রাট ভেদনীতি অবলম্বন পূর্বক উভয় বংশকে বলহীন করিয়া ফেলেন। দ্বাদশ শতাব্দীর মধ্যভাগে তৈরা বংশে কায়ামর নামে জনৈক প্রতাপশালী ব্যক্তি জন্মগ্রহণ করেন। তিনি বুদ্ধিবলে সম্রাটকে হস্তগত করিয়া, স্ব-বংশীয় প্রধান ব্যক্তিগণের সাহায্যে মাইনামটো বংশীয় নেতৃগণকে সংগ্রামক্ষেত্রে নিহত করেন।

কালক্রমে হতাশিষ্ট মাইনামটো বংশে যোরিটোমো নামক জনৈক বীরযুবকের উৎপত্তি হয়। কথিত আছে, তাঁহার শ্রায় অসামান্য ধীশক্তিসম্পন্ন রাজনীতিজ্ঞ ব্যক্তি জাপানে জন্মগ্রহণ করেন নাই। তিনি ১১৮০ খৃষ্টাব্দে সম্রাট টাকাকুরার সহিত নিজ সুন্দরী ও সুলক্ষণা কন্যার উদ্বাহক্রিয়া সম্পন্ন করেন। যোরিটোমো ১১৮৪ খৃঃ অব্দে কোশলে রাজশক্তি গ্রাস পূর্বক জাপানের “দৈজো-দেজিন” অর্থাৎ প্রধান মন্ত্রিপদে সমারূঢ় হইয়া নিজেই সম্রাটের বাবতীয় কার্য পরিচালনা করিতে আরম্ভ করেন। কোন কোন জাপানী ঐতিহাসিকের নিকটে যোরিটোমো জাপান সাম্রাজ্যের “টাইকুন” অর্থাৎ সেনাপতি বলিয়া আখ্যাত হইয়াছেন।

এই সময় জাপানে জায়গীর-প্রথার প্রবর্তন হয়। জায়গীর-দারগণ আপনাপন অধিকৃত স্থান রক্ষার ব্যয় ভিন্ন নিজেদের বেতন জন্ত বৎসরে ১০ হাজার “কোকু” অর্থাৎ ত্রিশ হাজার মণ ধান্য পাইতেন। জায়গীরদারদিগকে জাপানীরা “দাইমিও” বলিত।

১১৮৬ অব্দে জাপানে “সোগান” অর্থাৎ রাজ্যরক্ষক

নামক একটি প্রধান পদের সৃষ্টি হয়। মাইনামটো নামক প্রথম সোগানবংশ ১১৮৩ খৃঃ হইতে ১৩৩৬ খৃঃ পর্যন্ত রাজ্যশাসন করেন। কাকামুরা নগরে তাঁহাদের বাসভবনের ভগ্নাবশেষ অষ্টাপি দেখিতে পাওয়া যায়। আসিকাগা নামক দ্বিতীয় সোগানবংশ ২৩৭ বর্ষ পর্যন্ত কিয়াটো নগরে বাস করিয়া রাজ্যশাসন করেন। এই বংশে হিদো-ইযোসী নামক জনৈক প্রসিদ্ধ ব্যক্তি সোগান উপাধি ধারণ করিয়া দুইবারে কোরিয়া রাজ্যের দ্বি-তৃতীয়াংশ অধিকার করেন।

খৃষ্টীয় ত্রয়োদশ শতাব্দীতে দিগ্বিজয়ী জঙ্গিস খাঁর পুত্র সুপ্রসিদ্ধ কুবলাই খাঁ অসংখ্য মোগল সৈন্য লইয়া পঙ্গপালের দ্বারা জাপান রাজ্য আচ্ছন্ন করেন। প্রায় চত্বারিংশ বর্ষব্যাপী ভীষণ যুদ্ধে তিন লক্ষ মোগল সৈন্যের মধ্যে কয়েকজন মাত্রকে লইয়া কুবলাই স্বদেশে উপস্থিত হন। এই মহাসমরে জাপানবাসীগণ যে অদ্ভুত বীরত্ব ও অপূর্ব স্বদেশানুরাগ প্রদর্শন করিয়াছিল, তাহা বর্ণনা করিতেও হৃদয় কম্পিত ও শরীর লোমাঞ্চিত হইয়া উঠে।

মহাবীর কুবলাই জাতিনির্কির্ষেবে প্রতিভার পূজা করিতেন। তিনি জাপানবাসী বৌদ্ধধর্মাবলম্বিগণের হস্তে পরাজিত হইয়া, তাঁহার বিশাল রাজ্য বৌদ্ধধর্ম বিস্তারের জন্য চীন ও জাপানবাসী লামাগণকে আহ্বান করেন। বহু তর্কবিতর্ক ও আলোচনার পরে অবশেষে বৌদ্ধধর্ম তাঁহার মনঃপুত হয়।

১৬০৩ খৃষ্টাব্দে টোকাগুয়া বংশের জনৈক প্রসিদ্ধ ব্যক্তি সোগান উপাধি ধারণ করিয়া জাপানের রাজসিংহাসন অধিকার

করিতে মনস্থ করেন। দীর্ঘকালব্যাপী ভীষণ গৃহযুদ্ধের পরে মিকাদোবংশ কিয়াটো নগরে (মিয়াকো) ও সোগানবংশ জেডো সহরে (টোকিও) আপনাপন আধিপত্য প্রতিষ্ঠা করেন। এই দারুণ অন্তর্বিগ্রহের বিষময়ফলে জাপানের কি রাজনৈতিক, কি সামাজিক সমস্ত উন্নতিই বহুদিনের জন্ত স্থগিত হইয়া যায়।

এই সময়ের অবস্থা বর্ণনাবসরে ইয়ুরোপীয় ও আমেরিকার ইতিহাস লেখকেরা লিখিয়াছেন;—জাপানে দুইটি নরপতি রাজত্ব করিয়া থাকেন। জেডোর রাজা রাজ্য শাসন করেন এবং কিয়াটোর রাজা বৌদ্ধধর্ম রক্ষা করেন। সুপ্রসিদ্ধ জাপানী ঐতিহাসিক মিঃ ওকাকুরা “Awakening of Japan” নামক গ্রন্থে এই সময়ের জাপানের অবস্থার সহিত বর্তমান ভারতবর্ষ ও চীন সাম্রাজ্যের তুলনা করিয়াছেন।

জাপানবাসিরা বৈদেশিক জাতিগণকে বিশেষতঃ ইয়ুরোপীয় খৃষ্টান সম্প্রদায়দিগকে, বহুকাল হইতে বিদ্বেষ ও অবিশ্বাসের চক্ষে দর্শন করিয়া আসিতেছে। সপ্তদশ শতাব্দীর প্রারম্ভে ইংরাজ, ফরাসী, ওলন্দাজ, পোর্টুগিস্, দিনেমার প্রভৃতি ইয়ুরোপীয় জাতিগণ বাণিজ্য ব্যপদেশে এসিয়ায় আগমন করিয়া, যেরূপ সামান্য সূত্র অবলম্বন পূর্বক এই বিশাল মহাদেশ গ্রাস করিতে আরম্ভ করেন, তাহাতে জাপানীরা যে ইয়ুরোপীয়দিগকে আপনাদের ঘোর শত্রু বলিয়া মনে করিবে, তাহাতে আর আশ্চর্য্য হইবার কারণ কি? জনৈক প্রথিতনামা জাপানী ঐতিহাসিক লিখিয়াছেন,—যে দিন ইংরাজেরা বাণিজ্য উপলক্ষ করিয়া অনায়াসভাবে রত্নগর্ভা বিশাল ভারতবর্ষ আত্মসাৎ করিল,

সেইদিন হইতেই জাপানীরা ইয়ুরোপবাসিগণের চরিত্র অবগত হইয়াছে। ক্রমেই যখন খৃষ্টানেরা প্রাচ্যদেশবাসীদিগকে ভ্রষ্ট ও ধর্মত্যাগী বলিয়া ঘোষণা করিতে আরম্ভ করিল, তখন হইতেই জাপানীরা ইয়ুরোপবাসীর প্রতি দারুণ বিদ্বেষভাব পোষণ করিয়া আসিতেছে।

আমরা ইতিপূর্বে যে গৃহযুদ্ধের কথা উল্লেখ করিয়াছি, তাহার বিষময়ফলে ক্রমেই জাপানের অবস্থা শোচনীয় হইতে আরম্ভ হইল। এই সময়ে—১৮৫৩ খৃষ্টাব্দে—কমোডোর পেরি নামক জনৈক মার্কিন নৌ সেনাধ্যক্ষ ৪ খানি রণতরী লইয়া জাপানে আগমন করেন। জাপান রাজ্য ও মার্কিন সাধারণ-তন্ত্রের মধ্যে একটা বাণিজ্য-সন্ধি স্থাপন করাই তাঁহার অভিলাষ ছিল। এই সময়ে টোকাগুয়াবংশীয় দ্বাদশ সোগান জাপানে রাজত্ব করিতেছিলেন। তিনি পেরির প্রস্তাবে কর্ণপাত না করায়, পেরি ক্রুদ্ধ হইয়া পোতস্থিত কামানের সাহায্যে টোকিও উপসাগরের উপকূলবর্তী নগর সমূহের উপর গোলাবৃষ্টি করিতে আরম্ভ করেন। বিপদ দেখিয়া জাপানবাসী বৌদ্ধগণ যুদ্ধদেবতা কার্তিকেয়ের ও সিংটোগণ অনশন ব্রতাবলম্বন করিয়া সমুদ্র ও ঝটিকার উপাসনা করিতে লাগিল। গত পূর্ববর্ষে যে জাতির জলযুদ্ধ কৌশল দেখিয়া পৃথিবীর বীরমণ্ডলী ধন্য ধন্য করিয়া-ছিল, কিঞ্চিদধিক অর্ধ শতবর্ষ পূর্বে সেই জাতির পূর্বপুরুষগণ নৌকা ও কাঠ উড়ুপে আরোহণ করিয়া পেরির সম্মুখীন হইল। এই অসম সময়ের পরিণামফল বুঝিতে পারিয়া, সম্রাট ও সোগান উভয়েই পেরির প্রস্তাবিত সন্ধিপত্রে স্বাক্ষর করিতে বাধ্য হন।

ইহার কতিপয় বর্ষ পরে, ইংরাজ, ফরাসী প্রভৃতি ইয়ুরোপীয় জাতিগণ আমেরিকাবাসীর ছায় জাপানের সহিত বাণিজ্য-সন্ধি সংস্থাপন করেন। কিন্তু খৃষ্টশিষ্যগণের অদম্য জঠরানল সহজে পরিতৃপ্ত না হওয়ায়, ১৮৬৩ খৃঃ ১১ই আগষ্ট তারিখে কোগিশামা নামক স্থানে তাহাদের সহিত জাপানিগণের একটা ক্ষুদ্র যুদ্ধ সংঘটিত হয়। বলা বাহুল্য এই যুদ্ধেও জাপানীরা সম্পূর্ণ পরাস্ত হয়।

উপরিউক্ত ঘটনানিচয় হইতেই নিপনের নবযুগ আরম্ভ হইল। বৈদেশিক জাতির হস্তে বার বার পরাজিত হইয়া জাপানবাসীর হৃদয়ে যে গভীর ক্ষত উৎপন্ন হইল, অত্য়পিও তাহার রক্ত নির্গম রুদ্ধ হয় নাই। পেরির উৎপীড়নে অনেকেই ব্যথিত হইয়াছিলেন। এক্ষণে ইয়ুরোপীয় খৃষ্টান জাতির আচরণ দেখিয়া সকলেরই মোহনিদ্রা ভঙ্গ হইল। জাপানের সুসন্তান মাত্রেই বুঝিলেন, আর রক্ষা নাই; এখন হইতে সাবধান না হইলে, অনতিকাল মধ্যেই সমগ্র রাজ্য শত্রুর করাল-কবলে নিপতিত হইবে; নিপনের আজন্ম-স্বাধীনতা-স্বর্ঘ্য চিরদিনের জন্ত অস্ত-মিত হইবে।


বাগ্মগণ হৃদয়বিলোড়নকারিণী বহিতাপোচ্ছাসিনী বক্তৃতা দ্বারা, স্নলেখকগণ অন্তর প্রজ্জ্বালনকারিণী রণোন্মাদিনী রচনা দ্বারা, স্বদেশীয় শ্রোতৃবর্গের ও পাঠকবৃন্দের চিত্ত উন্মত্ত করিয়া তুলিলেন। পরিশেষে,—অতি অল্প দিবস মধ্যে—সমগ্র জাপান-বাসী একবাক্যে স্থির করিলেন যে, স্বদেশহিত-যজ্ঞে স্বার্থ-পশু উৎসর্গ না করিলে কোন উপায়েই জননা জন্মভূমির স্বাধীনতা রক্ষা হইবে না।

ইহা স্থির করিয়াই সৰ্ব্বপ্রথমে জাপানের অদ্বিতীয় শক্তিধর প্রধান সেনাপতি কিকি স্বদেশহিতব্রতে আত্মস্বার্থ বিসর্জন দিলেন। তিনি বিশাল রাজ্য, সোগানের স্বর্ণসিংহাসন, অতুল্য সম্মান, সমস্তই সম্রাটচরণে উৎসর্গ করিয়া কেবলমাত্র একখানি সুশাণিত তরবারি গ্রহণ করিলেন। দেখিতে দেখিতে দাইমিও আখ্যাধারী জায়গীরদারগণ, কুগেবংশীয় ভূম্যাধিকারিগণ, আইচু ও টোকাগুয়া বংশীয় সামুরাইগণ ও অন্যান্য সম্মানিত বংশের রাজকর্মচারিগণ একে একে কিকি সোগানের মহৎ দৃষ্টান্তের অনুসরণ করিলেন। লক্ষপতি স্বৈচ্ছায় পথের ভিখারী হইলেন। এই দৃষ্টান্তে অনুপ্রাণিত হইয়া নিরক্ষর সৈনিকেরা পর্যাস্ত আপনাপন নিষ্করভূমি পরিত্যাগ পূর্বক সম্রাট সমক্ষে দণ্ডায়মান হইল।

সমগ্র দেশ ব্যাপিয়া স্বদেশানুরাগের প্রবল ঝটিকা বহিতে লাগিল। দেশে দেশে, নগরে নগরে, গ্রামে গ্রামে, স্বদেশ ও সম্রাটের মঙ্গল কামনায় ভগবান শাক্যমুণির আরাধনা হইতে লাগিল। বালক হইতে বৃদ্ধ পর্যাস্ত, কৃষক হইতে জমিদার পর্যাস্ত, মূর্থ হইতে পণ্ডিত পর্যাস্ত, অধিক কি বালিকা হইতে বৃদ্ধা পর্যাস্ত, সকলেই সম্রাট ও স্বদেশের জন্ত জীবন উৎসর্গ করিতে প্রতিজ্ঞা বদ্ধ হইল। ঝটিকা বহিতে লাগিল। স্বদেশানুরাগ ও স্বজাতিপ্রেমের প্রবলবহিতে জাপান-ভূমি পূত ও পুণ্যময় হইল। সোগান পদ বিলুপ্ত হইয়া, জাপান সাম্রাজ্য একমাত্র সম্রাটের অধীন হইল।

এইরূপে ১৮৬৭ খৃষ্টাব্দে প্রশান্ত মহাসাগরের সুনীলবক্ষে বালার্কদ্ব্যতিমণ্ডিত জাপান রাজ্যে নবযুগ আরম্ভ হইল।

নবযুগ ।



বলিতে গেলে, সোগানাধিপত্য অবসানের পর বৎসরে—১৮৬৮ খৃঃ অব্দে—প্রাচীন জাপান নবজীবন প্রাপ্ত হয়। এই বৎসরে “মেইজি” অব্দের প্রবর্তন হয়। এই বৎসরে রাজধানী কিয়াটো নগর হইতে জেডো নগরে স্থানান্তরিত হয়। এই বৎসরেই জেডো নাম পরিবর্তিত হইয়া উহা টোকিয়ো অর্থাৎ প্রাচ্য রাজধানী নামে অভিহিত হয়।

প্রথম মেইজি অব্দে মিকাডো মেঘমুক্ত প্রভাকরের শ্রায় সিংহাসনে প্রতিভাত হইয়া, একখানি ঘোষণা পত্র প্রচার করেন। এই পত্রে নিম্নলিখিত পাঁচটি বিষয় লিখিত হইয়াছিল। যথা,—

- (১) রাজ্যের বাবতীয় কার্য্য দেশের বিদ্বান সম্প্রদায় কর্তৃক পরিচালিত হইবে।
- (২) প্রাসাদবাসী সম্রাট হইতে পর্ণকুটীর-বাসী কৃষক পর্য্যন্ত সকল ব্যক্তিকেই জাতীয় উন্নতির জন্ত আত্মোৎসর্গ করিতে হইবে।
- (৩) দেশের অধিবাসী মাত্রেই দেশীয় শিল্পের সহায়তা করিবেন।
- (৪) প্রাচীন রাজনীতির সংস্কার হইবে।
- (৫) জাতীয় সজীবন শক্তির অনুকূল শিক্ষা-প্রণালী প্রবর্তিত হইবে।

এই ঘোষণা প্রচারের কতিপয় বৎসর পরে, ১৮৮৯ খৃঃ ১১ই ফেব্রুয়ারী তারিখে সম্রাট আর একটা ঘোষণা প্রচার দ্বারা জাতীয়

মহা সমিতি গঠন করেন। সভ্যতাভিমানী ইয়ুরোপীয় রাজত্ববর্গ নররুবিরে বসুন্ধরা সিন্ধু হইতে নেথিয়াও প্রজা সাধারণকে যে অধিকার প্রদান করিতে সঙ্কোচ বোধ করেন, জাপান সম্রাট স্বয়ং উদ্বোধনী হইয়া প্রজাগণকে সেই অধিকার প্রদান করিলেন।

এসিয়া খণ্ডে জাপানেই সর্বপ্রথমে রাজার শাসনদণ্ড প্রজার হস্তগত হয়। এই প্রাচ্য মহাসাগরের ক্ষুদ্রদ্বীপের অধীশ্বরকে যুদ্ধে পরাস্ত করিয়া তাঁহার প্রজারা শাসনদণ্ড গ্রহণ করে নাই। রাজা স্বেচ্ছায়, উপযাচক হইয়া প্রজাদিগের হস্তে শাসন ক্ষমতা প্রদান করিয়াছিলেন। একরূপ মহানুভবতা জগতের ইতিহাসে অতি বিরল। যে শাসনক্ষমতা লাভ করিবার জন্ত রুবিয়ার কোটা কোটা প্রজা বহু বৎসর হইতে প্রাণপণে চেষ্টা করিতেছে, নরশোণিত ধারায় পৃথিবী কর্দমাক্ত করিতেছে, সেই শাসনদণ্ড জাপানীরা অবাচিত ভাবে প্রাপ্ত হইয়াছে। জাপান সম্রাট মৎসুহিতো দেখাইয়াছেন যে, এক কালে যে বৌদ্ধ নরপতিগণ পরের সেবার জন্ত আপনার যথাসর্বস্ব দান করিয়া ভিক্ষুক হইতেও কুণ্ঠিত হইতেন না, তিনি সেই শ্রেণীর বৌদ্ধ নৃপতিগণেরই অগ্রতম। তিনি পরের কল্যাণ কামনায় সুহৃৎ রাজশক্তি পরিত্যাগ করিতে মুহূর্ত্ত মাত্র ইতস্ততঃ করিলেন না। জাপান সম্রাট এখন প্রজাবৃন্দের হস্তে রাজদণ্ড সমর্পণ পূর্বক তদ্বিনিময়ে প্রজার নিকট হইতে অনন্তসুলভ শ্রদ্ধা ও ভক্তি প্রাপ্ত হইয়াছেন। প্রজার শ্রদ্ধাভাজন হইয়া তিনি কেবল রাজমুকুট ও রাজ সিংহাসন লইয়াই সন্তুষ্ট আছেন।

অথ উনচত্বারিংশৎবর্ষ মাত্র হইল, মেইজি অর্ধ প্রবর্তিত

হইয়াছে। এই অনতিদীর্ঘসময়মধ্যে নব্য জাপান যে অনন্ত-সাধারণ উন্নতিলাভ করিয়াছে, তাহা পৃথিবীর ইতিহাসে অপূর্ব। এই স্বল্পসময় মধ্যে পৃথিবীর কোনও জাতি এতাদৃশ উন্নতিলাভে সমর্থ হয় নাই। এই উন্নতির গুঢ়তত্ত্ব সম্বন্ধীয় সংক্ষিপ্ত বিবরণ আমরা যথাক্রমে লিপিবদ্ধ করিতেছি।

জাপানের প্রসিদ্ধ ব্যক্তিগণ ।

রাজ পরিবার ।

জাপানের বর্তমান সম্রাট মৎসুহিতো ১৮৫২ খৃষ্টাব্দের ৩রা নবেম্বর তারিখে কিয়াটো নগরে জন্মগ্রহণ করেন। ইনি নিপণের সর্বপ্রথম সম্রাট জীমুতমমু হইতে ১২০ পুরুষ অধস্তন। ইহার পিতার নাম কেমিয়ামমু ও মাতার নাম অশোকা। ইনি ১৮৬৬ খৃঃ অব্দের ১৩ই ফেব্রুয়ারি তারিখে মিকাদো অর্থাৎ দেবতার প্রতিনিধি উপাধি ধারণ করিয়া জাপানের রাজসিংহাসনে আরোহণ করেন। এই অব্দের ১২ই অক্টোবর তারিখে মহাআড়ম্বর সহকারে সম্রাটের মুকুটোৎসব সম্পন্ন হয়।

মৎসুহিতো মিকাদোর স্থায় বুদ্ধিমান, কার্যাতৎপর, শান্তিপ্রিয়, অশেষগুণসম্পন্ন, প্রজারঞ্জক নরপতি পৃথিবীতে অধিক দৃষ্ট হয় না। মিকাদো রাজকোষ হইতে প্রতিবর্ষে ৪৫ লক্ষ

মুদ্রা পাইয়া থাকেন। ইহা ভিন্ন পূৰ্বপুরুষ-সঞ্চিত প্রচুর স্বর্ণ-মুদ্রায় ও মণি মাণিক্যে তাঁহার ভাণ্ডার পরিপূর্ণ। জনৈক ইয়ুরোপীয় পরিব্রাজক বলেন, এই সঞ্চিত ধনের মূল্য ছই শত কোটি টাকার ন্যূন হইবে না। সম্রাট অশ্বারোহণে ভ্রমণ করিতে বড় ভাল বাসেন। তাঁহার মন্দিরায় নানাদেশীয় অতি উৎকৃষ্ট অশ্ব আছে। সদগ্রন্থ ও সংবাদপত্র পাঠে সম্রাটের সমধিক অনুরাগ দৃষ্ট হয়। তিনি মধ্যে মধ্যে কবিতা রচনা করিয়া সময়ের সদ্যবহার করিয়া থাকেন। সম্রাট প্রজা-মাত্রকেই সম্ভানের শ্রায় দর্শন করিয়া থাকেন।*

সম্রাটমহিষী হারুকো ১৮৫০ খৃঃ ২৪শে মে তারিখে ভূমিষ্ঠ হইলেন। ১৮৬৯ অব্দের ৯ই ফেব্রুয়ারি তারিখে মিকাডোর সহিত ইহার উদ্বাহক্রিয়া সম্পন্ন হয়। মিকাডো মহিষী পতিব্রতা, বিহ্বলী ও কার্যাপ্রিয় বালিয়া বিখ্যাত। অসংখ্য দাসদাসীতে রাজপ্রাসাদ পরিপূর্ণ থাকিলেও, ইনি স্বহস্তে সংসারের বিবিধকার্য সম্পাদন করিয়া থাকেন। সাম্রাজ্যের হিতকর যে কোন কার্যেই সম্রাট-মহিষীর সহানুভূতি দৃষ্ট হয়। রাজ্যের কত দীন, পীড়িত ও নিরন্ন পরিবার যে সাম্রাজ্যীর অর্থসাহায্যে রক্ষা পাইতেছে, কেহ তাহার সংখ্যা করিতে পারে না। সম্রাটের শ্রায় ইনিও স্নকবি বালিয়া প্রসিদ্ধ।

বহু সম্ভতির জনক জননী হইলেও সম্রাটদম্পতির সম্ভান-ভাগ্য প্রসন্ন নহে। তাঁহাদের প্রথম পুত্র ও প্রথমা কন্যা

* সম্রাট প্রজাদিগকে কিরূপ ভাল বাসেন, তাহা দেখাইবার জন্ত সম্রাটলিখিত একখানি গ্রন্থ হইতে কয়েকটি কবিতা অনু-বাদসহ স্থানান্তরে প্রদত্ত হইয়াছে।

ভূমিষ্ঠ দিবসেই মৃত্যুমুখে পতিত হয়। ২য়, ৪র্থ ও ৫ম পুত্র এবং ২য়, ৩য়, ৪র্থ, ৫ম ও ১০ম কন্যা ভূমিষ্ঠের অল্পদিবস মধ্যেই ইহলোক হইতে অপসারিত হয়। এক্ষণে তৃতীয় পুত্র এবং ষষ্ঠী, সপ্তমী, অষ্টমী ও নবমী কন্যা জীবিত আছেন। মাসাকো, কুমাকো, নবুকো ও একিকো নামী রাজকন্যা চতুষ্ঠয় জননীরা ঞ্চায় বিদ্যাবতী ও গুণবতী বলিয়া পরিচিতা।

সম্রাটের তৃতীয় পুত্র বশোহিত হারুনোমিয়া বহু পরিমাণে পিতৃগুণসম্পন্ন। ১৮৭৯ খৃষ্টাব্দের ৩১শে আগষ্ট তারিখে ইহার জন্ম হয়। ১৮৮৮ খৃঃ ৩রা নবেম্বর তারিখে ইহাকে “কোতেসৌ” অর্থাৎ জাপানের যুবরাজ বলিয়া ঘোষিত করা হয়। ১৯০০ অব্দের ১০ই মে তারিখে সাদাকো নামী জর্নৈকা গুণবতী আভিজাতকুমারীর সহিত যুবরাজের বিবাহ হয়। পর বৎসর ২৯শে এপ্রেল তারিখে যুবরাজদম্পতির প্রথম পুত্র জন্মগ্রহণ করেন। তাঁহার নাম হিরোহিত। যুবরাজের দ্বিতীয় পুত্র বাণুহিত ১৯০২ খৃঃ ২৫শে জুন তারিখে ভূমিষ্ঠ হইলেন। তৃতীয় পুত্র নবুহিত, গত ১৯০৫ অব্দের ৩রা জানুয়ারি তারিখে জন্মগ্রহণ করেন।

মার্ক ইস হিরোবুগি আইটো।—ইনি জাপানের চাণক্য বলিয়া পরিচিত। ইহার ঞ্চায় মন্ত্রণানিপুণ ও রাজনীতি-বিশারদ ব্যক্তি সমগ্র জাপান-মধ্যে দৃষ্টিগোচর হয় না। ইনি ১৮৬৩ খৃঃ গোপনে জন্মভূমি পরিত্যাগ পূর্বক সর্বপ্রথমে ইংলণ্ডে গমন করেন। আইটো এই সময় “ন্যাভিগেশন” “স্টীমার” প্রভৃতি দুই চারিটা শব্দ ব্যতীত ইংরেজী ভাষার কিছুই

জানিতেন না। ইনি স্বদেশে প্রত্যাগত হইয়া সর্বপ্রথমে ইয়ুরোপের অনুকরণে জাপানে ইঞ্জিনিয়ারিং কলেজ স্থাপন করেন। এই বিদ্যালয় এক্ষণে টোকিও বিশ্ববিদ্যালয়ের সহিত সংযুক্ত হইয়াছে। ইঁহারই অক্লান্ত পরিশ্রমে প্রাচীন জাপান জীর্ণবাস পরিত্যাগ করতঃ নূতন বস্ত্র পরিধান করিয়াছে।

আইটো রাজনীতি ও শিক্ষাপ্রণালীর সংস্কার সাধনে উন্মোচনী হইলে জাপানের রক্ষণশীলদল তাঁহার ভীষণ শত্রু হইয়া উঠে। পরিশেষে এই শত্রুতা এত প্রবল হইয়াছিল যে একদিন অপরাহ্নে চা-গৃহে গমনকালে ইনি পার্থমধ্যে শত্রুগণের হস্তে আক্রান্ত হন। একটি জাপানীবালাকা নিজ কুটীরে আশ্রয় দিয়া সে বাত্মা তাঁহার জীবন রক্ষা করে। আশ্চর্যের বিষয় আইটো কিছুদিন পরে এই দয়াবতী রমণীকে পত্নীরূপে প্রাপ্ত হইলেন।

মার্কুইস মহোদয় এক্ষণে প্রাচীন হইয়াছেন। জাপান-বাসিরা ইঁাকে দেবতার গ্ৰায় ভক্তি ও শ্রদ্ধা করিয়া থাকে। ইনি এক্ষণে সম্রাটের বিশেষ অনুরোধে কোরিয়া রাজ্যে জাপান রাজপ্রতিনিধির কার্য্য করিতেছেন।

মার্কুইস আরিয়োশী ইয়ামাগাটা।—জাপানের সর্বপ্রথম সেনাপতি। ইঁার বিদ্যা, বুদ্ধি ও বিক্রম অসাধারণ। বয়স ৭২ বৎসর হইলেও মার্কুইসের দেহের ও মনের তেজ অত্মপিও হ্রাস হয় নাই। ইনি এক্ষণে ফিল্ডমার্শাল উপাধি ধারণ করিয়া স্বদেশের সৈন্যগঠন কার্য্যে নিযুক্ত আছেন।

কাউণ্ট কাটসুরা।—গত ক্রম জাপান যুদ্ধের সময়ে ইনি জাপানের “দৈজো-দেজিন” অর্থাৎ প্রধান মন্ত্রিপদে

প্রতিষ্ঠিত ছিলেন। যুদ্ধবিদ্যায় ইনি ইয়ামাগাটার প্রিয়শিষ্য এবং কুটমন্ত্রণায় আইটোর সমকক্ষ। ইঁহার কোশল ও সূক্ষ্ম-ণায় জাপান সাম্রাজ্য অল্প দিবসেই সভ্যজগতের মধ্যে পরিগণিত হইয়াছে।

মাকু' ইম সৈয়নজি কিনমৎসু,— বর্তমান বৎসরে (১৯০৬ খৃ) ইনি জাপানের প্রধান মন্ত্রীপদে অধিষ্ঠিত হইয়াছেন। এই অল্প সময়ের মধ্যে ইনি জাপানের অন্তর্বাণিজ্য ও বহির্বাণিজ্য সম্বন্ধে যেরূপ অসাধারণ উন্নতি সাধন করিয়াছেন, তাহাতে ইঁহার বুদ্ধিমত্তা ও কার্যতৎপরতার সম্যক পরিচয় পাওয়া গিয়াছে।

ব্যারন কমুরা,— গত মহাযুদ্ধের সময়ে ইনি জাপানের পররাষ্ট্রসচিব ছিলেন। জাপান সাম্রাজ্যের মধ্যে ইনি একজন বিচক্ষণ রাজনীতিক বলিয়া পরিচিত। ইনি আমেরিকার পোর্টস্মাউথ নগরে উপস্থিত থাকিয়া রুশ-জাপান যুদ্ধের সন্ধিপত্রে জাপান সন্ত্রাটের পক্ষে নাম স্বাক্ষর করেন। ব্যারন মহোদয় এক্ষণে জাপানের রাজদূত স্বরূপে ইংলণ্ডে অবস্থান করিতেছেন।

কাউন্ট কাটোটাকা কী,— বর্তমান বৎসরে ইনি জাপানের বৈদেশিক মন্ত্রীপদে অধিষ্ঠিত হইয়াছেন।

কাউন্ট অকুমা,— ইতিপূর্বে জাপানের রাজস্ব সচিব ছিলেন। ইনি সর্বদাই অকপট চিত্তে দেশের উপকার করিয়া থাকেন। সমগ্র রাজ্যমধ্যে ইঁহার শত্রু নাই। ইঁহার গ্রাম সরলভাষী, স্বেচ্ছা ও লেখক জাপান রাজ্যে অধিক দৃষ্ট হয় না।

ব্যারন সাকাটানি যশিরো,— জাপানের বর্তমান রাজস্ব-মন্ত্রী। ইনি অল্পদিবস মধ্যে জাপানের রাজস্ববিষয়ক

বিবিধ উন্নতি সাধন করিয়াছেন। সাম্রাজ্যের আয়ব্যয় সম্বন্ধীয় প্রত্যেক বিভাগেই ইঁহার প্রথর দৃষ্টি দেখিতে পাওয়া যায়।

লেপ্টনার্ট জেনারল টেরাউচি,—ইনি এক্ষণে জাপানের যুদ্ধমন্ত্রীর পদে নিযুক্ত রহিয়াছেন। ইঁহার গ্রায় সুকৌশলী কূটমন্ত্রণানিপুণ সেনাপতি পৃথিবীতে বিরল। ইঁহার কার্য্য সকল বিছ্যাতের গ্রায় মহাদ্রুতগতিতে সম্পন্ন হয়।

মাকুইস ওয়ামা,—বয়স ৬২ বৎসর। গত মহাযুদ্ধে ইঁহার অদ্ভুত রণপাণ্ডিত্য ও অসাধারণ সৈন্ত পরিচালনাশক্তি দর্শন করিয়া সভ্যজগৎ স্তম্ভিত হইয়াছিল। গৃহে পরিজনগণের নিকটে ইনি ভদ্র, শান্ত ও হান্তবদন; কিন্তু রণক্ষেত্রে, শত্রুসমক্ষে কালাস্তক শমন। ইনি ১৮৯৪ খৃঃ চীনজাপান যুদ্ধে অশীতি সহস্র সৈন্ত লইয়া যুদ্ধে জয়লাভ করেন। গত রুযজাপান যুদ্ধে ইনি প্রধান সেনাপতি রূপে অসংখ্য জাপানবাহিনী পরিচালিত করিয়াছিলেন। ইঁহার দেহের দৈর্ঘ্য প্রায় ৬ ফুট হইবে। মার্ক ইসের পত্নী জাপান সাম্রাজ্যমধ্যে বিছ্যবী বলিয়া পরিচিতা। ইঁহার দুইটা পুত্র ও একটা কন্যা আছে।

কাউণ্ট নডজু,—বয়স ৩১ বৎসর। সকলের বিশ্বাস ইঁহার গ্রায় রণনিপুণ সেনাপতি জাপানে আর নাই। কাউণ্ট মহাশয় মহাযুদ্ধ ভিন্ন আনন্দানুভব করেন না। সৈন্তগণ মধ্যে ইঁহার বিশেষ প্রতিপত্তি আছে। ইনি জাপানিগণ মধ্যে মহাবলশালা ও কুস্তিকুশল ব্যক্তি বলিয়া বিখ্যাত। গত মহাযুদ্ধে ইনি জাপান অনীকিনীর মধ্যভাগ পরিচালন করিয়া অদ্ভুত সমর-নৈপুণ্যের পরিচয় প্রদান করিয়াছিলেন।

ব্যারন কুরোকী,—বয়স ৬১ বৎসর। এইরূপ শুনা যায়, ইহার পিতা ক্রমবিকৃত পোলণ্ডেশ হইতে জাপানে আগমন করিয়াছিলেন। কামানের গভীর গজ্জন, আহতের হৃদয়বিদারী আর্তনাদ, মুম্বুর কাতরতা, কিছুতেই ইহার ক্রক্ষেপ নাই। ব্যারন মহোদয় মৃত্যুকে অতি তুচ্ছ বলিয়া মনে করেন। রণক্ষেত্র তাঁহার নিকট ক্রৌড়াক্ষেত্র স্বরূপ প্রতীয়মান হয়। গত মহাযুদ্ধে ইনি জাপান চমুর দক্ষিণপার্শ্ব পরিচালনা করিয়াছিলেন।

কাউন্ট ওকু,—বয়স ৬৫ বৎসর। ইহার মুখশ্রী সুন্দর ও অঙ্গপ্রত্যঙ্গ সুগঠিত। কাউন্টের বেগ প্রতি প্রচণ্ড। ইনি যুদ্ধক্ষেত্রে কোনও বিয় অনতিক্রম্য বলিয়া বিশ্বাস করেন না। কাউন্ট মহোদয় জীবনের কোন সময়েই শত্রুগণকে হাশ্রু করিবার অবসর প্রদান করেন নাই। মহামহিম ভারত সত্রাটের মকুটোৎসব সময়ে ইনি দিল্লী নগরীতে শুভাগমন করিয়াছিলেন। গত মহাযুদ্ধে ইনি জাপান সৈন্তের বামপার্শ্ব রক্ষা করিয়াছিলেন।

কাউন্ট নগী,—ইহার গ্রাম দৃঢ়প্রতিজ্ঞ ও কঠোর অন্তঃকরণবিশিষ্ট সেনাপতি জাপান সাম্রাজ্যে দেখিতে পাওয়া যায় না। এ পর্য্যন্ত কেহই ইহার নয়নে শোকাশ্রু বহির্গত হইতে দেখে নাই। কাউন্ট লক্ষপতি হইয়াও অতি দীনপ্রজার গ্রাম জীবনযাত্রা নির্বাহ করিয়া থাকেন। সত্রাট ও স্বদেশ ভিন্ন কাহারও উপরে তাঁহার মায়া মমতা নাই। গত মহাযুদ্ধে ইনি আর্থার বন্দর অধিকার করিয়া সমগ্র পৃথিবীবাসীর বিস্ময় উৎপন্ন করিয়াছিলেন। এই কালসমরে তাঁহার দুইটা পুত্রেরই মৃত্যু হয়।

ভাইস এডমিরাল সেটো মিনরু,—বর্তমান বৎসরে ইনি জাপানের জলযুদ্ধ বিভাগের মন্ত্রীপদে প্রতিষ্ঠিত হইয়া-

ছেন। ইনি পৃথিবীর নানারাজ্য পরিভ্রমণ করিয়া প্রচুর আভি-
জ্ঞতা অর্জন করিয়াছেন।

এডমিরাল টোগো,—ইংরাজেরা ইহাকে জাপানের
নেলসন বলিয়া অভিহিত করিয়া থাকে। গত মহাযুদ্ধে ইহার
জলযুদ্ধকৌশল দর্শন করিয়া সমগ্র সভ্যজগৎ বিস্মিত ও স্তম্ভিত
হইয়াছে। ইহার সংকল্প স্থির ও অধাবসায় অসাধারণ। মন্ত্র-
গুপ্তিতে পৃথিবীর কোন সেনাপতিই ইহার সমকক্ষ নহেন।
এডমিরাল মহোদয় কোন সময়েই অধিক কথা কহিতে ভাল
বাসেন না। ইহার গৃহমধ্যে প্রবেশ করিলে, তাহা নিতান্ত দান-
ব্যক্তির কুটীর বলিয়া অনুভব হয়। সম্প্রতি রাজ-চিত্রকর মরুকী
জাপানের নানাস্থানে ইহার ছায়াচিত্র বিক্রয় করিতে আরম্ভ
করায়, ইনি নিতান্ত দুঃখিত হইয়াছিলেন। ইহার পুত্র ও কন্যা-
গণও সর্ব্বাংশে পিতৃগুণবিশিষ্ট। এডমিরাল মহোদয় অল্পকাল
মধ্যেই ইংলণ্ডে গমন করিবেন বলিয়া সমগ্র ইয়ুরোপ ব্যাপিয়,
হুলস্থূল পড়িয়া গিয়াছে। ইনি এক্ষণে জাপানের প্রধান নৌ-
সেনাপতিপদে অবস্থিত রহিয়াছেন।

এডমিরাল ক্যামিমুরা,—জাপানের দ্বিতীয় নৌসেনা-
পতি। গত মহাযুদ্ধে ইনি ভ্যালাডিবোষ্টক বন্দর অবরুদ্ধ করিয়া
ছিলেন।

ভাইস এডমিরাল কটাক্ফ,—জাপানের নৌসেনা-
পতি। ইহারই বুদ্ধিকৌশলে অতি অল্প সময় মধ্যে রুযাধিকৃত
মাগালিয়ন জাপান সৈন্যের হস্তগত হয়।

ব্যারন শিবসহা,—ইনি জাপান সাম্রাজ্যের কুবের
বলিয়া পরিচিত। ইহার মূলধন শতকোটি মুদ্রার অধিক হইবে।

ইনি বুদ্ধিমান, সুলেখক ও প্রাচীন বলিয়া সর্বত্র সম্মানিত। অর্থনীতি ও বাৰ্ত্তাশাস্ত্রে ইঁহার প্রচুর অভিজ্ঞতা আছে। গত মহা-যুদ্ধে ব্যারণ মহোদয় সমস্ত সম্পত্তিই সম্রাটচরণে উৎসর্গ করিয়া যুদ্ধক্ষেত্রে যাইবার অভিপ্রায় প্রকাশ করিলে, সম্রাট তাঁহাকে ধন্যবাদ দিয়া নিবৃত্ত করেন।

ইহা ব্যতীত জাপানে আরও বহুসংখ্যক কৃতবিদ্ব ও কার্য-কুশল ব্যক্তি অবস্থিতি করিতেছেন। যঁহারা পৃথিবীর নানা স্থানে দৌত্যকার্যে নিযুক্ত রহিয়াছেন, তাঁহারা সকলেই সুপণ্ডিত ও রাজনীতি বিশারদ। এক্ষণে জাপানে প্রিন্স ১২ জন, মার্ক্‌ইস ৩৪ জন, কাউন্ট ৯০ জন, ভাইকাউন্ট ৩৬২ জন ও ব্যারণ উপাধিদারী ২৮৭ জন সুশিক্ষিত ও বহুশাস্ত্রজ্ঞ ব্যক্তি বিদ্যমান আছেন।

ধর্ম্মপ্রণালী।

আমরা পূর্বেই বলিয়াছি, শিণ্টোধর্ম্ম জাপানের প্রাচীন ধর্ম্ম। এক্ষণে এই ধর্ম্মাবলম্বী লোকদিগকে সিন্‌জু বলে। সূর্য্যসহধর্ম্মিনী অমতেরাশু বা উষাদেবী সিন্‌জুগণের আরাধ্যা দেবী। দেশের নানা স্থানে মিয়াসিয়া নামে সিন্‌জুদিগের ধর্ম্মমন্দির আছে। মন্দিরের পুরোহিতগণ নেগি ও কানিগি নামে অভিহিত হইয়া

থাকে। সিন্জুগগ মস্তক মুণ্ডন করে না। ইহারা বিবাহ গোরবের বিষয় বলিয়া মনে করে। সিন্জুদিগের একটি বিশেষত্ব এই যে, ইহারা গাত্রবস্ত্রে ও শিরজ্ঞানে স্বীয় নাম ও বাসস্থান প্রভৃতি আবশ্যকীয় পরিচয় লিখিয়া রাখে। ইহারা মাসের প্রথম, পঞ্চদশ ও অষ্টাবিংশতি দিবসে উপাসনা ভিন্ন অন্য কোন গৃহ-কার্য্য করে না। সিন্জুগগ রাজাজ্ঞাপালন, তীর্থ ভ্রমণ, ভিথারী-ভোজন, পুণ্যদিনে দান করণ ইত্যাদি কার্য্য ইহলোক ও পর-লোকের কল্যাণপ্রদ বলিয়া বিশ্বাস করে।

খৃষ্টীয় ৬ষ্ঠ শতাব্দীতে চীনদেশীয় প্রচারকগণ জাপানে বৌদ্ধ-ধর্ম প্রচার করিতে আরম্ভ করেন। এই সময়ে জাপানে শিষ্টো-ধর্ম, ভারতীয় তান্ত্রিকধর্ম ও চীনদার্শনিক কনফিউসিয়াস প্রব-র্তিত একটি প্রাচীন ধর্ম বিদ্যমান ছিল।

এক্ষণে জাপানের অধিকাংশ ব্যক্তিই বৌদ্ধধর্মাবলম্বী। প্রায় প্রতি পল্লীতেই বৌদ্ধধর্মমন্দির ও যাজক দেখিতে পাওয়া যায়।

জাপানে প্রত্যেক গৃহস্থের বাটীতে তিনটি পবিত্র স্থান আছে। প্রথম, কামিদানা অর্থাৎ সৃষ্টিকর্তা ভগবানের পূজাস্থান ; দ্বিতীয়, বুদ্ধদান অর্থাৎ বুদ্ধবেদী ; তৃতীয়, ইউজি-গেমি অর্থাৎ কুলদেবতা-গৃহ। এই সকল স্থানে প্রত্যহ যথারীতি পূজা হইয়া থাকে। সিন্জুগগ দেবতার সম্মুখে দর্পন, শুভ্রবস্ত্র ও পান-পাত্র স্থাপন করিয়া চাউল, সাকি ও বিবিধ মৎস্যসহযোগে উপা-সনায় প্রবৃত্ত হইয়া থাকে। বৌদ্ধগণ দেবপূজায় মৎস্য ব্যবহার করে না। টোঁরীশাখা, কদলীপত্র ও বিচালিনির্মিত রজ্জু দেব-কার্য্যে ব্যবহৃত হইয়া থাকে। পূজাগৃহে প্রত্যহ দীপদান করা হয়।

রাজপ্রাসাদে তিনটি পবিত্র মন্দির আছে। ১ম,—কাশিকো-দোকোরো ; এইখানে প্রত্যহ অমতেরাশু অর্থাৎ উষাদেবীর অর্চনা হইয়া থাকে। ২য়,—কোরাইদেন ; এই মন্দিরে সম্রাটের পূর্বপুরুষগণের উদ্দেশে প্রত্যহ পূজা হইয়া থাকে। ৩য়,—শিনদেন ; এইখানে বহুসংখ্যক দেবদেবীসহ ভগবান অমিতাভ অর্থাৎ বুদ্ধদেবের পূজা হইয়া থাকে।

জাপানবাসী সিনজু ও বৌদ্ধদিগের মধ্যে কাহারও মৃত্যু হইলে আত্মীয় স্বজনেরা মৃতের ঔর্দ্ধদৈহিক ক্রিয়াদি সম্পন্ন করিয়া থাকে। বৌদ্ধেরা ৭ দিনে প্রথম শ্রাদ্ধ, ১৪ দিনে দ্বিতীয় শ্রাদ্ধ এইরূপে ৪৯ দিনে ৭টি শ্রাদ্ধ করিয়া শুদ্ধ হইয়া থাকে। সিনজু-গণের মধ্যে কি-নিচি (দিন-শ্রাদ্ধ) সো-সুকি (মাসিক-শ্রাদ্ধ) ও লেন-কি অর্থাৎ বার্ষিক শ্রাদ্ধের প্রথা প্রচলিত আছে। বার্ষিক শ্রাদ্ধ সিনজুগণের মধ্যে ১, ৫, ১০, ২০, ৩০, ৪০ ও ৫০ বৎসরে এবং বৌদ্ধগণের মধ্যে ১, ৩, ৭, ১৩, ১৭, ২৩, ২৭, ৩৩, ৩৭, ৪৩, ৪৭, ৫০ ও ১০০ বৎসরে হইয়া থাকে। শ্রাদ্ধকার্য্য নিজগৃহে, কোন তীর্থস্থানে বা দেবমন্দিরে পুরোহিত কর্তৃক সম্পাদিত হইয়া থাকে।

বর্তমানে জাপানে একাদশটি মহোৎসব হইয়া থাকে। যথা, সেনসাই, (নববর্ষ) এইদিনে সম্রাট স্বয়ং জীমুতম্নু ও নিজপিতা কেমিয়াম্নুর পূজা করিয়া থাকেন। ২য় জেনসাই, (শীতোৎসব) ৩য় সিনেন-কোয়াই, (বর্ষপূজা) ৪র্থ কেমিয়াম্নু, এইদিনে সম্রাটের পিতার মৃত্যুতিথি পূজা হইয়া থাকে। ৫ম কিজেন সেটসু, জাপানের সর্বপ্রথম সম্রাটের সিংহাসনারোহণ উপলক্ষে প্রতি-বর্ষের ১১ই ফেব্রুয়ারি তারিখে এই উৎসব হইয়া থাকে। ৬ষ্ঠ

সিউনকি-কোরি, (বসন্তোৎসব) প্রতিবর্ষের ২০ মার্চ তারিখে হইয়া থাকে। ৭ম জীমুতমহু সাই, প্রতিবর্ষের ৩ এপ্রিল তারিখে হইয়া থাকে। ৮ম জিউকি-কোরি-সাই (শরতোৎসব) প্রতিবর্ষের ২৩শে সেপ্টেম্বর তারিখে এই পর্ব উপলক্ষে সকলেই পূর্ব-পুরুষগণের পূজা করিয়া থাকে। ৯ম কালেম-মাৎসুরি বা সিনশো সাই (নবান্ন) ১০ম তেনচো-সেটসু (বর্তমান সম্রাটের জন্মদিন) ১১শ মনো মাৎসুরি, ২৩শে নবেম্বর তারিখে নূতনধাতু ছেদন উপলক্ষে এই উৎসব হইয়া থাকে।

এতদ্বিন্ন জাপান আরও কয়েকটি জাতীয়-উৎসব প্রচলিত আছে।

ভগবান গোঁতম বুদ্ধ স্বীয় শিষ্যবর্গের মধ্যে যে কয়টি নিষেধাজ্ঞা প্রচার করিয়াছিলেন, তন্মধ্যে সেসিত (অহিংসা) ফুলতা (চুরি মা করা) সিঞ্জন (সংশীলতা) সেগো (সত্যবাদিতা) প্রভৃতি কয়েকটি অনুশাসন জাপানবাসী বৌদ্ধগণের মধ্যে প্রবল দেখা যায়।

১৫৪৯ খৃষ্টাব্দের ১৫ই আগষ্ট তারিখে ফ্রান্সিস জেভিয়ার জাপানে আগমন পূর্বক খৃষ্টধর্ম প্রচার করিতে আরম্ভ করেন। এইরূপ শুনা যায়, তিনি নিংসিট নামক জনৈক অশীতিবর্ষীয় বৌদ্ধ যাজককে তর্কযুদ্ধে পরাস্ত এবং একটি মৃতাবালিকাকে মন্ত্রবলে পুনর্জীবিত করিয়া জাপানে অপূর্ব প্রতিপত্তি লাভ করেন। ফলতঃ জেভিয়ারের যত্নেই জাপানে খৃষ্ট মাহাত্ম্য প্রথম প্রচারিত হয়, তাঁহারই চেষ্টায় আমকুশা দ্বীপস্থ সমগ্র নরনারী খৃষ্টধর্মে দীক্ষিত হয়।

১৫৮৭ খৃঃ সেনাপতি টয়োটমার আদেশানুসারে খৃষ্টধর্ম

প্রচারকেরা জাপান পরিত্যাগ করিতে বাধ্য হন। তদবধি বহু বৎসরমধ্যে খৃষ্টধর্ম জাপানে মস্তকোত্তোলন করিতে সাহসী হয় নাই। অষ্টাদশ শতাব্দীর প্রথমভাগে জেসুইট প্রচারকদিগের যত্নে জাপানে পুনরায় খৃষ্টধর্মের প্রচার আরম্ভ হয়। ইহাতে কুপিত হইয়া জাপানের ১১৪শ সম্রাট মিকাদো সাকুরামাচি ১৭৩৮খৃঃ ১২ই এপ্রেল তারিখে রাজ্যের নানাস্থানে ৩৭ হাজার খৃষ্টান প্রজাকে নিহত করিয়া ফেলেন।

অধুনা জাপানে খৃষ্টশিষ্যগণের সখ্যা সামান্য নহে।

আজিকালি জেনারেল বুথের মুক্তিকৌজ, কর্ণেল অলকটের থিয়সফি, আনি বেমান্তের বৈজ্ঞানিক ধর্ম প্রভৃতি বিবিধ ধর্মমত জাপানের শিক্ষিত সম্প্রদায়ের মধ্যে বিস্তৃত আছে।

সামাজিক রীতিনীতি।

আচারব্যবহার, বেশভূষা, খাদ্য, কুমংস্কার ও

ক্রীড়াকৌতুক প্রভৃতি।

সাধারণতঃ জাপানের অধিবাসিগণকে নিম্নলিখিত সাত ভাগে বিভাগ করা যাইতে পারে। ১ম সম্রাটবংশ, ২য় বাজক,

৩য় রাজকর্মচারী, ৪র্থ বণিক, ৫ম মৈনিক, ৬ষ্ঠ শিল্পী ও ৭ম শ্রমজীবীগণ। (*)

সম্রাটবংশীয় ব্যক্তিগণ, রাজক-সমাজ, রাজকর্মচারীগণ ও বাণিজ্যজীবী সম্প্রদায় লইয়া উচ্চশ্রেণী গঠিত হইয়াছে। এই শ্রেণীর পুরুষদিগের বর্ণ গৌর, শরীর দীর্ঘ ও মুখমণ্ডল শ্মশ্রল। তাঁহাদের আকৃতি ও অঙ্গ প্রত্যঙ্গাদির গঠনপ্রণালী অনেকাংশে ভারতীয় শ্রেষ্ঠজাতিগণের অনুরূপ। তাঁহাদিগকে সহসা দর্শন করিলে, ব্রাহ্মণ, কায়স্থ প্রভৃতি উচ্চশ্রেণীর বাঙ্গালী বলিয়া ভ্রম উপস্থিত হয়।

মৈনিক, শিল্পীগণ ও শ্রমজীবী সম্প্রদায় লইয়া নিম্নশ্রেণী গঠিত হইয়াছে। এই শ্রেণীর লোকদিগের বর্ণ পীত, আকৃতি ধর্ম, শ্মশ্র বিরল, অধরোষ্ঠ স্থূল ও নাসিকা চেপ্টা। ইহারা অত্যন্ত বলিষ্ঠ ও কষ্টসহিষ্ণু।

জাপানী কুল-লক্ষ্মীগণের গঠন অতি সুন্দর। বর্ণ উজ্জ্বল গৌর, নয়নদ্বয় ভাসমান ও স্থির-কটাক্ষবিশিষ্ট। ভ্রমরকৃষ্ণ কেশরাশি অপূর্ণ কৌশলে পৃষ্ঠোপরি বিন্যস্ত। পাশ্চাত্য যুবতীসুলভ বিলাস বিভ্রম নাই, কিন্তু তথাপিও প্রথম দর্শনে দর্শক মাত্রেই চিত্ত আকৃষ্ট হয়। বস্তুতঃই জাপানী স্ত্রী সুশীলা, একান্ত পতিপরায়ণা, সর্বথা সংসার শুভকারিণী।

(*) জাপানে “এটা”, “এনো” ও “হিনিও” নামে তিন শ্রেণীর আদিম অবিধাসী আছে। তাহারা সাধারণতঃ পার্শ্বত্ব-জাতি নামে অভিহিত হইয়া থাকে। যেশোদ্বীপের উত্তরাংশে হিমপ্রধান পার্শ্বত্ব প্রদেশে ইহাদিগকে অধিক দেখিতে পাওয়া যায়।

জাপানে রমণীগণের নাম রাখায় একটু বিশেষত্ব আছে। প্রায়ই নামের পূর্বে 'ও' এবং পরে 'সান' শব্দ ব্যবহৃত হয়। যাহার নাম তারা, তাঁহাকে সম্বোধন করিবার সময়ে "ও তারা সান" অর্থাৎ হে তারাসুন্দরী বলিয়া সম্বোধন করাই জাপানী সম্ভাষিত। "সান" শব্দ পুরুষের নামের পরে ব্যবহৃত হইলে মহাশয় অর্থ বুঝায়।

"কাইমনো" জাপানবাসী পুরুষ ও রমণীগণের জাতীয় পরিচ্ছদ। ইহা দেখিতে অনেকাংশে বিলাতী অলষ্টার বা এদেশীয় আল্‌থেল্লার অনুরূপ। কাইমনো স্বক্ৰদেশ হইতে পাদমূল পর্য্যন্ত লম্বিত, ইহার ভিতরভাগ অসংখ্য ক্ষুদ্র ক্ষুদ্র পকেটে পরিপূর্ণ। "ওবি" নামক নাতিপ্রদস্ত ৭।৮ হস্ত দীর্ঘ বস্ত্রখণ্ড দ্বারা কটিবন্ধের কার্য্য হইয়া থাকে। কাইমনো ও ওবি সাধারণতঃ কার্পাস সূত্রে নির্মিত হয়। অবস্থাবানেরা রেশম নির্মিত পরিচ্ছদাদি ব্যবহার করিয়া থাকেন। জাপানে অলঙ্কার পরিধানের প্রথা দেখিতে পাওয়া যায় না।

জাপানের বালক বালিকারা বাল্যকাল হইতে পিতা, মাতা, জ্যেষ্ঠভ্রাতা প্রভৃতি গুরুজনের আদেশ প্রতিপালনে অভ্যস্ত হয়। ইহার ফলে জাপানীগণের পারিবারিক জীবনে কোন অশান্তি পরিলক্ষিত হয় না। জাপানী বালিকারা শৈশব হইতেই রন্ধন, গৃহমার্জন, শয্যারচন, নিমন্ত্রিতগণের ভোজ্যাহরণ প্রভৃতি আবশ্যকীয় গৃহকার্য্য সমূহ অতি যত্নপূর্ব্বক সম্পন্ন করিয়া থাকে। জাপান-কুমারী অতি অল্প বয়স হইতেই পতিব্রত্যাধর্ম্মের শিক্ষা পাইয়া থাকে। বুড়িউড়ান, নদীরজলে কাগজের নৌকাচালান,

কৃত্রিম যুদ্ধ, বিবাহাভিনয়, পুতুলের তীর্থযাত্রা, ধূলাখেলা প্রভৃতি এদেশীয় বালক বালিকাগণের প্রধান ক্রীড়া ।

জাপানে প্রত্যেক বালিকার যোগ্য বয়সেই বিবাহ হইয়া থাকে । উচ্চশ্রেণীর মধ্যে বিবাহের গড় বয়স পাত্রপক্ষে বাইশ ও পাত্রিপক্ষে ষোল বৎসর দৃষ্ট হয় । পিতা মাতা প্রভৃতি প্রকৃত অভিভাবকেরাই বিবাহসম্বন্ধ স্থির করিয়া থাকেন । ইহাতে কোন পক্ষ বিরাগ প্রদর্শন করে না । (*) নিজ পরিবার বা আত্মীয় স্বজনের-মধ্যে কন্য়ার বিবাহসম্বন্ধ স্থির হইতে পারে না । কোনও জাপানী কুমারী স্বৈচ্ছায় স্বয়ংবরা হইতে পারে না । সম্প্রদায় বিশেষে কন্য়াপণ ও বরপণ প্রচলিত আছে । বিবাহ রজনীতে পানভোজন ব্যতীত অন্য কোন বিশেষ ধর্ম্মানুষ্ঠানের সংস্রব নাই । স্ত্রী-আচার প্রচলিত আছে । বিবাহ সমাপ্ত হইলে বর-বধু তুষার-শুভ্র-পরিচ্ছদ পরিধান পূর্বক গুরুজনের নিকট সৌন্দর্য্যবর্দ্ধন ও দীর্ঘজীবন কামনা করিয়া আশীর্বাদ গ্রহণ করিয়া থাকে । বিবাহের একটা নিষ্ঠুর প্রথা এই যে, দম্পতি যুগলের একের বা উভয়ের মৃত্যু হইলে শবদেহ আবৃত করা হইবে বলিয়া, পরিণয়ের নবীন পরিচ্ছদ অতি যত্নপূর্বক রক্ষা করা হইয়া থাকে ।

(*) সম্প্রতি জাপানের শিক্ষিত-সমাজে একটা নূতন প্রথার প্রচলন হইয়াছে । বিবাহ সম্বন্ধ স্থাপনের পূর্বে ভাবী জামাতাকে নিমন্ত্রণ পূর্বক বাটীতে আনিয়া, তথায় তাঁহাকে ভাবী বধুর সহিত সাক্ষাৎ করিবার অবসর দেওয়া হয় । সাক্ষাৎ হইয়া গেলে, বর, যথাক্রমে কন্য়ার গুণ, বিদ্যা ও রূপ সম্বন্ধে তিনটি আপত্তি উত্থাপন করিতে পারেন । কন্য়ার কোন অধিকার নাই ।

বালিকাবধু বিবাহের অন্নদিবস পরেই পতিগৃহে গমন করিয়া থাকে । তথায় তাহাকে স্বশ্রুঠাকুরাণীর সম্পূর্ণ শাসনাধীনে বাস করিতে হয় । তাহাকে প্রত্যয়ে সকলের অগ্রে শয্যা হইতে গাত্ৰোত্থান করিয়া সংসারের যাবতীয় কৰ্ম্ম সম্পন্ন করিতে হয় । জাপানী যুবতীরা আপনাদিগকে পতির সমকক্ষ বলিয়া ধারণা করে না । তাহারা স্বামীকে দেবতার স্থায় ভক্তি করিয়া থাকে । স্বামী অসচ্চরিত্র হইলেও তাহারা অস্বয়া-পরবশ হয় না । তাহাদের বিশ্বাস, প্রবৃত্তি শান্ত হইলেই, স্বামীর চরিত্র আপনাই শোধিত হইয়া যাইবে । জাপানীবধুর ভালবাসা অপরি-সীম হইলেও তাহা ইয়ুরোপীয় ললনাগণের ভালবাসার স্থায় উদ্দাম ও চাঞ্চল্যপরিপূর্ণ নহে । ফলতঃ জাপানী স্ত্রীই পতি হৃদয়ের চির-প্রহ্লাদিনী; সংসার সরোবরের প্রফুল্ল কমলিনী; সংসার তরুর বিনোদ বল্লরী; শাস্তিকুঞ্জের সুরভি মল্লিকা । (†)

প্রাচীন ও মধ্যযুগে জাপানে বহু বিবাহ প্রচলিত ছিল । তৈহো সংহিতা নামক জাপানের প্রাচীন ধর্ম্মশাস্ত্রের ব্যবস্থানুসারে ভার্য্যা ব্যাভিচারিণী, মিথ্যাভাষিনী, স্বশ্রুজনবিদ্বেষিনী, কণ্ঠা-প্রসবিনী, চৌর্য্যাদি দোষাক্রান্তা ও পীড়িতা হইলে স্বামী অধি-বেদন করিতে পারিত । (*) এক্ষণে স্ত্রী ব্যাভিচারিণী, অভি-

(†) জাপানের স্ত্রী-শিক্ষানীতি কিরূপ আনন্দপ্রদ, জাপানী মহিলাগণের চরিত্র কিরূপ উন্নত ইহা বিশদরূপে অবগত হইতে হইলে “Unbeaten tracks in Japan” অর্থাৎ “অগম্য পূর্ব জাপান” নামক গ্রন্থখানি পাঠ করা কর্তব্য ।

(*) “তৈহো সংহিতার” সহিত অস্বদীয় মনুসংহিতা প্রভৃতির বিশেষ সাদৃশ্য লক্ষিত হয় । অধিবেদন সম্বন্ধে মনু লিখিয়া-ছেন ;—

ভাবকের অসম্মতিতে গৃহত্যাগিনী ও চৌর্যাদি দোষাক্রান্তা হইলে, রাজবিধানের সাহায্য লইয়া পত্নীত্যাগ করিতে হয়। বাহারা লেখ্য-সাহায্যে চুক্তিবদ্ধ হইয়া বিবাহ করে, তাহারা রাজসাক্ষিক লেখ্যের চুক্তি অনুসারে বিবাহসম্বন্ধ বিচ্ছিন্ন করিতে পারে।

জাপানে নিম্নশ্রেণীর অনিক্ষিত সম্প্রদায়ের মধ্যে বিধবা বিবাহ প্রচলিত আছে। উচ্চ ও সম্ভ্রান্ত পরিবার মধ্যে এই প্রথা নিন্দনীয় বলিয়া অভিহিত হইয়া থাকে। অতি পূর্বে সম্ভ্রান্ত-বংশে সহমরণ প্রথা প্রচলিত ছিল, এক্ষণে রাজব্যবস্থা দ্বারা তিরোহিত হইয়াছে।

জাপানে ভিন্ন ভিন্ন আখ্যাদারী বহুসংখ্যক বংশের পরিচয় পাওয়া যায়। প্রত্যেক বংশেই একজন করিয়া “ইউজি-নো-

মদ্যপাহ সাধুবৃত্তা চ প্রতিকূলা চ যা ভবেৎ ।

ব্যাদিতা বাধিবেত্তব্যা হিংস্রার্থশ্রী চ সর্কদা ॥

বক্ষ্যাষ্টমেহবি বেদ্যাক্কে দশমে তু মৃতপ্রজা ।

একাদশে স্ত্রীজননী সদাস্বপ্রিয় বাদিনী ॥ ৯ম অঃ ৮০.৮২

অর্থাৎ মত্তাপানাসক্তা, ছশ্চরিত্রা, গতিবিদেষিণী, ব্যাদিগ্রস্থা, অপকার-সাধনক্ষমা ও ধনক্ষয়কারিণী স্ত্রী সত্ত্বে স্বামী বিবাহ করিবে। স্ত্রী বন্দ্যা হইলে, মৃতবৎসা হইলে, কণ্ডাপ্রসবিনী হইলে, অপ্ৰিয়ভাষিণী হইলে অধিবেদন করিবে।

The commentators of the Taiho code say that the sterility here dose not mean actul barrenness, but the failure of male issue. অর্থাৎ তৈহোসংহিতার টীকাকারেরা বলিয়াছেন, কেবল বক্ষ্যা নহে, কণ্ডাপ্রসবিনী স্ত্রী সত্ত্বেও দারাস্তর করিবে।

কামি” অর্থাৎ প্রধান আছে। পূর্বে জাপানে প্রত্যেক বংশ রেজেষ্ট্রী হইত এবং রেজেষ্ট্রী পুস্তকে বংশের প্রধান ব্যক্তির নাম ও বাসস্থান লিখিত থাকিত। শেষ পুস্তকে ১১৮২টী বংশের উল্লেখ আছে।

জাপানের প্রাচীন ধর্মপুস্তকে ত্যাজ্যপুত্রের উল্লেখ দেখিতে পাওয়া যায়। পুত্র বংশের প্রধান ব্যক্তিকে অপমান করিলে, বংশগৌরবের হানিকর কোন কার্য করিলে, পুত্র উন্মত্ত বা ক্রীব হইলে ও চৌর্যাদি দোষাক্রান্ত হইলে পিতা কর্তৃক পরিত্যক্ত হইত। এক্ষণে রাজবিধানের সাহায্য ব্যতীত ত্যাজ্যপুত্র সিদ্ধ হয় না। জাপানে “কিউবোশী” অর্থাৎ পোষ্যপুত্র গ্রহণ প্রথা প্রচলিত আছে। চারি পুরুষের মধ্যস্থিত জাতি হইতে ১০ বৎসরের ন্যূনবয়স্ক বালক দেখিয়া পোষ্যপুত্র লইতে হয়। জামাতাকে পোষ্যপুত্ররূপে গ্রহণ করা যায় না। তবে কোন বালককে গৃহে আনিয়া পোষ্যপুত্র করিয়া কন্যার সহিত বিবাহ দেওয়া যাইতে পারে। ইহাকে “মুকোবোশী” কহে। সম্প্রতি এই প্রথা জাপানে অত্যধিক বৃদ্ধি প্রাপ্ত হওয়ায় নূতন দেওয়ানী আইনের ৮৩৯ ধারায় ও রেজেষ্ট্রী আইনের ১০২ ধারায় মুকো-বোশী সম্বন্ধে কয়েকটি অভিনব নিয়ম সন্নিবেশিত হইয়াছে।

জাপানে জ্যেষ্ঠপুত্রই পিতার সন্মান (বোটোকো-সোজোকু) ও সম্পত্তি (আইসান-সোজোকু) লাভ করিয়া থাকে। পুত্রাভাবে মৃত ব্যক্তির পিতা, পিতার অভাবে মাতা, তদভাবে প্রথম পত্নী, তদাভাবে মৃতের সহোদর, সহোদরাভাবে সহোদরা, তদাভাবে অন্য পত্নীগণ, তদাভাবে মৃতের জাতি ভ্রাতাগণ সম্পত্তির উত্তরাধিকার করিয়া থাকে।

অন্ন, মৎস্য ও শাকসজ্জি জাপানিদিগের প্রধান খাদ্য । অতি সম্ভ্রান্ত বাক্তি হইতে দীন পর্য্যন্ত সকলেই ভাত, মাছ, শাক আহাৰ করিয়া থাকে । নিম্নে কয়টা উৎকৃষ্ট জাপানি ব্যঞ্জনের নাম লিখিত হইল ।

জাপানী নাম । বঙ্গীয় নাম । জাপানী নাম । বঙ্গীয় নাম ।
 মিয়া, সিম স্কু, মাছিটোরি, শাকের ঘণ্ট,
 লুইমনো, মাছের ঝোল, উমেনী, শাক, মাছ ও লেবুর
 সাসিমা, চিংড়িমাছ ভাজা, রস সহযোগে অন্ন,
 নিজাকানা, আলু ও মাছের কালিয়া, সুকিমনো, আচার,
 টেরায়াকি, মাছের চড়চড়ি, গোসেন, পায়ষ ।
 সিওয়াকি, মাছের কাবাব,

মধ্যশ্রেণীর পরিবারে ভাত, চিংড়িসিদ্ধ, কাঁকড়ার কাবাব, কেবাকী (বাইন) ও জেটাচাকা (চাঁদা) মৎস্যের অন্ন নিত্যই রন্ধন হইয়া থাকে । নিম্নশ্রেণীর জাপানীরা অন্ন অপেক্ষা মৎস্য অধিক পরিমাণে ভোজন করিয়া থাকে ।

জাপানীরা পৃথিবীর অন্যান্য জাতির ন্যায় উচ্চাসনে উপবেশন করিয়া ভোজন করে না । তাহারা বঙ্গবাসীর ন্যায় পিঁড়ি ও পত্রের উপর উপবিষ্ট হইয়া হস্তসাহায্যে ভোজন করিয়া থাকে ।

জাপানে শূকর ও গো-মাংস ভক্ষণ চলিত নাই । এখানে কেহই গো-হত্যা করিতে পারে না । খৃষ্টধর্মাবলম্বী ও ইয়ুরোপ প্রত্যাগতদিগের মধ্যে কেহ কেহ বিদেশাগত শুক গো-মাংস ও টেবিনেব (মুরগী) ভক্ষণ করিয়া থাকেন । জাপানীরা পরমাণু ও পিষ্টকাদি ব্যতীত কেবলমাত্র দুগ্ধপান করে না । তরকারী বিশেষে দুগ্ধ, ঘৃত, নবনীত, তৈল ও চর্কি ব্যবহৃত হইয়া থাকে ।

জাপানের অধিকাংশ নরনারী প্রত্যহ চা-পান করিয়া থাকে। সাকি ও সয় জাপানের জাতীয় সুরা, প্রায় সকলেই পান করিয়া থাকে। সাকি চাউল হইতে প্রস্তুত হয়। ইহা প্রথমে ওসাকা নগরে প্রস্তুত হইয়াছিল বলিয়া ইহার নাম “সাকি” হইয়াছে। চিকিৎসকের অনুমতি ভিন্ন জাপানে কেহই অহিফেণ সেবন করিতে পারে না। এখানে সিগারেট ও বিবিধ প্রকারে তাম্বকুট সেবনের প্রথা আছে।

জাপানবাসিদিগের মধ্যে অনেকগুলি কুসংস্কার বর্তমান আছে। এখানে রাত্রে লবণ ধার করিতে নাই। মাসের শেষ শনিবারে বস্ত্র ধোত করিতে নাই। বিবাহের দিনে বরকন্যার পরিচ্ছদ লাল বা বেগুনি বর্ণের হইলে উভয়ের মধ্যে দাম্পত্যবন্ধন স্থায়ী হইবে না। কোন বালক দর্পণে মুখ দেখিলে, তাহাকে যৌবনে যমজ সন্তানের জনক হইতে হয়। গ্রহণের সময়ে জলপান করিলে শরীরমধ্যে বিষ প্রবিষ্ট হয়। কুকুর কাঁদিলে গৃহস্থের অকল্যাণ হয়; মোরগ চালে উঠিলে গৃহদাহের আশঙ্কা আছে। মৎস্য ধরিবার মানসে যাত্রা করিয়া পুরোহিতের সহিত সাক্ষাৎ হইলে, বাটীতে ফিরিয়া আসাই মঙ্গল। গ্রামে বসন্ত ও কলেরা প্রভৃতি সংক্রামক পীড়ার প্রাদুর্ভাব হইলে, গৃহস্থেরা দ্বারদেশে লিখিয়া দেয় যে, এবাটীতে বালক বালিকা একটীও নাই। জাপানীরা যাত্রা কালে বক ও স্কিকি নামে কচ্ছপ দেখিলে বড়ই আনন্দানুভব করিয়া থাকে।

জাপানবাসিরা সর্বদাই পরিষ্কার পরিচ্ছন্ন থাকিতে ভালবাসে। অনেকে প্রত্যহ তিনবার স্নান করিয়া থাকে। এখানে প্রতি গৃহস্থের বাটীতে কয়েকটি ফুলের গাছ, একখণ্ড ক্রীড়াভূমি ও

একটা কুপ দেখিতে পাওয়া যায়। জাপানীরা প্রাণ ভরিয়া মুক্ত-
বায়ু সেবন করিতে পারিলে বড়ই প্রফুল্ল হয়।

জাপানের শিক্ষা-প্রণালী।

শিক্ষাই সর্ববিধ উন্নতির মূল। কি সাম্রাজ্যের পরিপুষ্টি,
কি বাণিজ্যের বিপুলবিস্তার, কি স্বদেশের শ্রীবৃদ্ধিসাধন, কি
জ্ঞানের পরিধি প্রসারণ, ইহার কোন একটিও শিক্ষা নিরপেক্ষ
নহে। জাপানবাসীরা গত ত্রিংশতি বৎসর মধ্যে শিক্ষাবিষয়ে
যে উন্নতিলাভ করিয়াছে, তাহা পৃথিবীর ইতিহাসে অতি অপূর্ব
ও সর্বাপেক্ষা বিস্ময় জনক।

জাপানের শিক্ষার ইতিহাস ১৮৬৮ খৃঃ হইতে আরম্ভ হইয়াছে।
ইহার তিন বৎসর পরে গবর্ণমেন্টের তত্ত্বাবধানে জাপানে
“মন্ত্রাসো” অর্থাৎ শিক্ষাবিভাগ স্থাপিত হয়। ১৮৭২ খৃঃ শিক্ষা-
সংক্রান্ত কতকগুলি ব্যবস্থা প্রণীত হইয়া শিক্ষাবিভাগে নবযুগের
আবির্ভাব হয়।

এক্ষণে জাপানে চারিশ্রেণীর বিদ্যালয় দৃষ্ট হয়। যথা,—
প্রাথমিক বিদ্যালয়, মধ্য-বিদ্যালয়, উচ্চ-বিদ্যালয় ও বিশ্ব-
বিদ্যালয়।

প্রাথমিক বিদ্যালয় জাপানের প্রতি “মান” অর্থাৎ
পল্লোগ্রামে দৃষ্ট হয়। ইহাতে ষষ্ঠ বৎসর হইতে চতুর্দশ বর্ষীয়

বালক বালিকাগণকে জাপানী ভাষায় শিল্প, কৃষি, বাণিজ্য, গণিত ও স্বাস্থ্যরক্ষা বিষয়ক সাধারণ সূত্রগুলি শিক্ষা দেওয়া হয়। পীড়িত ও অতি দরিদ্র ব্যতীত গ্রামের সকল বালক বালিকাই এই বিদ্যালয়ে আসিতে বাধ্য হইয়া থাকে। এই সমস্ত বিদ্যালয়গুলি গবর্ণমেন্ট ও গ্রামবাসীর অর্থ সাহায্যে রক্ষিত হইয়া থাকে। ১৯০২ খৃঃ এই শ্রেণীর বিদ্যালয়-সংখ্যা ২৮,৩৮১, ছাত্র ও ছাত্রী সংখ্যা ৪৯,৮০,৬০৪ ও শিক্ষক এবং শিক্ষয়ত্রী সংখ্যা ১,০৩৭৮০ জন ছিল।

জাপানের প্রতি জেলাতেই এক বা ততোধিক মধ্য-বিদ্যালয় অবস্থিত আছে। এই সমস্ত বিদ্যালয়ে চৌদ্দ হইতে অষ্টাদশ বর্ষ বয়স্ক বালক বালিকাদিগকে জাপানী, চীনা ও ইংরাজী ভাষায় সাহিত্য, ইতিহাস, ভূগোল, গণিত, জ্যামিতি, বিজ্ঞান, রসায়ন, জ্যোতিষ প্রভৃতি বিবিধ বিষয় শিক্ষা দেওয়া হয়। যাহাতে ছাত্র ও ছাত্রীগণের ধর্মজ্ঞান, নীতি ও শারীরিক শক্তি সম্যক পরিপুষ্ট হয়, তাহার প্রতি বিশেষ দৃষ্টি রাখা হয়। ১৯০২ সালে এই শ্রেণীর বিদ্যালয়ের সংখ্যা ২৯২, ছাত্র ও ছাত্রী সংখ্যা ১,০২,৩০৪ এবং শিক্ষক ও শিক্ষয়ত্রী সংখ্যা ৪২৩৩ জন ছিল।

উচ্চ-বিদ্যালয় গুলি রাজধানী ও প্রধান নগরে অবস্থিত। ইহাতে জাপানী, ইংরাজী ও জার্মান ভাষায় গণিত, দর্শন, সাহিত্য, বিজ্ঞান, আইন, চিকিৎসা-শাস্ত্র, কৃষি, বাণিজ্য, ভূতত্ত্ব প্রভৃতি বিবিধ বিষয়ের শিক্ষা দেওয়া হইয়া থাকে। এই বিদ্যালয়ে সপ্তদশ বৎসরের নূন বয়স্ক কোন ছাত্র প্রবিষ্ট হইতে পারে না। ১৯০৩ খৃঃ জাপানের উচ্চ-বিদ্যালয়ের সংখ্যা ৮৮টি ও ছাত্র সংখ্যা ৪৬৮১ জন ছিল।

জাপানে ৭০টা উচ্চ বালিকাবিদ্যালয় ও ৫৫টা নর্মাল বিদ্যালয় আছে। নর্মাল বিদ্যালয়ে ছাত্রগণকে চারি বৎসর ও ছাত্রীগণকে তিন বৎসর অধ্যয়ন করিতে হয়। নর্মাল বিদ্যালয়ের শিক্ষক ও শিক্ষয়িত্রী প্রস্তুত করিবার জন্য আবার দুইটা উচ্চ নর্মাল বিদ্যালয় আছে। ইহার একটা টোকিয়ো রাজধানীতে ও অন্যটা হিরোসিমা নগরে অবস্থিত। গত পূর্ব বর্ষে ইহার ছাত্র সংখ্যা ৮০৩ জন ও ছাত্রী সংখ্যা ৩৬১ জন ছিল।

জাপানে দুইটা “দৈগাকু” অর্থাৎ বিশ্ব-বিদ্যালয় আছে। ইহার একটা রাজধানীতে ও অন্যটা মিয়াকো নগরে অবস্থিত। উচ্চ বিদ্যালয়ের উত্তীর্ণ ছাত্র ভিন্ন কেহই বিশ্ব-বিদ্যালয়ে প্রবেশিত হইতে পারে না।

টোকিও বিশ্ব-বিদ্যালয়,—এখানে আইন, চিকিৎসা, ইঞ্জিনিয়ারিং সাহিত্য, বিজ্ঞান ও কৃষিবিদ্যা বিষয়ক ৬টা কলেজ আছে। আইন বিভাগের মধ্যে চিকিৎসা সম্বন্ধে একটা নির্দিষ্ট পাঠ্য আছে। ইঞ্জিনিয়ারিং বিভাগের মধ্যে গৃহনির্মাণ, রসায়ন, বারুদ, খনি ও ধাতু সম্বন্ধে নয়প্রকার পাঠ্য আছে। সাহিত্য কলেজে দর্শন, জাপানী-সাহিত্য, চীন-সাহিত্য, ইতিহাস ও বিবিধ বৈদেশিক সাহিত্য প্রভৃতি নয়প্রকার পাঠ্য আছে। বিজ্ঞান কলেজে গণিত, জ্যোতিষ, পদার্থবিদ্যা, প্রাণীবিদ্যা, উদ্ভিদ-বিদ্যা প্রভৃতি সাতপ্রকার পাঠ্য আছে। কৃষি কলেজে কৃষিবিদ্যা, বনবিদ্যা প্রভৃতি চারি প্রকার পাঠ্য আছে। এই বিশ্ব-বিদ্যালয়ের সহিত একটা বৃহৎ পুস্তকাগার ও হাঁসপাতাল আছে। আইন কলেজে কতদিন পাঠ করিতে হইবে তাহার নিশ্চয়তা নাই।

অন্যান্য কলেজে তিন বৎসর অধ্যয়ন করিতে হয়। কোন ছাত্রকেই মাত্র বৎসরের অধিককাল পড়িতে দেওয়া হয় না। টোকিয়ো বিশ্ব-বিদ্যালয়ে বর্তমান বৎসরে আইনবিভাগে ২৫, চিকিৎসাবিভাগে ২৩, ইঞ্জিনিয়ারিংবিভাগে ২৫, সাহিত্য-বিভাগে ২০, বিজ্ঞানবিভাগে ২১, ও কৃষিবিভাগে ১৭ জন অধ্যাপক আছেন।

এই বিশ্ব-বিদ্যালয় হইতে চিকিৎসাশাস্ত্রে উত্তীর্ণ হইলে ইগাকুশী, ইঞ্জিনিয়ারিং বিদ্যায় উত্তীর্ণ হইলে কোগাকুশী, সাহিত্যে উত্তীর্ণ হইলে বানগাকুশী, বিজ্ঞানশাস্ত্রে উত্তীর্ণ হইলে রিগাকুশী ও কৃষিবিদ্যায় উত্তীর্ণ হইলে নোগাকুশী উপাধি পাওয়া যায়।

জাপান গবর্ণমেন্ট টোকিও বিশ্ব-বিদ্যালয়ের জন্য প্রতিবর্ষে প্রায় ২০ লক্ষ টাকা ব্যয় করিয়া থাকেন।

এই বিশ্ব-বিদ্যালয়ে ছাত্রসংখ্যা বর্ষে বর্ষে কি পরিমাণে বর্দ্ধিত হইতেছে, তাহা নিম্নলিখিত তালিকা হইতে বুঝিতে পারা যায়।

	১৮৯০	১৮৯৫	১৯০০	১৯০৩
আইন	৩০১	৪৭২	৮২০	১২০৮
চিকিৎসা	১৮৮	১৭৮	৪০২	৭১৭
ইঞ্জিনিয়ারিং	১০৬	২২৫	৪০৭	৯০১
সাহিত্য	৮৮	২১৯	৩১২	৮৩৩
বিজ্ঞান	৭৭	১০২	১০৫	২১৩
কৃষি	৪৮৫	২৪৯	২৬২	৪৯৪
বিবিধ	৪৮	১০৫	১৯২	২৫০
	১,২৯৩	১,৬২০	২,৫০০	৪,৬১৬

কিয়াটো বিশ্ব-বিদ্যালয়ে আইন, চিকিৎসা, বিজ্ঞান এবং ইঞ্জিনিয়ারিং প্রভৃতির চারিটা কলেজ আছে। এখানে কোন ছাত্রকে তিন বৎসরের অধিক কাল এক প্রকার পাঠ্য পাঠ করিতে দেওয়া হয় না। চিকিৎসা কলেজে চারি বৎসর অধ্যয়ন করিতে হয়। অন্যান্য নিয়মাদি টোকিও বিশ্ব-বিদ্যালয়ের অনুরূপ।

বিশ্ব-বিদ্যালয়ের বাৎসরিক ফিজ ৩৭১০ টাকা। ইঞ্জিনিয়ারিং বিভাগের ছাত্রগণকে আরও ১৫ টাকা অতিরিক্ত প্রদান করিতে হয়।

এই দুইটা বিশ্ব-বিদ্যালয় হইতে গত ২৫ বৎসরে প্রায় ৫০০০ ছাত্র উত্তীর্ণ হইয়াছে।

টোকিও ও কিয়াটো বিশ্ব-বিদ্যালয় ভিন্ন জাপানে শিল্প, কৃষি ও জীশিক্ষাসংক্রান্ত আরও কয়েকটা বিশ্ব-বিদ্যালয় আছে।

উপরোক্ত বিদ্যালয়সমূহ ভিন্ন জাপানে উচ্চ ও নিম্নশ্রেণীর ১৪৭৪টা বিদ্যালয় বর্তমান আছে। তন্মধ্যে ৪৭টা কৃষি, ২০০টা শিল্প, ৩৬টা বাণিজ্যবিষয়ক বিদ্যালয় উল্লেখ যোগ্য। শিল্প বিদ্যালয়ের মধ্যে টোকিও উচ্চ শিল্প বিদ্যালয়, ওসাকা শিল্প বিদ্যালয় ও কিয়াটো উচ্চ শিল্প বিদ্যালয় সমধিক প্রসিদ্ধ। এই সমস্ত বিদ্যালয়ে রসায়ন, বৈদ্যুতিক যন্ত্রাদি গঠন, রং করণ, বস্ত্র বয়ন, চীনাবাসন গঠন, মদ্য প্রস্তুত করণ, ধাতুবিদ্যা, মানচিত্র অঙ্কিত করণ, চিত্রবিদ্যা প্রভৃতি বিবিধ বিষয় হাতে কলমে শিক্ষা দেওয়া হয়।

এক্কে জাপানে ১৬টা মূকবধির বিদ্যালয় ও ২৫৪টা কিণ্ডারগার্টেন বিদ্যালয় বিদ্যমান আছে।

জাপান গবর্ণমেন্ট ১৮৭০ খৃষ্টাব্দ হইতে শিল্প ও বিজ্ঞান শিক্ষার জন্ত বিদেশে ছাত্র প্রেরণ আরম্ভ করেন। ১৮৭২ অব্দে প্রায় ২৫০ ছাত্র প্রেরিত হইয়াছিল। ১৮৯৫ অব্দে কেবল মাত্র ১১ জন প্রেরিত হয়। পূর্বে জাপানী বিদ্যালয়ের জন্ত ইউরোপ ও আমেরিকা হইতে অধ্যাপক আনিতে হইত, এক্ষণে তাহার প্রয়োজন হয় না।

সমগ্র জাপান রাজ্যে বর্তমান সময়ে প্রায় ৫৪ লক্ষ ছাত্র বিবিধ বিদ্যালয়ে অধ্যয়ন করিতেছে। এখানে বিদ্যালয় গমনযোগ্য বালক ও যুবকবর্গের মধ্যে শতকরা ৮৫ জন বিদ্যালয়ে গমন করিয়া থাকে। আমেরিকার যুক্তরাজ্য (ইউনাইটেডষ্টেটস্) পৃথিবীর মধ্যে সর্বাপেক্ষা সুসভ্য রাজ্য বলিয়া পরিগণিত। প্রাথমিক শিক্ষা বিষয়ে সেই শক্তিশালী রাজ্যের সহিতও জাপানের তুলনা হয় না। হতভাগ্য ভারতের সহিত আর কি তুলনা করিব ?

জাপানীরা ইংলণ্ডের নিকট হইতে নোবিদ্যা, ফ্রান্সের নিকটে যুদ্ধবিদ্যা, জার্মানির নিকট হইতে চিকিৎসাশাস্ত্র এবং আমেরিকার নিকট হইতে শিক্ষাপ্রণালী গ্রহণ করিয়া সকলগুলিই স্বদেশের উপযোগী করিয়া লইয়াছে। কোন বিষয়েই আমাদের স্থায় অবিকল অনুকরণ করে নাই।

জাপান সম্রাট বলিয়াছিলেন,—“It is designed, henceforth, education shall be so diffused that there may not be a village with an ignorant family, nor a family with an ignorant member.” সম্রাটের এই উক্তি সার্থক হইয়াছে।

জাপানের সাহিত্য ও সংবাদপত্র ।

জাপানের সাহিত্যভাণ্ডার পৃথিবীর অন্যান্য সভ্যজাতির সাহিত্যের ন্যায় ঐশ্বর্য্য সম্পদে পরিপুষ্ট নহে । জাপানী সাহিত্যে কালিদাস বা সেক্সপিয়র দূরের কথা, মিল্টন বা মধুসূদনের স্থায় কবির পরিচয় পাওয়া যায় না । ঐতিহাসিকেরা অনুমান করেন যে, প্রাচীন জাপান যুদ্ধবিগ্রহ ও ব্যবসাবিজয়ো ব্যাপৃত থাকায় সাহিত্য সম্বন্ধে কোনরূপ চিন্তা করিবার অবসর পায় নাই ।

“কোজিকী” জাপানের সর্বাপেক্ষা প্রাচীন গ্রন্থ । ইহা ভারতীয় পৌরাণিক গ্রন্থাবলীর স্থায় বিবিধ অতি প্রকৃত উপাখ্যানে পরিপূর্ণ । কোজিকীর কোন কোন আখ্যায়িকার সহিত অশ্বদ দেশীয় পুরাণ বিশেষের ঐক্যতা পরিলক্ষিত হয় । ইহা গদ্যে রচিত । জাপানীদিগের প্রধান নীতিশাস্ত্রের নাম ‘বুসিডো’ । হিন্দুর নিকটে বেদ, মুসলমান সমীপে কোরান ও খ্রীষ্টানের কাছে বাইবেল যক্রপ, প্রাচীন ‘বুসিডো’ জাপানিগণের নিকটে তক্রপ । জাপানীরা এই গ্রন্থকে ভগবান ভাস্করের মুখ-নিঃসৃত বলিয়া বিশ্বাস করিয়া থাকে । ইহাতে পরমাত্মা, জীবাত্মা, পুনজন্ম, পরজন্ম, পাপপুণ্য, স্বাস্থ্য, পীড়া, রাজভক্তি, পিতৃমাতৃভক্তি, স্বদেশ-প্ৰীতি প্রভৃতি বহু বিষয় ধারাবাহিকরূপে লিখিত আছে ।

অতি পূর্বকালে “বুসি” অর্থাৎ সম্ভ্রান্ত ক্ষত্রিয় জাতি ভিন্ন অণ্ড কেহ এই গ্রন্থ পাঠ করিতে অধিকারী ছিল না । এক্ষণে—জাপানের উন্নতির যুগে—ইহা সাধারণসম্পত্তিরূপে পরিগণিত হইয়াছে ।

“বুসিডোর” কয়েকটি উপদেশ এইরূপ;—“আড়ম্বর পরিত্যাগ পূর্বক দীনভাবে জীবনযাত্রা নির্বাহ কর ।” “আত্ম অবস্থায় সন্তুষ্ট থাকিয়া স্বধর্ম প্রতিপ্রাণন কর ।” “হিংসা, ঘেব, মিথ্যা, চাতুর্যা পরিহার করিয়া সত্য ও সরলতার আশ্রয় গ্রহণ কর ।” “পরলোকে বিশ্বাস স্থাপন করিয়া ধর্মাচরণ কর ।” “বিবেকের সাহায্যে পাপপুণ্য নির্ণয় কর ।” ইত্যাদি

“কোজিকী”, “বুসিডো” প্রভৃতি গ্রন্থ পাঠ করিলে স্পষ্টই বুঝা যায় যে, প্রাচীনযুগে জাপানী সাহিত্যে প্রভূত পরিমাণে সংস্কৃতভাষার রীতি প্রবেশলাভ করিয়াছিল। সংস্কৃতের ন্যায় জাপানী কবিতায় এখনও দ্ব্যর্থ দেখা যায়। অনেকগুলি জাপানী শব্দের সহিত সংস্কৃত শব্দের সাদৃশ্য লক্ষিত হয়। যথা,—“শামন” (শ্রমণ) “সর” (স্বর্গ) “সামুরে” (সমর) “যিযুৎসু” (যুযুৎসু) “সেন্দন” (চন্দন) ইত্যাদি।

খৃষ্টীয় পঞ্চম ও ষষ্ঠ শতাব্দীতে জাপানী সাহিত্য বৌদ্ধধর্মের নবীন উপাদানে নবীকৃত হইয়া উঠে। এই সময়ে চীন ভাষা হইতে কয়েকখানি গ্রন্থ জাপানী ভাষায় অনূদিত হয়। এই সমস্ত গ্রন্থাবলীর মধ্যে প্রজ্ঞা পারমিতা, মহাপ্রজ্ঞা পারমিতা অমিতাভ সূত্র, রত্নজাল সূত্র, মহা পরিনির্ঝান সূত্র, (এইখানি এক্ষণে সংস্কৃত ভাষায় পাওয়া যায় না) ললিত বিস্তর, ধর্মপদ, সাংখ্য দর্শন, চন্দ্রগর্ভ ও সূর্য্যগর্ভ মহায়ণ সূত্র প্রভৃতি ধর্মগ্রন্থ সমধিক প্রসিদ্ধ। সপ্তম শতাব্দীতে সাহিত্য প্রাচীন ভারতের ন্যায় কবিতাবহুল হইয়া উঠে। এই সময়ে চীন দার্শনিক কনফিউসিয়াসের নীতিশিক্ষায় লোকের হৃদয় কর্মেপ্রবণ ও ধর্মাত্মরক্ত করিবার জন্ত জাপানী কবিরা বিবিধ বিষয়ের কবিতা

লিখিতে আরম্ভ করেন। দ্বাদশ শতাব্দীতে পুস্তক সকল ইতি-
হাসের স্থায় লিখিত হইতে আরম্ভ হয়। এই সময়ে মুরাসাকি-
সিকিবু নামী জনৈক জাপানী মহিলা “গেঞ্জিমোগো-গাতারি” নামে
একখানি ধর্মগ্রন্থ প্রণয়ন করেন। সুপ্রসিদ্ধ “মন-যো-শিও” অর্থাৎ
লক্ষপত্র নামক কবিতা পুস্তক এই সময়ে সংকলিত হয়। ত্রয়োদশ
শতাব্দীতে জাপানে “নো” নামে এক শ্রেণীর সাহিত্যের
উৎপত্তি হইয়াছিল। ইহা অনেকাংশে আধুনিক গীতি কবিতার
স্থায় ছিল। এই সময়ে জাপানে “কাইও-জেন” অর্থাৎ প্রহ-
সনের সৃষ্টি হয়। ষোড়শ শতাব্দীতে জাপানী সাহিত্যে বিবিধ
উপন্যাস (নিনজিও বন) ও নাটকের (জোকুরি-বন) উৎপত্তি
হয়।

এক্কে জাপানে যে কয়টি ছন্দ প্রচলিত আছে, তন্মধ্যে তৌকা
সর্বপ্রধান। প্রায় শতকরা ৮০টি কবিতা এই ছন্দে রচিত হইয়া
থাকে। ইহা ৩১টি অক্ষর সম্বলিত পঞ্চপদে বিভক্ত। পদপঞ্চ
যথাক্রমে ৫, ৭, ৫, ৭ ও ৭টি অক্ষর থাকে। নিম্নে সম্রাট রচিত
কয়েকটি কবিতা ও তাহার অনুবাদ প্রদত্ত হইল।

কোরে ওয়া মিনা

ইকুছা নো নিওয়ানি

ইদোহাতেতে

ও কিনা ইয়া হিতোরি

ইয়ামাদা মরুবাণ

মায়ের সম্মান, সকলে গিয়াছে,

কর্তব্য পালিতে,—

উন্মুক্ত কৃপাণ লইয়া করে;

তাহাদের বৃদ্ধ জনক জননী,

শূত্র গেহে ভাবে,

গিয়াছে তনয় ঘোর সমরে।

২ ২
 চিবাইয়া কুরু শ্রীবিন্দুমাধব দেব পরাংপর
 কামি নো কোকোরোনি স্নেহ বরিষণ,—
 কানো ওরাণ করুন তা'দের পুণ্যমস্তকে,
 ওয়াগা কুনি-তামি নো মধুরিমাময় সারল্য তা'দের
 ছুকুছু মাকোতে ওয়া হৃদে একাগ্রতা,
 অতি তুচ্ছ করে মনুজাস্তকে।

৩ ৩
 কুণি ও ওমোও সমর প্রাঙ্গনে, সুখ জন্মস্থানে,
 মিচি নি কুতাৎছুওয়া যে থাকে যেখানে,
 নিকারি কিরি সকলেরই হৃদে জনমভূমি;
 ইকুছা লো নিওয়া নি তাহারা সকলে মায়ের সন্তান
 তাৎছু মো তাতামো মো স্বজাতির তরে,
 এক মনঃপ্রাণ দৃঢ় সংঘমী।

৪ ৫
 হৃদে আশা বাঁধি, অতি সম্বর্পণে, পুরাতন গ্রন্থে যবে দৃষ্টি করি
 যবে জাতিধ্বজা একটা ভাবনা,
 সঁপিয়া দিলাম তা'দের কাছে; জাগে সদা মম হৃদিকন্দরে;
 মহতী আশাতে, হৃদয় স্পন্দিল প্রজারঞ্জন, প্রজার পালন
 বিবেক বলিল, প্রজা সুশাসন

নবোদিত ভানু কীর্তি আনিছে। কিরূপ হ'তেছে রাজ্য ভিতরে।
 আজ কাল জাপানী সাহিত্যে বহুসংখ্যক লেখক-লেখিকার
 আবির্ভাব হইয়াছে।

গত ত্রিশ বৎসরের মধ্যে যে সমস্ত বিদেশী গ্রন্থ জাপানী ভাষায়

অনুদিত হইয়াছে, তন্মধ্যে আইল, মিল, স্পেনসার ও কাণ্টের গ্রন্থা বলা প্রসিদ্ধ। উপন্যাসের মধ্যে “আর্নেস্ট মলট্রাভার” সর্বপ্রথমে অনুবাদিত হয়। “টেলিমেক্‌স” ও “রবিনসনক্রুসোর” পাঠক সংখ্যা সর্বাপেক্ষা অধিক। এতদ্ব্যতীত ডুমা’ ভার্গ, কারভেণ্ট, হ্যাগার্ড প্রভৃতি সুপ্রসিদ্ধ উপন্যাসিকগণের গ্রন্থরাজি জাপানী সাহিত্যের অধিকাংশ স্থান অধিকার করিয়াছে।

অনুবাদিত কবিতা পুস্তকের মধ্যে গের “এলিজি”, গোল্ডস্মিথ কৃত “ডেজার্টেড ভিলেজ” ও টেনিসনের “এনক-আর্ডেন” উল্লেখ যোগ্য।

ঔপন্যাসিকগণের মধ্যে বেকিন, টেনিহিকো সানসুই, ইকু ও শ্বামুসী প্রভৃতি গ্রন্থকার বিখ্যাত। জাপানী সমালোচকেরা ইহঁদের সহিত যথাক্রমে লিটন, স্কট, হিউগো, ডিকেন্স ও কলিন্সের তুলনা করিয়া থাকেন। মানবচরিত্রাঙ্কণে বেকিনের সহিত সেকস্পিয়ারের সাদৃশ্য লক্ষিত হয়।

জাপানের সর্বপ্রথম সংবাদপত্রের নাম “যোমি-উরি” ইহা ১৬০৩ খৃষ্টাব্দে প্রকাশিত হয়। ইহার পরের উল্লেখ যোগ্য পত্রের নাম “কেইগোয়া-সিম্বু”। ১৮৭১ খৃঃ “জিম্বু-জিজি নামে আর একখানি পত্র জন্মগ্রহণ করে। ১৮৭২ অব্দে জন ব্লাকি নামক জনৈক ইংরেজ কর্তৃক “জাপান হেরাল্ড” নামে একখানি প্রথম শ্রেণীর দৈনিক পত্র বাহির হয়। এই সময় হইতে জাপানে সংবাদপত্রের সংখ্যা অতি দ্রুতগতিতে বৃদ্ধি পাইতে থাকে। ১৮৭৮ খৃঃ সংবাদপত্রের সংখ্যা ২০০, ও পাঠক সংখ্যা ৩ কোটি ছিল। ১৮৯৪ অব্দে পত্রের সংখ্যা ৮১৪ খানিতে পরিণত হয়, ইহার ৫ বৎসর পরে ৯৭৮ খানি হয়। এক্ষণে ১৩৫০ খানি

হইয়াছে। দশ সহস্র লোকের বাসস্থান এমন নগর নাই, যেখান হইতে দুই বা তিনখানি সংবাদপত্র বাহির হয় না। টোকিও হইতে প্রত্যহ ৪০ খানি সংবাদপত্র বাহির হইয়া থাকে, তন্মধ্যে “জিজি” “নিচিনিচি” “ককুমিন” “নিপন” “জিজিসিম্পো” “ম্যাসাই” “হোচি” “মাইয়াকি” প্রভৃতি দৈনিকগুলি সমধিক প্রসিদ্ধ। ওসাকা, কোব, ইয়াকোহামা ও নাগোয়া হইতে অনেকগুলি দৈনিক পত্র বাহির হইয়া থাকে। ইংরেজী পত্রের মধ্যে জাপান গেজেট জাপান টাইমস, জাপান মেল, হেরাল্ড, কোব হেরাল্ড প্রভৃতি পত্রগুলি উল্লেখযোগ্য। এই সকল পত্রের প্রত্যেকটির গ্রাহক-সংখ্যা এক লক্ষের অধিক হইবে।

জাপানের মুদ্রাযন্ত্রবিধি অতীব কঠোর। রাজ্য সম্পর্কীয় কোন গুপ্তকথা প্রকাশ করিলেই সম্পাদক মহাশয়কে কারাদণ্ড ভোগ করিতে হয়। এইজন্য সংবাদপত্র মাত্রেই একজন করিয়া “কারা-সম্পাদক” থাকে। তিনি প্রকৃত সম্পাদকের ভূত্বরূপে অবস্থিতি করেন এবং প্রয়োজন হইলে অমানবদনে কারাগৃহে গমন করিয়া থাকেন।

জাপান সাম্রাজ্যের গঠনপ্রণালী

ও

রাজনীতি ।

সমগ্র জাপান সাম্রাজ্য ৪৫টি “কেন” অর্থাৎ প্রদেশে বিভক্ত। প্রতি প্রদেশে একজন করিয়া “চো” অর্থাৎ শাসনকর্তা অবস্থিত করেন। প্রতি গ্রামেই গ্রামবাসীগণ কর্তৃক নির্বাচিত ১২ জন প্রধান ব্যক্তি লইয়া এক একটি গ্রামাসমিতি আছে। প্রতি গ্রামেই একজন করিয়া পোলিস অবস্থান করে।

সম্রাটই রাজ্যের সর্বপ্রধান কর্তা; তিনি “নেকম্বাকু” অর্থাৎ মন্ত্রিসভার সাহায্যে রাজ্যের প্রকৃত শাসন সংরক্ষণ করিয়া থাকেন। কার্যের শৃঙ্খলাসাধন জন্ত মন্ত্রিসভা রাজস্ব, শিক্ষা, সামরিক, বৈদেশিক, অভ্যন্তরীণ, উপনিবেশিক প্রভৃতি নানা বিভাগে বিভক্ত আছে। প্রত্যেক বিভাগে একজন করিয়া মন্ত্রী (দৈজিন) আছেন।

১৮৯০ খৃষ্টাব্দে ইংলণ্ডের অনুকরণে জাপানে পার্লামেন্ট অর্থাৎ প্রতিনিধি সভা স্থাপিত হয়। এই সভা আভিজাত ও সাধারণ-সভা নামে দুই ভাগে বিভক্ত। সাধারণ সভার সভ্যদিগের ক্ষমতা অধিক; কারণ সাম্রাজ্যের যাবতীয় আয় ও ব্যয়ের উপরে ইহাদের সম্পূর্ণ কর্তৃত্ব আছে। বাহাঁদের বয়ঃক্রম ২৫ বৎসর এবং বৎসরে ১৫ টাকা বা তদুর্দ্ধ কর দিয়া থাকেন, সাধারণ সভার সভ্য মনোনীত করিবার জন্ত তাঁহাদের একটি “ভোট” দিবার

অধিকার আছে। বর্তমান বৎসরে ৪৫টি “কেন” (জেলা) হইতে ২৯৬টি, ৫৩টি “সাই” (সহর) হইতে ৭৩টি, ৪টি “চো” (দ্বীপ) হইতে ৪টি, যেশোরীপ হইতে ৬টি ও ওকিনাওয়া (লিচু-পুঞ্জ) হইতে ২টি সভ্য সাধারণ সভায় প্রবিষ্ট হইয়াছেন। আভি জাত সভার সভ্যের সংখ্যা ৩৫৭ জন, ইহঁারা সাত বৎসরের জন্ত ও সাধারণ সভার সভ্যেরা চারি বৎসরের জন্ত মনোনীত হইয়া থাকেন। জাপানবাসির পোষ্যপুত্র অথবা জাপান রমণীর স্বামী ভিন্ন কোন বৈদেশিক মতদাতা বা সভ্য হইতে পারেন না। সম্রাট কর্তৃক উভয় সভার সভাপতি ও সহকারী সভাপতি মনোনীত হইয়া থাকে। তাঁহারা প্রত্যেকে বৎসরে ৬০০০ টাকা ভাতা পাইয়া থাকেন। অন্যান্য সভ্যেরা প্রত্যেকে ১২০০ টাকা পাইয়া থাকেন। যে সমস্ত সভ্যেরা রাজকর্মচারী, তাঁহারা কেবলমাত্র পাথেয় পাইয়া থাকেন। প্রতি বৎসরে তিনমাস কাল পার্লামেন্ট বসিয়া থাকে। এক তৃতীয়াংশ সভ্য উপস্থিত না হইলে কোন বিষয় আলোচিত হইতে পারে না। এক সভার প্রস্তাবিত বিষয় অগ্র সভা ও সম্রাট কর্তৃক অনুমোদিত হইলে তাহা আইনরূপে গৃহীত হইয়া থাকে। কোন বিশেষ রাজনৈতিক আন্দোলন ব্যতীত অগ্র কোন সময়ে যে কোন ব্যক্তি সভামধ্যে প্রবেশ লাভ করিতে পারেন। (*)

বর্তমান সময়ে জাপানে একটা সুপ্রিমকোর্ট, সাতটি “কোশোইন” (আপিলকোর্ট) ৪৮টি “চিহো-সেবানসো” (জেলা-

(*) জাপানের মহাসভাসংক্রান্ত বিশেষ বিবরণ অবগত হইতে হইলে জাপান সাম্রাজ্যের গঠন বিষয়ক আইনের ৭ অধ্যায় পাঠ করা আবশ্যিক।

কোর্ট) ও ৩১০টি নিম্ন আদালত আছে। এই চারি শ্রেণীর আদালতের বিচারক সংখ্যা যথাক্রমে ২৫, ১২১, ৩৯৯ ও ৫৫৭ জন হইবে। এই সমস্ত বিচারালয়ে গত পূর্ববর্ষে ১,৬১, ৮৫৪টি দেওয়ানী মোকদ্দমা ও ১, ৮৩, ৫৬২টি ফৌজদারী মোকদ্দমা হইয়াছিল।

জাপানের পোলিশ প্রথা সর্বোৎকৃষ্ট। এখানে গ্রামে গ্রামে একজন করিয়া পোলিশ আছে। তাহাদের নিকটে এলাকাধীন স্থানের মানচিত্র ও অধিবাসিগণের তালিকা আছে।

প্রতি অফিসেই টেলিফোন সংযোগ রহিয়াছে। যে কোন ব্যক্তি তথায় পাঁচটি মাত্র পয়সা দিলে অন্তর্জ সংবাদে পাঠাইতে পারে। এখানে উৎকোচের ব্যবস্থা আদৌ নাই। দেশবাসীর অর্থ ও শোণিত শোষণ করিবার জন্য জাপানী পোলিশের সৃষ্টি হয় নাই।

এক্ষণে জাপানে ১৩৯টি কারাগার আছে। প্রতি কারাগারেই একজন করিয়া জেল গভর্নর আছেন। তাহার বার্ষিক বেতন নয় শত হইতে পঁচিশ শত টাকা। গত পূর্ব বৎসরে জেলসমূহের কর্মচারী সংখ্যা ১১,৯৯৫ জন ছিল। এক্ষণে সমগ্র কারাগারের কয়েদীগণের দৈনিক উপস্থিত সংখ্যার গড় ৬০ হাজার হইবে। কয়েদীগণের স্বাস্থ্যের প্রতি বিশেষ দৃষ্টি রাখা হয়, তাহাদিগকে গ্রীষ্মকালে প্রতি পাঁচ দিবসে ও শীতকালে প্রতি দশ দিবসে স্নান করিতে দেওয়া হয়। প্রত্যহ তিনবার করিয়া খাদ্য প্রদান করা হয়। কয়েদীরা মুক্ত হইয়া যাহাতে সহুপায়ে জীবিকার্জন করিতে পারে, তাহার জ্ঞান কারাগারের ভিতরে ও বাহিরে তাহাদিগকে বস্ত্রবয়ণ, সূচীকর্ম, ইষ্টকনির্মাণ

প্রভৃতি, বিবিধ বিষয় শিক্ষা দেওয়া হয়। কয়েদীরা বাহিরে কন্ম করিয়া যাহা উপার্জন করে, মুক্তিদানকালে তাহা তাহা-দিগকে প্রদান করা হয়।

জাপান গভর্ণমেন্টের মোট আয় ৫০ কোটি টাকা হইবে। জমির মূল্যের শতকরা ২।০ হিসাবে প্রায় ১৮ কোটি টাকা ভূমির রাজস্ব সংগৃহীত হইয়া থাকে। বার্ষিক ৪৫০ কোটি টাকা আয় হইলে ইনকম্ ট্যাক্স দিতে হয়। গত বৎসরে ইহা হইতে প্রায় ৬ কোটি টাকা সংগৃহীত হইয়াছিল। অবশিষ্ট টাকা দেশীয় ও বিদেশীয় মদিরা, (*) তামাক, (+) বাণিজ্য শুল্ক, রেলওয়ে, পোষ্টাফিস, মিন্ট, বনবিভাগ, খনিকর, কষ্টম, ষ্ট্যাম্প প্রভৃতি হইতে গৃহীত হয়। পূর্বে প্রতি জাপানীকে ৮৩ পেন্স বা ৫।০ করিয়া কর প্রদান করিতে হইত। গত মহাবুদ্ধের পর হইতে আর ৩৭ পেন্স করিয়া অধিক দিতে হইতেছে।

জাপান গভর্ণমেন্ট সৈন্তপালনার্থ প্রতি বর্ষে প্রায় ছয় কোটি টাকা ব্যয় করিয়া থাকেন। সাধারণ শিক্ষার জন্ত সমগ্র আয়ের শতকরা ২।০ টাকা অর্থাৎ প্রায় এক কোটি টাকা ব্যয় হইয়া থাকে। বাণিজ্য ও কৃষির উন্নতির জন্ত প্রায় ৮৭ লক্ষ

(*) “সাকি” পাঁচ প্রকার। যথা, “যিশু” (পরিষ্কৃত) “মিরিন,” (মিষ্ট) “মিরোজাকি,” (শ্বেতবর্ণ) “মোচু,” (আলু হইতে উৎপন্ন) ও “ডাকু সু” (অপরিষ্কার)।

(†) তিন বৎসর পূর্বে তামাকের ব্যবসা ইংরাজ ও আমেরিকানদিগের হস্তগত ছিল। এক্ষণে গভর্ণমেন্টের একচেটিয়া হইয়াছে। জাপানী তামাক এক্ষণে কোরিয়া, চীনের সর্বত্র, প্রণালী উপনিবেশ (Straits settlements) ও ভারতবর্ষে বিক্রীত হইয়া থাকে।

টাকা ব্যয়িত হয়। জাপান গভর্ণমেন্ট যেস্থলে শিক্ষাব্যয় নির্বাহার্থ ব্যক্তি প্রতি ১/৫ পয়সা করিয়া ব্যয় করেন, ভারত গভর্ণমেন্ট সেই স্থলে আড়াই পয়সার অধিক ব্যয় করিতে অসমর্থ হইয়া থাকেন।

জাপানবাসিদিগের আর্থিক অবস্থা, ভারতসম্মানগণের ত্রায় শোচনীয় নহে। জাপানে প্রত্যেক ব্যক্তির গড় আয় বৎসরে ৮০ টাকা হইবে, তাহাদিগকে সর্বপ্রকারে ৮ টাকার অধিক কর প্রদান করিতে হয় না।

জাপানের বাণিজ্য।

আর্জেন্টাইন, অস্ট্রিয়া, বেলজিয়ম, ব্রাজিল, ডেনমার্ক, ফ্রান্স, জারমানি, গ্রেটব্রিটেন, ইটালী, মেক্সিকো, নেদারল্যান্ড, পেরু, রুসিয়া, শ্রাম, স্পেন, সুইডেন, সুইজারল্যান্ড, ইউনাইটেডষ্টেটস প্রভৃতি বৈদেশিক গভর্ণমেন্টের সহিত জাপানের বাণিজ্য সন্ধি আছে। জাপান হইতে যে সমস্ত দ্রব্যসম্ভার বিদেশ প্রেরিত হইয়া থাকে, তন্মধ্যে চা, চাউল, কর্পূর, কর্পূরতৈল, তামাক, মৎস্য, দিয়াশলাই বিছানা, মোম, রেশম, রেশমীবস্ত্র, পশম, তুলা, বার্নিস, তাম্র, টীন, কয়লা সর্বপ্রধান। চাউল প্রধান উৎপন্ন দ্রব্য হইলেও সম্রাটের অনুমতি ব্যতীত বিদেশে প্রেরিত হইতে পারে না; এইজন্য জাপানে ছুর্ভিক্ষ নাই। গত ১৯০৩ অব্দে সাড়ে চল্লিশ কোটি টাকার দ্রব্য বিদেশ প্রেরিত হইয়া-

ছিল। ইহার পূর্ববর্ষে রপ্তানির পরিমাণ ৪০ কোটি টাকা ছিল।

সূত্র ও রেশমীবস্ত্রাদিবসনে জাপানীরা পৃথিবীর মধ্যে শ্রেষ্ঠস্থান অধিকার করিয়াছে। 'ওসাকা' বন্দর প্রশান্ত মহাসাগরের ম্যানচেষ্টার রূপে পরিগণিত হইয়াছে। হোয়াইট দ্বীপে কয়লা, কেরাসিন, স্বর্ণ ও রৌপ্যের আকর আছে। জাপানের তাম্রখনি পৃথিবীমধ্যে বিখ্যাত। এক্ষণে সমগ্র জাপান সাম্রাজ্যে ৫৭টি রৌপ্য ১৩৬টি তাম্র-রৌপ্য এবং ৭২টি মিশ্রধাতুর খনি আছে। এই সমস্ত খনি হইতে গত পূর্ব বর্ষে ৯ লক্ষ মণ তাম্র ৬২ হাজার মণ স্বর্ণ, দেড় লক্ষ মণ রৌপ্য, ২৫ কোটি মণ কয়লা উত্তোলিত হইয়াছিল। গতবর্ষে জাপানে যে সূবর্ণখনি আবিষ্কৃত হইয়াছে, তাহার মূল্য আনুমানিক হিসাবে ৪০০ কোটি স্থির হইয়াছে।

জাপান সভ্যতার উচ্চতর সোপানে আরোহণ করিয়াও দেশীয় বাণিজ্যের উন্নতি সম্বন্ধে অণুমাত্র উদাসীন হয় নাই। বাষ্পীয় যন্ত্রের প্রবল প্রতিযোগিতা সত্ত্বেও জাপানের প্রতি পল্লীতেই চরকা হইতে সূত্র নির্মাণ ও তাঁতসাহায্যে বস্ত্র বসন হইয়া থাকে। জাপানের গৃহে গৃহে হস্তজাত ছুরি, কাঁচি, মৃত্তিকা-নির্মিত বাসন ও বংশনির্মিত নানাবিধ গৃহসামগ্রী দেখিতে পাওয়া যায়। জাপানী শিল্পীরা কাগজের দ্বার, জানালা, বাঁশের বিছানা, বাক্স, বাগ প্রভৃতি প্রস্তুত বিষয়ে অসামান্য নৈপুণ্য প্রদর্শন করিয়া থাকে।

জাপানবাসিরা যে কেবলমাত্র সমরশাস্ত্রে পারদর্শী হইয়াই ইউরোপীয় জাতিগণের সমকক্ষ হইয়াছে, এক্ষণে নহে। তাহারা

কৃষি, শিল্প ও বাণিজ্যাদি বিষয়েও অসাধারণ উন্নতিলাভ করিয়াছে। মহাযুদ্ধে ব্যাপ্ত থাকিয়াও, জাপানী কৃষকেরা গত পূর্ববর্ষে ভূমি হইতে ১৪ কোটি মণ চাউল, ৬ কোটি মণ বব, ৪ কোটি মণ বিবিধ তরকারী উৎপন্ন করিয়াছে। সরকারী গণনাভূসারে উক্ত বর্ষে ১৩ লক্ষ মণ নীলপত্র, ৮ লক্ষ মণ তামাক ও পোণে সাতলক্ষ মণ চা উৎপন্ন হইয়াছে।

টোকিও নগরে কাগজের প্রকাণ্ড কারখানা আছে। তথায় মিৎসুমাতো, কোজো ও গাম্পি নামক বৃক্ষ হইতে কাগজ প্রস্তুত হইয়া থাকে। কাঠে কাগজ হয়, কাগজে গৃহ নির্মিত হয়, কড়ি, বরগা প্রস্তুত হয়, রেল প্রস্তুত হয়, জলের নৌকা হয় এবং চা তৈয়ারির কেটলি প্রস্তুত হয়।

জাপানের মৎস্যের ব্যবসা অতি বিস্তৃত। এখানে ৯ লক্ষ ঘর জালিক আছে, তাহাদের জনসংখ্যা ৩০ লক্ষ হইবে। ইহারা ক্ষুদ্র ও বৃহৎ জাল, বড়সি এবং বংশনির্মিত যন্ত্রাদির সাহায্যে জাপান, কোরিয়া ও সাইবেরিয়ার উপকূলে বিবিধ প্রকার মৎস্য ধরিয়া থাকে। গত পাঁচ বৎসর পূর্বে সমগ্র জাপানে সাড়ে চারি লক্ষ নৌকা ও এগার লক্ষ নানাশ্রেণীর জাল ছিল। সর্বাপেক্ষা বৃহৎ নৌকার নাম “সাউনসি”, ইহা দৈর্ঘ্যে ৫০ ফিট ও প্রস্থে ১৮ ফিট হইবে।

গম, চিনি, গজদন্ত, স্বর্ণ, লৌহ, কাচ, চামড়া, ঔষধ, পুস্তক, মানচিত্র, রং, বিবিধ প্রকার তৈল বিদেশ হইতে আমদানি হইয়া থাকে। এই সকল দ্রব্যের মধ্যে চীনের গম ও কোরিয়ার স্বর্ণ সমধিক প্রসিদ্ধ। গত পূর্ববর্ষে আমদানীর মূল্য ৩১ কোটি টাকা স্থির হইয়াছিল। জাপানের ডাক, রেল, টেলিগ্রাফ,

কাপড়ের কল, সূতার কল, মুদ্রাযন্ত্র প্রভৃতি সমস্ত কল কারখানা দেশের মূলধনে দেশীয় লোক কর্তৃক পরিচালিত হইতেছে। সামান্য সূচ হইতে আরম্ভ করিয়া বিশাল যুদ্ধ-জাহাজ পর্য্যন্ত সমস্তই জাপানে প্রস্তুত হইতেছে। এক্ষণে জাপানে বিবিধ শ্রেণীর ৭৮২৯টা কল কারখানা বিদ্যমান আছে, এই সকলের মধ্যে প্রায় ৩০০০টা বিদ্যুৎ ও বাষ্প বলে ও অবশিষ্টগুলি হস্ত-কৌশলে পরিচালিত হইতেছে। ইহাদের মূলধন ৩৮, ৮২, ৮৭, ০০০ টাকার উপর হইবে। এক্ষণে জাপানে ৬০টা সূতার কলে ২০ লক্ষ টাকু চলিতেছে, কলের তাঁত ২০০০ হাজার চলিতেছে। সমগ্র কল কারখানায় ৪ লক্ষ মজুরের কার্য হইতেছে।

বাণিজ্যের ক্রমোন্নতি সহকারে একদিকে যেমন দেশের ধনবৃদ্ধি হইতেছে, অন্যদিকে সেইরূপ জীবন-সংগ্রামের কঠোরতা বৃদ্ধি হইয়াছে। আজ কাল দৈনিক মজুরির হার অত্যধিক পরিমাণে বাড়িয়া উঠিয়াছে।

যে সমস্ত জাপানী সদাগরেরা পৃথিবীর নানাস্থানে ব্যবসা বাণিজ্য করিতেছেন, তন্মধ্যে ফুকিসামা, আমাজেসাকি, লিটসু, নিফন, গোডো, কানাকিম ও ওসাকা কোম্পানি সর্বপ্রধান। ইহাদের প্রত্যেকের বার্ষিক আয় এক কোটি টাকার নূন হইবে না।

বাণিজ্যাদির সুবিধার জন্য জাপান সাম্রাজ্যে ২৩১৭টা “জিনকো” অর্থাৎ ব্যাঙ্ক আছে। এই সকলের মধ্যে জাপান ব্যাঙ্ক সমধিক প্রসিদ্ধ। ইহার বর্তমান মূলধন মুদ্রা ও নোটসহ ২৫ কোটি টাকা হইবে। এতদ্ব্যতীত ১৮০০টা সাধারণ, ৫০টা কৃষি ও ৪৬৭টা সেভিং ব্যাঙ্ক আছে।

জাপানের সমর বল ।

স্থলবল ।

১৮৮৩ অব্দে জাপানের সৈন্যসংখ্যা সর্বপ্রকারে এক লক্ষের ন্যূন ছিল। গত চীন-জাপান যুদ্ধের পর হইতে সৈন্যসংখ্যা অধিক পরিমাণে বর্দ্ধিত হইয়াছে। এক্ষণে জাপানে যুদ্ধের জন্ত সর্বদাই ৬ লক্ষ সৈন্য প্রস্তুত থাকে। তন্মধ্যে কর্মচারীর সংখ্যা ২০০০০ হাজার, পদাতিক ৫ লক্ষ এবং অশ্বারোহী ও গোলন্দাজ সৈন্যের সংখ্যা এক লক্ষ হইবে। ইঞ্জিনিয়ারিং, টেলিগ্রাফ, বেলুন, রসদ ও গুপ্তচর বিভাগের লোক সংখ্যাও এক লক্ষের অধিক হইবে। এতদ্বিন্ন ক্ষুদ্র বৃহৎ ২৫০০ কামান আছে।

সম্রাটই জাপানের সর্বপ্রধান সেনাপতি। তাঁহার আদেশ ব্যতীত কোন সৈন্যদল পরিচালিত হইতে পারে না।

সম্রাটের নিম্নেই যুদ্ধমন্ত্রীর পদ নির্দিষ্ট আছে। তিনি তাঁহার অধীন কর্মচারীগণের সহিত পরামর্শ করিয়া যুদ্ধবিভাগের যাবতীয় কার্য নির্বাহ করিয়া থাকেন।

এক্ষণে সমগ্র জাপান সাম্রাজ্য তিন প্রেসিডেন্সিতে বিভক্ত। প্রতি প্রেসিডেন্সিতে চারিটা করিয়া ডিভিসন আছে। ৮টা রেজিমেন্ট লইয়া প্রতি ডিভিসন গঠিত হইয়াছে।

সৈনিকগণের শিক্ষারজন্য জাপানে ১৪টা কলেজ ও স্কুল আছে। অশ্ববিভাগের কার্য পরিচালনার্থ টোকিও নগরে একটা কার্যালয় আছে। দেশের নানাস্থানে তাহার সাতটা শাখা

আছে। অশ্বসমূহের জন্য রাজ্যমধ্যে সাড়ে চারি লক্ষ বিঘা জমি পতিত আছে। টোকিও ও ওসাকা নগরে কামান, গোলাগুলি ও অস্ত্রাদির কারখানা আছে। মেজাক, ইটাবাস ও আইওনা নগরে বারুদের গুদাম আছে।

জাপানের পদাতিক সৈন্য জার্মান আদর্শে গঠিত। এই বিভাগে কোন বিদেশীয় জাতির প্রবেশাধিকার নাই

জাতীয় বিপত্তি উপস্থিত হইলে, জাপানের সৈন্য-সংখ্যা আরও বর্দ্ধিত হইতে পারে। রাজাজ্ঞানুসারে জাপানবাসী সমর্থ পুরুষ মাত্রেই অস্ত্রধারণ করিতে বাধ্য। সমগ্র জাপান-সাম্রাজ্যে এক্ষণে উক্তরূপ যুবকের সংখ্যা ৮০ লক্ষের অধিক হইবে। তন্মধ্যে ২০ লক্ষ যুবক যুদ্ধবিদ্যা শিক্ষা করিয়া অভিজ্ঞতা সঞ্চয় করিয়াছেন। প্রয়োজন হইলে স্বদেশের গৌরব রক্ষার জন্য তাঁহারা এই মুহূর্ত্তেই সমরক্ষেত্রে অবতীর্ণ হইতে পারেন।

জাপান গবর্ণমেন্ট এক্ষণে সেনা-বিভাগ সম্বন্ধে যে ব্যবস্থা করিয়াছেন, তাহার ফলে তাঁহারা ভবিষ্যতে সমরক্ষেত্রে সাড়ে সাত লক্ষ সৈন্য প্রেরণ করিতে সমর্থ হইবেন। জাপানী গবর্ণমেন্ট মাঞ্চুরিয়া ও কোরিয়ার সৈন্য সংখ্যা বৃদ্ধি করিতেছেন। যেক্রম ব্যবস্থা হইয়াছে, তাহাতে জাপানস্থিত সৈন্যের সংখ্যা শতকরা ৫০ জন হিসাবে বৃদ্ধি হইবে। জাপানের মন্ত্রিসভায় সে দিন জাপানী সমরসচিব স্পষ্টই বলিয়াছেন, জাপানী বাহিনীকে তাঁহারা এমন দুর্দ্ধর্ষ করিয়া তুলিবেন যে, কোন শক্তিই তাঁহাদিগের সহিত সহসা শক্তি পরীক্ষায় সাহসী হইবেন না। জাপানীরা অচিরেই পৃথিবীতে অজেয় শক্তিরূপে পরিণত হইবে প্রাচ্য দেশসমূহের পক্ষে ইহা সুসংবাদ, সন্দেহ নাই।

জাপান গভর্নমেন্টকে প্রচুর মৈত্র পরিপোষণ করিতে হইলেও বৎসরে ছয় কোটি টাকার অধিক ব্যয় করিতে হয় না। জাপানে প্রতি পদাতিক মৈত্র ও অস্বারোহী মৈত্রের বার্ষিক বেতন যথাক্রমে ৪৫০ ও ৬০০ টাকা মাত্র। কর্ণেল, কাপ্তেন প্রভৃতি সেনানায়কেরা বৎসরে দেড় শত হইতে দুই শত টাকা বেতন পাইয়া থাকেন। প্রধান সেনাপতিগণের বার্ষিক বেতন ৫০০০ হইতে ৭৫০০ টাকার অধিক নহে। মৈত্রবিভাগীয় কুলিগণের প্রত্যেকব্যক্তি খাদ্য ও দৈনিক ১/১০ হিসাবে মাহিনা পাইয়া থাকে। যুদ্ধক্ষেত্রে মৈত্রদিগকে প্রত্যহ তিনবার করিয়া খাদ্য প্রদান করা হইয়া থাকে। প্রত্যুষে চা, বিস্কুট, মাছভাজা ও শুকান; মধ্যাহ্নে ভাত, শুক-মৎস্য ও মাংস, এবং সায়াহ্নে চা, বার্লি, পাঁওরুটি ও পায়স ব্যবস্থা। চিকিৎসকের আদেশানুসারে এই ব্যবস্থা পরিবর্তিত হইয়া থাকে।

নৌবল।

জাপানবাসীরা গত ত্রিশ বৎসরের মধ্যে জলযুদ্ধ বিষয়েও অসামান্য উন্নতি লাভ করিয়াছে। জাপানীরা বুঝিয়াছে, দ্বীপ-বাসীর পক্ষে প্রবল নৌ-বল ভিন্ন আত্মরক্ষার সুবিধা হইতে পারে না। ইংরেজ নৌ-সেনাপতি ফিট্জজিৱাল্ড স্পষ্টাক্ষরে বলিয়াছেন;—In some matters they appears to have improved upon the methods of their instructor.

অর্থাৎ জাপানীরা স্বীয় প্রতিভাবলে, কোন কোন বিষয়ে ইংরেজাপেক্ষাও নৌ-যুদ্ধের অধিকতর উন্নতি সাধন করিয়াছে। পরপৃষ্ঠায় জাপানের বর্তমান নৌ-বলের তালিকা প্রকাশ করা যাইতেছে।

যুদ্ধজাহাজ (Battle Ship) ।

নাম ।	যতটন ।	অখ.শক্তি ।	বেগ ।	কামান ।	মন্তব্য ।
১। মিকালশা	১৩৩৩১	৩৩২৬২	১৫	৩	অগ্নি লাগিয়া নষ্ট হওয়ার মেয়াদ মত হইয়াছে।
২। সিকিসামা	১১০০৩	৩৩৬৪৫	১৫	৩	
৩। র্যাসাহী	১১৪৪৩	৩৩২০৩	১৫	৩	
৪। ফুজি	১১৩৩২	৩৩০৪৫	১৫	৩	
৫। হিজেন	১১০০১	৩৩০৬৫	১৫	—	
৬। ইকি	১১৬৬২	৩৩০০১	১৫	—	কৃষিয়ার "রেটভিসান"
৭। একাই	—	—	—	—	"নিকোলাস"
৮। সাতজুম্বা	১১০০২	—	—	—	নির্মিত হইতেছে।
৯। ইয়াসিমা	১১১১২	১১৪২১	১৫	৩	পৃথিবীমধ্যে সর্বশ্রেষ্ঠ, সম্প্রতি নির্মিত হইয়াছে।
১০। আইয়োগামি	১১৩৬১	৩৩০৬৫	—	—	কৃষিয়ার "ওরেল"
১১। চীনইয়েন	১১৩৬৬	৩৩২৬৬	১৫	১৫	চীন হইতে প্রাপ্ত
১২। টোগো	১১৩৩১	১১২১৫	১৫	—	কৃষিয়ার "পোলটাতা"
১৩। কাটোরি	১১৫২৩	৩৩০৬৫	১৫	৩	
১৪। সুও	১১২৬৭	৩৩০৪৫	—	—	কৃষিয়ার "পোভিডা"

লৌহমণ্ডিত প্রথম শ্রেণীর রণতরি । (Cruiser) ।

নাম ।	টন ।	শক্তি ।	মন্তব্য ।
১। টোকিওয়া	৯৮৫৫	১৮২৪৮	
২। আডজুমা	৩৪৬৫	১৬০০০	
৩। আসো	৭৭৩৬	২৭৪০০	“রুঘিয়ার বেয়ান”
৪। ক্যান্সুগা	৭৬২৮	১৩৫০০	দুইখানি ইংলণ্ডে প্রস্তুত, এবং চিলি হইতে ক্রীত ।
৫। নিশিন	৭৬২৮	২৪০০	
৬। ইকোমা	—	১৩৫৭০	সম্প্রতি নির্মিত হইয়াছে।
৭। ইয়াকুমা	৯০০০	১৫৫০০	
৮। আইওয়েট	৯৯০৬	১৪৭০০	

এতদ্ভিন্ন “কুরুমা” “সুকুকু” নামী দুইখানি তরণী প্রস্তুত হইতেছে ।

লৌহমণ্ডিত রক্ষিত রণতরি ।

১। একাগী	৮। নানিওয়া	১৫। টেকিচিও
২। একাসি	৯। টেকাসেগো	১৬। নিটাকা
৩। একি সূসীমা	১০। কাসাগী	১৭। ইউজুমা
৪। চিতোজ	১১। মাৎসুসিমা	১৮। অকোশী]
৫। হাসিডেট	১২। সুগারু (রুঘিয়ার “পালাভা”)	১৯। টেকিওয়া
৬। আজুমা	১৩। সূমা	২০। ইয়েয়ামা
৭। একিনো সীমা (রুঘিয়া হইতে প্রাপ্ত)	১৪। ইন সূসীমা	২১। সয় (রুঘিয়ার ভেরাগ)
		২২। ওটেয়া

এতদ্ব্যতীত কামানবাহক তরি ও উপকূল রক্ষক পোতের সংখ্যা ৩০ খানি হইবে।

জাপানের টর্পেডো তরি ৭৮ খানি ও টর্পেডো নাশক তরগীর সংখ্যা ৫২ খানি হইবে।

উপরোক্ত প্রভূত শক্তিশালী রণতরি ভিন্ন জাপান সাম্রাজ্যে ৫৫০০ খানি বাণিজ্যপোত আছে। তাহার মধ্যে ১৪০০ খানি কলে ও ৪০০ খানি পাইলে চলিয়া থাকে।

অধিকাংশ পোতের তলদেশ ও মর্দস্থান লৌহ বা তাম্রমণ্ডিত থাকায় যুদ্ধকার্যে ব্যবহৃত হইতে পারে।

১৮৬৭ অব্দে জাপানের ৯ খানি মাত্র রণতরি ছিল। ১৮৭২ খৃঃ ২০ খানি হয়। ১৮৯৩ খৃঃ এই সংখ্যা বর্দ্ধিত হইয়া ৩২ খানিতে পরিণত হয়। গত পাঁচ বৎসর পূর্বে সমগ্র রণতরির সমষ্টি ৫২ খানি ও কামান সংখ্যা ১১৫৬টি গণিত হইয়াছিল। এই পুস্তকে বর্তমান বৎসরের (১৯০৬ খৃঃ) সংখ্যা প্রদত্ত হইয়াছে।

জাপানী নৌ-বিভাগে এডমিরাল, ভাইস এডমিরাল, রিয়ার এডমিরাল, কাপ্তেন, কমান্ডার, লেপ্টেনেন্ট, চিফগনার ও বোটস্-ওয়েন উপাধিধারী কর্মচারী আছেন। প্রথম তিন শ্রেণীর নৌ-সেনাপতির বৎসরে যথাক্রমে নয় হাজার, ছয় হাজার ও পাঁচ হাজার টাকা বেতন পাইয়া থাকেন। পরবর্তী তিন শ্রেণীর বার্ষিক বেতন যথাক্রমে ২৫২০, ১৮০০, ও ১৫০০ টাকা নির্দিষ্ট আছে।

জাপানের নানাকথা ।

মুদ্রা বিভাগ ।

১০ রিন—১ ছেন, ১০০ ছেন—১ ইয়েন । “ইয়েন” রৌপ্য মুদ্রা, ইহা ইংরেজী ২ শিলিং ৫৮২০৭৫ পেন্সের সমান, আমাদের প্রায় ১১০ টাকা হইবে । “ছেন” তাম্রমুদ্রা, আমাদের এক পয়সার সমান । “রিন” ছই কড়ার তুল্য হইবে ।

ওজন প্রণালী ।

৬ কিন—১ কোয়ান, ১৭ কোয়ান—১ পাইকল । ৪ পাইকল—১ কোকু (তরল), ১ কোকু—৪০ গ্যালন । ১ কিন ইংরেজী ১০৩২ পাইন্ট, আমাদের প্রায় অর্ধসের হইবে ।

জমি মাপিবার প্রণালী ।

৬ মাকু—১ কেন, ৬০ কেন—১ চো, ৩৬ চো—১ রাই ।

ইংরেজী ২২৪ ফিটে ১ মাকু হইয়া থাকে । ১ চো প্রায় ২৩৫ হস্তের সমান । এক রাই ইংরেজী ছই মাইলের উপর অর্থাৎ আমাদের এক ক্রোশের কিছু কম হইবে ।

ডাক বিভাগ ।

১৮৭১ খৃঃ মার্চমাসে জাপানে ইয়ুরোপীয় প্রথায় ডাকঘর স্থাপিত হয় । এই বৎসরেই ডাক-আইন ও টিকিট প্রকাশিত হয় । ১৮৭৫ খৃঃ সেভিং ব্যাঙ্কের প্রথা প্রবর্তিত হয় । ১৮৮৫ অব্দে রিপ্লাই কার্ডের প্রচলন হয় । এক্ষণে জাপানে একটা জেনারেল পোষ্টাফিস ৫০০০টা ভিন্ন ভিন্ন শ্রেণীর পোষ্টাফিস ও ১৮০০টা টেলিগ্রাফ আফিস আছে । গত পূর্ববর্ষে ডাক বিভাগীয়

উচ্চ কর্মচারির সংখ্যা ৩০০ শত, মধ্য কর্মচারির সংখ্যা ১৮০০০ হাজার ও অধস্তন কর্মচারির সংখ্যা ৬৬০০০ হাজার ছিল। এই বৎসরে সমগ্র রাজ্যে ৩৫ কোটি পোষ্টকার্ড ও ১৫ কোটি পত্র ব্যবহৃত হইয়াছিল। ডাক বিভাগে যত টাকা আয় হইয়া থাকে, তাহার শতকরা ৬৮ ভাগ এই বিভাগে ব্যয় নির্দিষ্ট আছে। জাপানে ১০ আউন্স ওজনের পত্রে ও ২১ আউন্স ওজনের সংবাদ-পত্রে, যথাক্রমে ৩ ছেন ও ১০ ছেন মাসুল লাগিয়া থাকে। পোষ্ট-কার্ড ও রিপ্লাই কার্ডের মূল্য যথাক্রমে ১১ ছেন ও ৩ ছেন মাত্র। বুক প্যাকেট ও নমুনা ডাকের প্রতি ৩৮ আউন্সে ২ ছেন মাসুল দিতে হয়। রেজিষ্টার জন্ম ৭ ছেন ব্যয় হইয়া থাকে। পত্রাদি ব্যারিং হইলে ডবল মাসুল দিতে হয়। জাপানে ১০ ইয়েন মর্গি-অর্ডার করিতে হইলে ৬ ছেন কমিশন দিতে হয়। টেলিগ্রাফে প্রতি ১৫ কথায় ২০ ছেন ব্যয় হয়।

জাপানের রেলপথ।

জাপানের সর্বপ্রথম রেলপথ ১৮৭২ খৃঃ ১২ই এপ্রেল তারিখে উদ্বাটিত হয়। ১৮৭৭ খৃঃ ৬৫ মাইল পথ প্রস্তুত হয়। জাপানের উন্নতিসহকারে রেলপথ ক্রমেই বৃদ্ধি হইয়া বর্তমান সময়ে ৫০০০ মাইলে পরিণত হইয়াছে। পূর্বে গভর্নমেন্টের খাসে দুইটি ও ভিন্ন ভিন্ন কোম্পানীর হস্তে ৪১টি রেলপথ ছিল। সম্প্রতি সমস্তই গভর্নমেন্টের অধীনে আসিয়াছে। জাপানে প্রথম, দ্বিতীয় ও তৃতীয় শ্রেণীর গাড়ী আছে। ভাড়ার অনুপাত যথাক্রমে ৩:১.৭৫: ও ১:১। দ্বাদশ বর্ষের ন্যূনবয়স্কদিগকে অর্ধ ভাড়া দিতে হয়। চারি বৎসরের কম হইলে কিছুই দিতে হয় না। রিটার্ন টিকিটে পূর্ণ ভাড়ার শতকরা ২% বাদ পাওয়া যায়। প্রথম

শ্রেণীর টিকিটে ১০০ কিন, দ্বিতীয় শ্রেণীর টিকিটে ৬০ কিন ও তৃতীয় শ্রেণীর টিকিটে ৩০ কিন ওজনের ভাড়া লাগে না। যাত্রীদিগকে নিজের সাইকেলের জন্য ভাড়া দিতে হয় না। জাপানি ট্রেনের ১ম ও ২য় শ্রেণীতে একজন করিয়া ভূত্য অবস্থিতি করে।

জাপান পৃথিবীর নন্দনকানন বলিয়া প্রসিদ্ধ। এইজন্য প্রাচীন ভারতীয়েরা এই দ্বীপের নাম সুদর্শন রাখিয়াছিলেন। জীবন সার্থক ও নয়ন পরিতৃপ্ত করিবার অনেক দৃশ্য এখানে দেখিতে পাওয়া যায়। ইয়াকোহামা বন্দর, হাকোন পর্বতের আশাহদ, ফুজিসামা শৃঙ্গ, সীতা পর্বতের রেলপথ, তেনাকুনদৌর লৌহসেতু, হামানা হ্রদ, নাগোয়ার স্বর্ণভবন, ইয়োরো জলপ্রপাত ইরামানাকা উষ্মপ্রস্রবণ, কেনরোকু পার্ক, কিয়াটোর বংশকুঞ্জ, মিনাটোগোয়ার তীর্থ প্রভৃতি ভ্রমণকারীমাত্রেই দ্রষ্টব্য।

* * * * *

কলিকাতা হইতে প্রতি সপ্তাহেই আপকার কোম্পানীর অথবা ইন্দোচায়না কোম্পানির ডাক জাহাজ হংকং দ্বীপে গমন করিয়া থাকে। হংকং হইতে প্রশান্ত মহাসাগরীয় ডাক জাহাজে জাপানে গমন করা যায়। কলিকাতা হইতে হংকং, প্রথম শ্রেণীর ভাড়া ২৫০/-, দ্বিতীয় শ্রেণীর ভাড়া ২০০/-, ডেকের ভাড়া ৪৫/- টাকা। হংকং হইতে ইয়াকোহামা, ১ম শ্রেণী ২২৭।০, জাহাজের সম্মুখবর্তী কামরা ৯৮/- এবং ডেকের ভাড়া ৩৫/- টাকা মাত্র। ইহা ভিন্ন প্রায় এক মাসের আহাৰাদি আছে। কলিকাতা, ৯ নং ওল্ড কোর্ট হাউস স্ট্রীটে টমাস কুক এণ্ড সনের কার্যালয়ে টিকিট প্রভৃতি পাওয়া যায়। বোম্বাই বন্দর হইতে

ও হংকং হইয়া “প্যাসিফিক মেলে” জাপানে গমন করিতে পারা যায়।*

জাপানীরা যে প্রণালী অবলম্বন করিয়া দৈহিক বলবীৰ্য্য বৃদ্ধি করে, তাহার নাম “জিউ জুৎসু”। জাপানিভাষায় ইহার অর্থ পেশী বিনষ্টকরা, কিন্তু ইহার দ্বারা পেশী সমূহের পুষ্টিসাধন হয়। অতি দুর্বল ও ক্ষীণকায় ব্যক্তিও ইহার অনুশীলন করিয়া বিপুল বলশালী হইতে পারে। জাপানের সৈনিক ও নাবিকদিগকে এই বিজ্ঞা শিক্ষা করিতে হয়। ইহাতে সৰ্ব্বপ্রথমে আহারের প্রতি দৃষ্টি রাখিতে হয়, পরে ফুস্ফুস ও হৃৎপিণ্ডের উন্নতিসাধন করিতে হয়। শিক্ষার্থীদিগকে অস্থিবিজ্ঞা ও প্রাণীবিজ্ঞা আলোচনা করিতে হয় এবং যোগীর শ্রায় সংযত ও শুদ্ধাচারী হইয়া বাস করিতে হয়। চারি বৎসর বিশেষ ধৈর্য্য সহকারে শিক্ষা না করিলে, এই বিজ্ঞায় সিদ্ধ হওয়া যায় না।†

* * * * *

জাপানে “হারা-কিরি” অর্থাৎ আত্মহত্যা অত্যন্ত প্রবল। জাপানীরা অতি সামান্য কারণেই নিজের জীবন বিনষ্ট করিয়া

* জাপানযাত্রী, জাপানের ভাষাশিক্ষা ও তথাকার খরচপত্র সম্পর্কীয় বিবরণাদি মৎপ্রণীত “বঙ্গজাগরণ ও স্বদেশের নানাকথা” পুস্তকে প্রদত্ত হইয়াছে। আমার নিকটে পত্র লিখিলেও উত্তর দেওয়া যায়।

† পরম শ্রদ্ধাম্পদ শ্রীযুক্ত দ্বিজেন্দ্রনাথ ঠাকুর মহাশয়ের বোলপুরস্থ “শান্তি নিকেতনে” উপযুক্ত শিক্ষক কর্তৃক “জিউ যুৎসু” শিক্ষা দেওয়া হইয়া থাকে। আজিকালি পৃথিবীর সর্বত্রই এই বিজ্ঞার অনুশীলন হইতেছে।

ফেলে। তাহাদের বিশ্বাস আত্মহত্যা ইহকালে যশঃ ও পরকালে স্বর্গলাভ হইয়া থাকে। জাপানের প্রাচীন ধর্মশাস্ত্রে লিখিত আছে যে, মানবমাত্রেই আত্মজীবন রক্ষা ও বিনষ্ট করিবার অধিকার আছে। বর্তমান রাজবিধানে “হারা-কিরি” গুরুতর অপরাধ বলিয়া উক্ত হইয়াছে।

জাপানের শিমোজ বারুদ পৃথিবীমধ্যে বিখ্যাত। জাপানী অধ্যাপক শিমোজ দীর্ঘকালব্যাপী পরিশ্রম ও পরীক্ষার পরে ইহা প্রস্তুত করেন। তাহারই নামানুসারে ইহার নাম শিমোজ বারুদ হইয়াছে। এরূপ অসাধারণ বিস্ফোটন-শক্তিসম্পন্ন বারুদ পৃথিবীর কোন বৈজ্ঞানিক এ পর্য্যন্ত আবিষ্কার করিতে পারেন নাই।

জাপানী অধ্যাপক ওমোরি ভূমিকম্পের গতি ও স্থিতি পরিমাপক যে যন্ত্র প্রস্তুত করিয়াছেন, তাহা পাশ্চাত্য পণ্ডিত মিল্‌নির যন্ত্রাপেক্ষা বহুপরিমাণে কার্যকরী হইয়াছে। সম্প্রতি এই যন্ত্রের সাহায্যে সিমলাটেশল হইতে ২০০০ মাইল দূরবর্তী স্থানের ভূমিকম্প অবগত হওয়া গিয়াছে।

১৮৯৪ অব্দের ২৯শে জুন তারিখে জাপানী অধ্যাপক কিটাসাটো হংকং দ্বীপে উপস্থিত থাকিয়া প্লেগের বীজাণু আবিষ্কার করেন। এক্ষণে পৃথিবীর সর্বস্থানে কিটাসাটোর মতানুসারেই এই ভয়াবহ ব্যাধির নিদানতত্ত্ব স্থিরীকৃত হইতেছে।

চিকিৎসাশাস্ত্রে জাপান অনেক উন্নতি সাধন করিয়াছে। সংপ্রতি জাপানের সুবিখ্যাত চিকিৎসক ডাক্তার শিগা আমাশয় রোগের জীবাণু আবিষ্কার করিয়া পাশ্চাত্য জগতের চিকিৎসকগণকে চমৎকৃত করিয়াছেন। ডাক্তার শিগা আমাশয়গ্রস্ত রোগীর

শোণিতে ঐ জীবাণু দেখিতে পাইয়াছেন। আর একজন জাপানী চিকিৎসক পশু পক্ষী প্রভৃতি জীবের অস্ত্র হইতে এক প্রকার রস প্রস্তুত করিয়াছেন, ঐ রস মুমূর্ষু রোগীর শরীরে প্রবেশ করাইয়া দিলে সেই মুমূর্ষু জীবনীশক্তি কিয়ৎকালের জন্ত সতেজ হইয়া উঠে।

“গেইসা” জাপানের নৃত্যকারিণী রমণী। এই অস্বা-
নিন্দিত সুন্দরী সঙ্গীতবালিকাগণের নৃত্য দর্শন ও গীত শ্রবণ জন্ত
জাপানীরা বিশেষ আগ্রহ প্রকাশ করিয়া থাকে। ইহাদিগের
কমনীয় মুখশ্রী, বিচিত্র বেশবিভূষা ও অঙ্গভঙ্গিমা প্রভৃতি
দর্শন করিলে বোধ হয়, যেন জগতের চক্ষু পরিতৃপ্ত করি-
বার জন্ত গেইসা সুন্দরীর সৃষ্টি হইয়াছে। গেইসাদিগের চরিত্র
দূষিত নহে। ইহারা পিতা, মাতা, ভ্রাতা প্রভৃতি অভিভাবকগণের
প্রত্যাশ শাসনাধীনে থাকিয়া নৃত্যগীতাদি করিয়া থাকে। উপযুক্ত
সময়ে বিবাহ হইলে আর কখনও সাধারণ সমক্ষে বহির্গত হইতে
বা গীতাভিনয় করিতে পারে না।

জাপানিদিগের ভদ্রতা ও নম্রতা শিক্ষা করিবার বিষয়।
তাহারা কথায় কথায় ধন্যবাদ ও নমস্কার করিয়া থাকে। গুরু-
জনকে আমাদের মত জানু অবনত করিয়া প্রণাম করিয়া থাকে।
জাপানে মারামারি অথবা ঝগড়া বিরোধ প্রায় দেখা যায় না।
জাপানীভাষায় কুৎসিত গালাগালির প্রতিশব্দ নাই। বিশেষ
রাগের কারণ হইলে লোকে “বাকা” অর্থাৎ বোকা বলিয়া গালি
দিয়া থাকে। এখানে গৃহাভ্যন্তরে চর্মপাছকা লইয়া যাওয়া
বিশেষ নিষিদ্ধ, এইজন্ত অনেকেই বস্ত্রপাছকা ব্যবহার করে।

জাপানে “সাতজুমা” অর্থাৎ মল্ল উপাধিধারী একটা প্রসিদ্ধ

বংশ আছে। ইহারা কুস্তিগীর পালোয়ান ব্যতীত অন্য কোন ব্যক্তিকে কন্যাদান করা ঘৃণার বিষয় মনে করে। ইহারা পুত্র কন্যার জন্মদিনে একটি বৃক্ষ রোপণ করিয়া থাকে, পরে সন্তানের বিবাহের সময়ে সেই বৃক্ষের কিয়দংশ ছেদন করিয়া কোন একটি গৃহসরঞ্জাম প্রস্তুত করে।

জাপানের স্থায় বৈষ্ণবহুল দেশ সমগ্র পৃথিবীমধ্যে কুতূহি দৃষ্ট হয় না। জাপানি-ভাষায় হাতুড়িয়া বৈষ্ণবের নাম “কুইমা”; ইহাদের প্রস্তুত গঞ্জার বটিকা, মহিষমিশ্রণ, ছাগারিষ্ট, হংসরস প্রভৃতি ঔষধ, সর্দিজ্বর ও বিবিধ জটিল রোগে ব্যবহৃত হইয়া থাকে। জাপানী ভৈষজ্যশাস্ত্রে যুগনাভিকেই সর্বশ্রেষ্ঠ ঔষধ বলা হইয়াছে।

জাপানে যে সমস্ত গল্প ও উপকথা প্রচলিত আছে, সেই সকলের মধ্যে ছই চারিটি গল্পের সহিত এ দেশীয় কোন কোন উপকথার অপূর্ব ঐক্যতা পরিলক্ষিত হইয়া থাকে। উদাহরণ স্বরূপ বিহগ-বিহগীর (ব্যাগমাবেগমী) উপাখ্যান ও সাতভাই চম্পার কথা বলা যাইতে পারে। জাপানী উপকথায় দেব দানবের সহিত মানুষের বিবাহ, ব্যাঘ্র শৃগালাদির মানুষের রূপ ধারণ, শিয়াল-ভূত, মন্ত্রবলে মৃতদেহে জীবনসঞ্চারণ প্রভৃতি বহু অনৈসর্গিক কথা শ্রুত হওয়া যায়।

১৮৯৬ খৃঃ ১লা জুন তারিখে জাপান গভর্নমেন্ট যুদ্ধের ক্ষতি-পূরণ স্বরূপ চীনের নিকট হইতে ফরমোসা (তৈবান) ও তৎ-সন্নিহিত ৭৬টা ক্ষুদ্র দ্বীপ গ্রহণ করেন। সেই সময়ে এই দ্বীপের অবস্থা যারপরনাই শোচনীয় ছিল। জাপানের সুরশাসনে ফর-মোসা এক্ষণে দ্বিতীয় জাপানে পরিণত হইয়াছে। বর্তমান সময়ে

এই দ্বীপের লোক সংখ্যা ৩০ লক্ষ ৪০ হাজার হইবে। টেহোকু, ফেলাং, কাগী, হামা প্রভৃতি প্রধান নগরে বহুসংখ্যক বিদ্যালয়, ডাক্তারখানা ও ব্যাঙ্ক প্রভৃতি স্থাপিত আছে। এই দ্বীপে ৫টি রেলপথ আছে, তাহার পরিমাণ ১৫৮ মাইল হইবে। সম্প্রতি ৮২ মাইল প্রস্তুত হইতেছে। এতদ্ভিন্ন ২০০ মাইল পথে ট্রামগাড়ী চলিতেছে। টেলিগ্রাফের দৈর্ঘ্য ২০০০ মাইল হইবে। সমগ্র দ্বীপে ১০৯টি ডাকঘর আছে। এখান হইতে প্রচুর পরিমাণে আফিং, লবণ, কর্পূর, চিনি, চাউল, কাচ, কাগজ ও কয়লা পৃথিবীর নানাস্থানে রপ্তানি হইয়া থাকে। ইহার মধ্যে প্রথম দ্রব্য তিনটিতে গভর্ণমেন্টের একচেটিয়া আছে। এখানেও জাপানের শ্রায় ডাক্তারের বিনামূল্যে অহিফেন সেবন করিলে দণ্ডনীয় হইতে হয়।

বর্তমান বর্ষে জাপান গভর্ণমেন্ট ফরাবীর নিকট হইতে আলাস্কার নিকটবর্তী সেন্ট পিটার ও অপার একটা ক্ষুদ্রদ্বীপ ক্রয় করিয়া লইয়াছেন। ইহাতে আমেরিকায় জাপানের প্রথম অধিকার স্থাপিত হইল। এইরূপ জনরব যে, ফিলিপাইন ক্রয় সম্বন্ধে মার্কিন রাজ্যের সহিত জাপানীদিগের কথাবার্তা হইতেছিল, কিন্তু উভয় রাজ্যের সহিত গুরুতর মনোমালিন্য ঘটায় সে প্রস্তাব স্থগিত রহিয়াছে।

রুশ ও জাপান যুদ্ধের ইতিহাস ।

চীনের বক্‌সার বিদ্রোহ প্রশমিত হইলে, মার্কিন, জাপান ও ইয়ুরোপীয় শক্তিগণ সকলে সমবেত হইয়া অঙ্গীকার করেন যে;— আমরা বিবিধ ক্ষতিপূরণের জন্য চীন গভর্নমেন্টের নিকট হইতে এক শতকোটি টাকা গ্রহণ করিব; কিন্তু চীন-সাম্রাজ্য অক্ষুণ্ণ রাখিব । সম্মিলিত সৈন্যগণ চীনের যে সমস্ত দুর্গ ও নগরাদি অধিকার করিয়াছে, তথা হইতে ক্রমে ক্রমে সৈন্ত সামস্ত উঠাইয়া লইব ।

অন্যান্য শক্তিপুঞ্জ স্ব স্ব প্রতিজ্ঞানুসারে চীনরাজ্য পরিত্যাগ-পূর্বক স্ব স্ব স্থানে প্রস্থান করিলেন, কিন্তু রুশ মাঞ্চুরিয়া পরিত্যাগ করিলেন না । শক্তিনিচয়ের পুনঃ পুনঃ অনুরোধ ও ভয় প্রদর্শন স্বত্ত্বেও তিনি আজি নয় কালি, এমাসে নয় পরমাসে ইত্যাদি বিবিধ রাজনৈতিক ছল আরম্ভ করিয়া কালবিলম্ব করিতে আরম্ভ করিলেন । কিছুদিন পরে মাঞ্চুরিয়া পরিত্যাগ করা দূরে থাকুক, রুশ গভর্নমেন্ট কোরিয়া রাজ্যের উপরে স্বীয় লোলুপ দৃষ্টি নিক্ষেপ করিতে আরম্ভ করিলেন । দেখিতে দেখিতে আলু নদীর তীর-বর্তী অরণ্যে কাষ্ঠছেদনের অধিকারপত্র সংগৃহীত হইল, কোরিয়ার উইজু বন্দর রুশ বন্দরে পরিণত হইল ।

রুশের এই সকল ছরভিসন্ধি দর্শনে জাপান গভর্নমেন্ট স্বভাব-তঃই উত্তেজিত হইয়া উঠিলেন । জাপান মনে করিলেন, রুশ ত মাঞ্চুরিয়া পরিত্যাগ করিবেই না ; তাহার উপরে যদি কোরিয়া

রাজ্য গ্রাস করিয়া বসে, তাহা হইলে কয়েক বৎসরের মধ্যে আমারও স্বাধীনতা-গৌরব বিলুপ্ত হইয়া যাইবে। অদ্য ১৮০০ শত বৎসর ধরিয়া যে কোরিয়ার উপরে আমার অথও আধিপত্য বিদ্যমান রহিয়াছে, যাহার উপরে জাপানবাসীর জীবন মরণ নির্ভর করিতেছে, সেই কোরিয়া রাজ্য কখনও রুশিয়ার করালগ্রাসে পতিত হইতে দিব না। তাহার স্থির করিলেন, যদি ছরাকাজি রুশ, ন্যায়, ধর্ম ও যুক্তির মস্তকে পদাঘাত পূর্বক পররাজ্য গ্রাস করিতে প্রবৃত্ত হয়, তাহা হইলে আমরা “নিপনের” আজন্মস্বাধীনতাগৌরব রক্ষার জন্ত ঈশ্বরের মহামহিমামণ্ডিত নাম স্মরণ করিয়া ধর্মযুদ্ধে অগ্রসর হইব।

গত ১৯০৩ অব্দের ২৩শে জুন তারিখে টোকিওর মন্ত্রণামন্দিরে রুশদূত ব্যারন রোসেনের সহিত জাপানের পররাষ্ট্র সচিব ব্যারন কমুরা মহাশয়ের প্রবল বাক্‌যুদ্ধ উপস্থিত হয়। সপ্তমাস ব্যাপী তর্ক বিতর্কের পর খ্রীষ্টধর্মপরায়ণ জার মহোদয় প্রকাশ করিলেন যে ;—মানচুরিয়া সম্বন্ধে আমি জাপানের কোন কথা শুনিব না। কোরিয়ার ৬ অংশ নিরপেক্ষ থাকিবে, অবশিষ্টাংশে রুশাধিকার বিস্তৃত হইবে। ২২শে ডিসেম্বর তারিখে জাপান উত্তর দিলেন :—না, তাহা হইবে না। রুশকে কোন নির্দিষ্ট সময়ের মধ্যে মানচুরিয়া পরিত্যাগ করিতে হইবে। কোরিয়ায় জাপানের ক্ষমতা অক্ষুণ্ণ থাকিবে। ৬ই জানুয়ারি তারিখে রুশ রাজনৈতিক ভাষায় মানচুরিয়ায় জাপানের স্বত্ব স্বীকার করিলেন, কিন্তু কোরিয়া সম্বন্ধে নিজাভিপ্রায় পূর্বমত বলবৎ রাখিলেন। ১৩ই জানুয়ারি তারিখে জাপান আপনার শেষ অভিপ্রায় ব্যক্ত করিয়া কহিলেন, মানচুরিয়ায় বাহাতে সমস্ত জাতিই স্বাধীনভাবে বাণিজ্য করিতে

পারে তাহার ব্যবস্থা করিতে হইবে; কোরিয়ায় জাপানের প্রভুত্ব ও বাণিজ্যাধিকার অব্যাহত থাকিবে। ইহার পরে দ্বাবিংশতি দিবস অতিবাহিত হইল, তথাপিও রুশ গভর্নমেন্ট কোন উত্তর প্রদান করিলেন না। এই ঘটনায় জাপানের মনে রুশের ছরভি-সন্ধি সম্বন্ধে গভীর সন্দেহের উদয় হইল। অতঃপর তাঁহারা আর কালবিলম্ব অনুচিত মনে করিয়া, ৬ই ফেব্রুয়ারি তারিখে রুশিয়ার সহিত সমস্ত রাজনৈতিক সম্বন্ধ বিচ্ছিন্ন করিয়া ফেলিলেন।

এইরূপে রুশের চাতুর্য্য, স্বার্থপরতা, ছরাকাজ্জা ও পররাজ্য-গ্রাসম্পৃহার বিষময়ফলে সুদূর প্রাচ্য ভূখণ্ডে লোক-ভয়ঙ্কর ভীষণ সমরানল প্রজ্জ্বলিত হইয়া উঠিল।

জলযুদ্ধ ।

গত ১৯০৪ অব্দের ৮ই ফেব্রুয়ারি তারিখে রাত্রি দ্বিপ্রহরের সময়ে রুশ জাপানে প্রকৃত যুদ্ধারম্ভ হয়। তদবধি সন্ধিপত্র স্বাক্ষর পর্য্যন্ত সমুদ্রবক্ষে যতগুলি ভীষণ যুদ্ধ সংঘটিত হইয়াছে, তাহার প্রত্যেকটীতেই জয়লক্ষ্মী জাপানের প্রতি অনুকম্পা প্রদর্শন করিয়াছেন। এই কালসমরে রুশিয়ার জলবল সম্পূর্ণ নিশ্চূর্ণ হইয়া গিয়াছে। রুশের কি সর্বনাশ হইয়াছে, তাহা নিম্ন প্রদর্শিত তালিকা পাঠ করিলে সহজেই হৃদয়গম্য হইবে।

যুদ্ধের পূর্ব দিবস পর্য্যন্ত সুদূর প্রশান্ত মহাসাগরে রুশিয়ার এই কয়েকখানি রণতরি বিদ্যমান ছিল,—

অর্থার বন্দরে (যুদ্ধজাহাজ) জারউইচ্ B, রেট্ভিসান C, সিবাষ্টপোল G, পোলটাভা G, পারচ্ভিট G, পোবিডা, G, পেট্র পেবলস্কি A।

(লৌহমণ্ডিত রণতরি) বেয়ান E ।

(রক্ষিত রণতরি) আঙ্কল্ড C, নভিক E, ডিয়ানা D, পালাডা G, বেরিন E ।

কোরিয়ার উপকূলে ;—(রক্ষিত রণতরি) ভেরিয়াগ E, কোরিজ E ।

ভ্যালাডিভোষ্টক বন্দরে (লৌহমণ্ডিত রণতরি) গ্রোমোবিয়া রসিয়া F, রুরিক E, বগাটির F ।

উপরোক্ত প্রথমশ্রেণীর রণতরিসমষ্টির মধ্যে A চিহ্নিত জাহাজ খানি জাপানের আগ্নেয়বস্ত্রে পড়িয়া ৭০০ সৈন্য ও প্রচুর যুদ্ধোপকরণসহ সাগরগর্ভে প্রবিষ্ট হইয়াছে। এই জাহাজে সুপ্রসিদ্ধ নৌ-সেনাপতি ম্যাকারফ্ ও জগদ্বিখ্যাত চিত্রকর ভেরেট-সাগীন অবস্থিত ছিলেন।

B চিহ্নিত জাহাজখানি চীনের কিয়াচিউ বন্দরের সন্নিকটে জলমগ্ন হয়। ইহাতে সেনাপতি উইটগার্ট, দুইশতাধিক সৈন্যসহ মৃত্যু মুখে পতিত হইয়াছিলেন।

C চিহ্নিত অঙ্কল্ড চীনের উসাং বন্দরে ভগ্নাবস্থায় বন্দী হয়।

D চিহ্নিতখানি ফরাসী অধিকৃত সৈগন বন্দরে বন্দী হয়।

E চিহ্নিত রণতরি ছয়খানি জাপানের গোলা ও টর্পেডোর আঘাতে প্রচুর সৈন্য ও যুদ্ধোপকরণ সহ সাগরসলিলে নিমগ্ন হয়।

F চিহ্নিত তরণীদ্বয় দ্রুত পলায়নকালে সমুদ্রমধ্যস্থ পর্বত চূড়ায় আহত হইয়া জলমগ্ন হয়।

G চিহ্নিত প্রথম শ্রেণীর রণতরি ছয়খানি আর্থার বন্দরে জলমগ্ন হইয়া জাপানিদিগের হস্তে পতিত হয়।

এতদ্ভিন্ন এনিসি, ষ্টিরিগাছি, বুন, রেড্‌ফনি প্রভৃতি অনেক-
গুলি কামানবাহী ও টর্পেডো ধ্বংসিণীতরণী বিনষ্ট ও নিরপেক্ষ
বন্দরে বন্দী হয়। রেসিটেলনো, মঙ্গোলিয়া প্রভৃতি কয়েকখানি
জাপানীরা কাড়িয়া লয়।

উপরোক্ত রণতরি সকলের মূল্য ত্রিংশতি কোটি টাকার ন্যূন
হইবে না।

এই যুদ্ধে জাপানের হ্যাটসুজী নামী যুদ্ধজাহাজ, যশিনো
নামী রক্ষিত রণতরি ও কয়েকখানি টর্পেডো বোট জলমগ্ন
হইয়াছিল।

স্থলযুদ্ধ।

রুষজাপান সমরে যতগুলি উল্লেখযোগ্য যুদ্ধ সংঘটিত হইয়াছে,
তাহার সকলগুলিতেই জয়লক্ষ্মী রুষিয়ার প্রতি কার্পণ্য প্রকাশ
করিয়াছেন। কি আলুতীরে, কি ছুরারোহ স্থান্‌মান পর্বতে, কি
ওয়েফ্যানকু প্রান্তরে, কি সুরক্ষিত কেইপিং নগরে, কি ছুর্গম
মটিয়েন গিরিপ্রদেশে, কি ট্যাসিচিও ক্ষেত্রে, সর্বস্থানেই রুষ মৈত্র
পরাজিত ও বিতাড়িত হইয়াছে। দ্রুত পলায়ন ব্যপদেশে রুষ
সেনাপতির প্রতियুদ্ধেই বহু সংখ্যক কামান, বহু সহস্র বন্দুক,
প্রচুর যুদ্ধোপকরণ ও বহু পরিমাণ খাদ্যাদি পরিত্যাগ পূর্বক
সগোরবে পলায়ন করিতে বাধ্য হইয়াছেন। রুষ সেনানী ও
মৈনিকগণ প্রকৃত বীরের স্থায় প্রাণপণে যুদ্ধ করিয়াও এই ছয়টি
যুদ্ধ ক্ষেত্রের কোন স্থলেই সফলকাম হইতে পারেন নাই। তাঁহারা
প্রতি যুদ্ধেই জীবনে উপেক্ষা, অপূর্ব বুদ্ধিমত্তা ও বীরত্বের পরকাষ্ঠা
প্রদর্শন করিয়াও নিষ্ঠুর অদৃষ্ট দেবীর চিত্ত বিনোদনে সমর্থ হইয়েন
নাই।

সপ্তম যুদ্ধ পৃথিবীর সমরেতিহাসে লেয়ং যুদ্ধ নামে অভিহিত হইয়াছে । ইহাই বিংশ শতাব্দীর সর্বপ্রথম প্রধান যুদ্ধ । রুষ সেনাপতি কুরোপাটকিন, সার্কি দ্বিলক্ষ প্রথম শ্রেণীর সৈন্য ও ষষ্ঠ শতাধিক কামান লইয়া লেয়ং নগরে অবস্থিতি করিতে ছিলেন । নদী, পর্বত, প্রাচীর ও পরিখা প্রভৃতিতে এই নগরী স্বভাবতঃই দুর্ভেদ্য ও দুর্জয় ছিল, তাহার উপরে রুষদিগের ষষ্ঠ মাসব্যাপী বিপুল অধ্যবসায় ও অসামান্য চেষ্টায় লেয়ং নগরী একটা অজেয় দুর্গে পরিণত হইয়াছিল । ফগতঃ মহাযুদ্ধ হইবার আশঙ্কায় কুরোপাটকিন তাঁহার অবস্থান সুরক্ষিত করা সম্বন্ধে কোন অংশই অসম্পূর্ণ রাখেন নাই ।

হায় ! তথাপিও তাঁহাকে ভীষণ পরাজয় সহ করিতে হইয়াছিল ; তথাপিও তাঁহাকে লজ্জারক্ত বদনে পৃষ্ঠ প্রদর্শন করিয়া আত্মরক্ষা করিতে হইয়াছিল । আমেরিকা, জাপান ও বিলাতী পত্র সম্পাদকেরা কুরোপাটকিনের এই অদ্ভুত পলায়ন বর্ণনায় সহস্রমুখ হইলেও, ফরাসী, জার্মান ও রুষ পত্র-সম্পাদকেরা অণু-মাত্র আনন্দ প্রকাশ করেন নাই । এই পৃষ্ঠপ্রদর্শন ব্যাপারে রুষ জনসাধারণ কোনরূপ আনন্দ করিবার অবসর পায় নাই ; জার মহোদয় ও মন্ত্রিগণের পরাজয়মলিনবদনমণ্ডলে কোনরূপ আনন্দ চিহ্ন প্রকটিত হয় নাই । যে দান্তিক সেনাপতি তিনলক্ষ মাত্র সৈন্য লইয়া যুদ্ধান্তের ছয় মাস মধ্যেই টোকিওর নন্দন কাননে প্রবেশ করিতে বাসনা করিয়াছিলেন, তাঁহার অপূর্ব বীরত্ব পুনঃ পুনঃ পলায়ন কোণলে পর্য্যবসিত হইতে দেখিয়া আমরাও আনন্দ লাভ করিতে পারি নাই । এই যুদ্ধের ভয়াবহ ফলে বিচলিত হইয়া, কুরোপাটকিনকে পরোক্ষে তিরস্কার করিবার ব্যপদেশে

জার মহোদয় সেনাপতি গ্রিপেনবার্গকে স্বাধীন ক্ষমতা প্রদান করিয়া মাঞ্চুরিয়ার দ্বিতীয় সেনাপতি পদে নিযুক্ত করিয়াছিলেন ।

রুষ পক্ষের হিসাবে লেয়ং যুদ্ধে প্রায় ৩০ হাজার রুষ সৈন্য হতাহত হয় । জাপানের হতাহতের সংখ্যা চল্লিশ সহস্রের ন্যূন হইবে না । এই যুদ্ধে ১৩ জন রুষ সৈন্য ও ৩০টা যুদ্ধাশ্ব জাপানের বন্দী হয় । এতদ্ব্যতীত ৪০০০ বন্দুক, ১৬ লক্ষ টোটা, ১০ হাজার শেলগোলা, ১২ শত শকট, ১৬ হাজার খনন যন্ত্র, ৫৬০০ লাঙ্গল, ২৫০০ কুঠার, ৬৪০০ জামা, ১৯ হাজার টিন মাংস ও প্রচুর রেল-সরঞ্জাম জাপানের হস্তগত হয় ।

অষ্টম যুদ্ধ “সা” নদীর তীরদেশে সংঘটিত হওয়ায় সা-হো-যুদ্ধ নামে প্রসিদ্ধ হইয়াছে । এই যুদ্ধে সেনাপতি কুরোপাটকিন তিন লক্ষ সৈন্য লইয়া বিপুল বিক্রমে জাপানবাহিনীকে আক্রমণ করিয়া ভীষণ পরাজয় সহ করেন । ইতিপূর্বে কোন যুদ্ধেও রুষের এরূপ পরাজয় হয় নাই । ইয়ুরোপের সর্বশ্রেষ্ঠ সেনাপতি সাহো যুদ্ধের ভীষণ পরিণাম দৃষ্টি করিয়া পূর্ব্যভ্যাস কোশল অবলম্বন পূর্বক নিজ গৌরব রক্ষা করেন । এই যুদ্ধে ৭০৯ জন রুষ সৈন্য জাপানের বন্দী হয় । সমরক্ষেত্রে জাপানী শববাহকেরা পঞ্চদশ সহস্র মৃত রুষসৈন্যের অস্ত্যোষ্টিক্রিয়া সম্পাদন করে । এতদ্ব্যতীত ৪৫টা কামান, ৫৪০০ বন্দুক, ৭৮ হাজার টোটা ও ৭ হাজার বড় গোলা বিজয়ী জাপানিগণের হস্তগত হয় । অনেকের অনুমান এই যুদ্ধে এক লক্ষ রুষ সৈন্য হতাহত হইয়াছিল ।

সাহো যুদ্ধে জাপানী সৈন্যেরও সামান্য ক্ষতি হয় নাই । এই যুদ্ধে ৩০ হাজার জাপানী সৈন্য হতাহত ও ১২টা কামান রুষের অধিকৃত হইয়াছিল ।

নবম যুদ্ধ ২য় সাহোয়ুদ্ধ বা হিকগটাইয়ের যুদ্ধ নামে অভিহিত হইয়াছে । গত পূর্ব ২৫শে জানুয়ারি দ্বিতীয় রুষ সেনাপতি গ্রিপেনবার্গ বিপুল সৈন্য লইয়া অতর্কিতভাবে জাপানবাহিনীর বামভাগ আক্রমণ করেন । প্রথম চারি দিবসের যুদ্ধ দর্শনে অনেকেই ধারণা হইয়াছিল যে, বুঝি এতদিনে জয়লক্ষ্মী রুষের প্রতি অমুকূলা হইলেন । কিন্তু তাহা হইল না, রুষিয়ার দক্ষ অদৃষ্টে সে শুভ মুহূর্ত্ত আসিয়াও আসিল না । সেনাপতি ওয়ামার অপূর্ব নেতৃত্ব কৌশলে চতুর্থ রজনীতে যুদ্ধের গতি সম্পূর্ণ নূতনাকার ধারণ করিল, তাহার ফলে প্রভাতের পূর্বেই রুষের পূর্ণ পরাজয় হইল ।

এইরূপ প্রকাশ, এই যুদ্ধে ৩৬ সহস্র রুষসৈন্য ও সাত সহস্র জাপানী সৈন্য হতাহত হইয়াছিল ।

পরাজয়ের হেতু নির্দেশ করিতে যাইয়া গ্রিপেনবার্গ বলিয়াছেন ;—কুরোপাটকিন যথা সময়ে সৈন্য সাহায্য করিলে, তাঁহাকে এরূপ পরাজয় সহ করিতে হইত না । কুরোপাটকিন বলেন, গ্রিপেনবার্গ তাঁহার সহিত কোনরূপ পরামর্শ না করিয়া মহাযুদ্ধ সংঘটনপূর্বক ভীষণ পরাজয় সহ করিয়াছিলেন ।

আর্থার বন্দর অধিকার পৃথিবীর সমর ইতিহাসে এক অপূর্ব কীর্তি । জাপানীরা ২৩৩ দিনব্যাপী অবরোধ করিয়া, বহু সৈন্য উৎসর্গ করিয়া ১৯০৫ খৃঃ ১লা জানুয়ারি তারিখে অজ্ঞেয় আর্থার জর্গে মিকাদোর সূর্য্যাস্কিত বিজয় বৈজয়ন্তী উড্ডীন করিতে সমর্থ হয় । এই বন্দর অধিকার করিতে জাপানীরা যে অসাধারণ সহিষ্ণুতা, বিপুল অধ্যবসায় ও অদ্ভূত শৌর্য্য প্রদর্শন করিয়াছে, জগতের ইতিহাসে তাহার তুলনা নাই ।

রুষ সেনাপতি মহাবীর ষ্টোসেল প্রতিজ্ঞাপূর্বক বলিয়াছিলেন ,

একজন মাত্র রুষসৈন্য জীবিত থাকিতে, রুষের ধমনীতে বিন্দুমাত্র শোণিত থাকিতে আমি আত্মসমর্পণ করিব না।” অবশেষে সেই কঠোর কস্মা সেনাপতি নিরুপায় হইয়া, দুঃখে, ক্ষোভে, অভিমানে জাপান সেনাপতিকে বলিয়াছিলেন,—“নগী ! আর নয়, আমরা আত্মসমর্পণ করিতেছি।”

১৯০৫ খৃঃ ১লা জানুয়ারি তারিখে আর্থার বন্দরস্থিত কি সেনা, কি সামরিক কর্মচারী সকলেই জাপানের নিকটে আত্ম-সমর্পণ করেন। ইহাতে বন্দরের সমস্ত দুর্গ, গোলাগুলি, বারুদ, বন্দুক, কামান, রণতরি ও বিবিধ বাণিজ্যজাহাজনিচয় জাপান গভর্নমেন্টের হস্তগত হয়। দশ বৎসর পূর্বে রুষ যে সম্পত্তি অমানবদনে জাপানের নিকট হইতে কাড়িয়া লইয়াছিল, জাপান সেনাপতি নগী কেবলমাত্র জাপানী সেনার সাহায্যে সেই সম্পত্তি পুনরুদ্ধার করিয়াছেন। কেন জাপানের যশোনিলাদে দিগ্বিদুল প্রতিধ্বনিত হইবে না ?

রুষ কর্মচারিগণ দুর্গরক্ষায় বিশেষ বীরত্ব প্রকাশ করায়, জাপান সেনাপতি প্রস্তাব করেন, যে সমস্ত রুষ কর্মচারী শপথ করিয়া বলিবেন, “আর কখনও জাপানের বিরুদ্ধে যুদ্ধ করিব না” তাঁহারা রুষিয়ায় প্রত্যাবর্তন করিতে অধিকার পাইবেন। এই রূপ শপথ করিয়া মহাবীর ষ্টোশেল, ৪৪১ জন কর্মচারী ও ২২৯ আরদালীসহ মুক্তিলাভ করিয়াছিলেন। অবশিষ্ট ৪৩১ জন কর্মচারী ও ২০৪২ জন সৈনিক বন্দী হইয়া জাপানে প্রেরিত হয়।

সৈন্য ও কর্মচারী ব্যতীত, বিজয়ী জাপান সেনাপতি আর্থার বন্দরে ৫৯টা স্থায়ী দুর্গ, ৫৪৬টা কামান, ৩৫ হাজার বন্দুক, ৮২ হাজার শেলগোলা, ১২ লক্ষ মণ কয়লা, ৪ খানি যুদ্ধ জাহাজ,

২খানি লৌহমণ্ডিত রণতরী, ১৪ খানি টর্পেডো তরণী, ১০ খানি বাণিজ্য জাহাজ, ৩৫ খানি কলের জাহাজ ও প্রচুর রেল সরঞ্জাম প্রাপ্ত হইয়াছিলেন ।

দশম যুদ্ধ মুকদেন যুদ্ধ নামে প্রসিদ্ধ হইয়াছে । এই মহাযুদ্ধে জাপানের সুসস্তান মার্শাল ওয়ামা যে অপূর্ব কৃতিত্ব ও অসাধারণ রণচাতুর্যের পরিচয় প্রদান করিয়াছিলেন, পৃথিবীর সমরেতিহাসে তাহার তুলনা নাই । আজি জাপান সৈনিকের অনন্তসাধারণ শৌর্য্য-বীর্য্য দর্শন করিয়া, আমেরিকা স্তম্ভিত, ইউরোপ ভীত, এশিয়া পরমানন্দে বিমোহিত । প্রশান্ত মহাসাগরে রুষের জলবল পূর্বেই নিশ্চূল হইয়া যায়, তাহার পরে মানচুরিয়ার বিস্তৃত সমর-প্রাঙ্গনে স্থলবলও একরূপ ধ্বংস হইয়া গেল । বছর্বর্ষ ধরিয়া, বহু কোটি মুদ্রা ব্যয় করিয়া, রুশ সমগ্র এশিয়ায় একাধিপত্য বিস্তারের যে কল্পনা করিতেছিলেন, আজি জাপানের প্রচণ্ড বিক্রমে সে কল্পনাজাল সহসা ছিন্ন হইয়া গিয়াছে । হায় ! অদৃষ্টের কি কঠোর উপহাস !

আর ইউরোপের সর্বশ্রেষ্ঠ সেনাপতি মহাবীর কুরোপাটকিন ! যিনি একদা টোকিওর নন্দন কাননে দৈত্যপতির গ্নায় বিচরণ করিতে বাসনা করিয়াছিলেন, মুকদেন যুদ্ধে তাঁহার সমস্ত আশাভরসা, তেজ, গর্ব্ব বিনষ্ট হইয়া গেল । এই মহাযুদ্ধের ভয়াবহ ফলে বিচলিত হইয়া, জার মহোদয় সেনাপতি লিনিভিচকে মানচুরিয়ার প্রধান সেনাপতিপদে নিযুক্ত করেন । হায় ! নিষ্ঠুর অদৃষ্ট । রুশপক্ষ হইতে প্রকাশ, সাহো মুকদেন যুদ্ধে প্রায় দুই লক্ষ রুশ সৈন্য হত, আহত ও বন্দী হইয়াছে এবং প্রায় ৫০০ শত কামান জাপানের হস্তগত হইয়াছে ।

এইরূপ প্রকাশ, এই যুদ্ধে যে সমস্ত সমরোপকরণ ও রসদাদি জাপানের হস্তগত হইয়াছে, তাহার কিয়দংশ শকটপূর্ণ হইয়া স্থানান্তরে প্রেরণ কালে ১২ মাইল পথ আচ্ছন্ন হইয়াছিল ।

মার্শাল ওয়ামার রিপোর্টে প্রকাশ, এই মহাসমরে জাপানের হতাহতের সংখ্যা প্রায় ৫০ হাজার হইয়াছিল ।

মুকদেন যুদ্ধের পরে, টিলিং, সিংহিং প্রভৃতি স্থানে যে সকল যুদ্ধ হইয়াছিল তাহার সকল গুলিতেই রুষিয়ার শোচনীয় পরাজয় হয় । পৃথিবীর সমরেতিহাসে এরূপ ধারাবাহিক পরাজয়ের কথা শ্রুত হওয়া যায় নাই ।

বাল্টিক নৌ-বাহিনীর পরিণাম ।

জাপানিদিগকে উপযুক্ত জয়লাভ করিতে দেখিয়া রুষ সম্রাট এডমিরাল রোজ্‌ডেজ্‌ভেনস্কির অধীনে বাল্টিক সাগরস্থিত নৌ-বাহিনীকে সুসজ্জিত করিয়া জাপানযুদ্ধে প্রেরণ করেন । এই বিপুল-বাহিনী যখন ইংরেজের কয়েকখানি ক্ষুদ্র ক্ষুদ্র অর্ধ-পোত বিনষ্ট করিয়া আটলাণ্টিকবক্ষঃ আলোড়িত করিতে করিতে প্রাচ্য সমুদ্রাভিমুখে ধাবিত হইল, তখন অনেকেই জাপানের পরিণাম ভাবিয়া আকুল হইয়াছিলেন । এই সময়ে জার্মানি, ফরাসী প্রভৃতি নিরপেক্ষ শক্তিপুঞ্জেরা বিবিধ উপায়ে রুষিয়ার সাহায্য করিয়া-ছিলেন । অধিক কি, ইংরেজ বণিকেরা পর্যন্ত প্রকারান্তরে এই বিরাটবাহিনীর আবশ্যকীয় ইন্ধনাদি সংগ্রহে সহায়তা করিয়া-ছিলেন । এই সমস্ত ঘটনায়, বিশেষতঃ যখন রুষবাহিনী চীন-সাগর অতিক্রম করিয়া জাপানের নিকট দিয়া উত্তরাভিমুখে অগ্রসর হইল, অথচ জাপানী নৌ-সেনাপতি টেগো শত্রুর গতি-

রোধ জন্ত কোন প্রকার চেষ্টা করিলেন না, তখন জাপানের জয় সম্বন্ধে সকলেরই অন্তঃকরণে দারুণ সন্দেহ উপস্থিত হইল ! কিন্তু হায় ! এত চেষ্টা ও আড়ম্বর স্বত্বেও রুশিয়ার দক্ষাদৃষ্টে পুনরায় দারুণ পরাজয় ঘটিল, জগতে পুনরায় অধর্মের পরাজয় ও ধর্মের জয় বিঘোষিত হইল ।

জাপান ও কোরিয়া প্রায়দ্বীপের মধ্যে কোরিয়া প্রণালী অবস্থিত । গত ১৯০৫ অব্দের ২৭মে মে শনিবার তারিখে রুশ নৌ-বাহিনী চারিভাগে বিভক্ত হইয়া এই প্রণালীতে প্রবিষ্ট হইয়া-মাত্র জাপানী নৌ-বাহিনী কর্তৃক আক্রান্ত হয় । শনিবার প্রাতঃ-কাল হইতে আরম্ভ হইয়া সোমবার প্রাতঃকাল পর্য্যন্ত যুদ্ধ হইয়া-ছিল । প্রথম দ্বাদশ ঘণ্টার মধ্যেই রুশবাহিনী বিধ্বস্ত হইয়া ইতস্ততঃ পলায়ন করিতে আরম্ভ করে । পরে নৈশযুদ্ধে জাপানের টর্পেডোর আঘাতে তাহাদের শোচনীয় সর্বনাশ সাধিত হয় । যতক্ষণ পর্য্যন্ত শত্রুপক্ষ সম্পূর্ণ পরাস্ত না হইয়াছিল, ততক্ষণ জাপানী সৈন্তেরা বিন্দুমাত্র শৈথিল্য প্রকাশ করে নাই ।

এই কালসমরে রুশপক্ষের রিয়াজসুভায়ফ, আলেকজেণ্ডার, বোরিডিনো, ডিমিট্রি, নাচিমহফ, ভ্যালাডিমির, মনোমাক, জাম-যুগ, উবাহফ, অসলিয়া, নাভারিগ, আলমাজ প্রভৃতি রণপোতগুলি কোরিয়া প্রণালীস্থিত সুসীমা দ্বীপের নিকটে জলমগ্ন হয় । নিকো-লাস, ওরেল, আপ্রাকসিন, সেনিয়াভিন ও চিভোডি এই পাঁচখানি রণতরি বিজয়ী জাপানিদিগের হস্তগত হয় ।

এই সমস্ত রণতরিগুলির মূল্য বিংশতি কোটি টাকার ন্যূন হইবে না ।

এই মহাযুদ্ধে জাপানীপক্ষের তিনখানি টর্পেডো তরগী বিনষ্ট

ও ৪০০ লোক হতাহত হয় । এইরূপ প্রকাশ যে যুদ্ধ পরিচালন কালে সেনাপতি টেগো ও এডমিরাল যিশু সামাগু আঘাত প্রাপ্ত হইয়াছিলেন ।

এই যুদ্ধে ৫৫০০ শত রুশসেনার সহিত প্রধান সেনাপতি রোজডেজভেনস্কি, নেবোগেটফ্, ফোকরসাম ও বোটোভোস্কি জাপানের বন্দী হন ।

অতিদর্পে লঙ্কেশ্বর রাবণ বিনষ্ট হইয়াছিলেন, অতিশয় অভি-
মানে কুরুপতি ছর্ঘ্যোধনের সর্বনাশ হইয়াছিল, আর অতিলোভে
রুশ সম্রাট নিকোলাস হতমান, নষ্টগৌরব ও ভগ্নমনোরথ হই-
লেন । অর্ধ ইউরোপ ও অর্ধ এশিয়া যাহার পদানত এই যুদ্ধ
ফলে সেই রুশসম্রাটকে জাপানের ইচ্ছানুসারে সন্ধিপত্রে স্বাক্ষর
করিতে হইল । ধনবল, বাহুবল, লোকবলের অপেক্ষা যে ধর্ম্মবল
কত শ্রেষ্ঠ তাহা তিনি জানিতেন না । অর্ধ পৃথিবীর অপ্রিয়
অধীশ্বরের অপেক্ষা ক্ষুদ্রদ্বীপের প্রিয় সম্রাট যে কত শক্তিশালী,
জার মহোদয় এই যুদ্ধে তাহা সম্যক্ হৃদয়ঙ্গম করিতে সমর্থ
হইয়াছেন ।

জাপানের এই অশ্রুতপূর্ব জয়লাভে আজ আমরা আনন্দিত ;
কোন্ প্রাচ্যজাতি প্রাচ্যজাতির জয়লাভে আনন্দ ও গর্ব্ব অনুভব
না করিবে ? জাপান গত মহাযুদ্ধে পাশ্চাত্য মোহ-জাল ছিন্ন
করিয়া প্রাচ্যজগতের মুখোজ্জ্বল করিয়াছে । সেই জন্তই আমাদের
আনন্দ । কিন্তু প্রবল প্রতাপ রুশ সম্রাটের অবস্থা স্মৃতিপথে
উদিত হইলে আমরা হুঃখে ম্রিয়মাণ হই । ভারতবর্ষের ভীষণ
দুর্ভিক্ষের সময়ে রুশিয়া নানাপ্রকারে আমাদিগকে সাহায্য করিয়া-
ছিল, সুতরাং আমরা রুশিয়ার নিকটও কৃতজ্ঞতাপাশে বদ্ধ । রুশ

সম্রাট নিকোলাস আমাদের ভারত সম্রাট সম্ভ্রম এডোয়ার্ডের নিকট আত্মীয়, সেজন্যও আমরা তাঁহার বিপদে হুঃখিত । কিন্তু তিনি যদি আমাদের বিপদকালে সাহায্য না করিতেন, অথবা তিনি আমাদের রাজরাজেশ্বরের আত্মীয় না হইতেন, তথাপি আমরা তাঁহার এই দুর্দশায় হুঃখিত হইতাম । প্রবল পরাক্রান্ত সম্রাটকে ধূল্যাবলুষ্ঠিত দেখিলে কাহার হৃদয়ে বিষাদের ছায়া পতিত না হয় ? প্রবল ভূমিকম্পে গগনস্পর্শী অট্টালিকা ভূমিশায়ী হইলে কে তাহা অবচলিত চিত্তে দর্শন করিতে পারে ?

* * * * *

গত রুশজাপান যুদ্ধে যে সমস্ত খ্যাতনামা রুশ সেনাপতিগণের দারুণ ভাগ্যবিপর্যয় ঘটিয়াছিল, নিয়ে তাঁহাদের একটি তালিকা প্রদান করা হইল ।

স্থল সেনাপতি ।

(জেনারল উপাধিধারী যে ২৮ জন যুদ্ধক্ষেত্রে অবতীর্ণ হন)

১। ষ্টোশেল ... বন্দী (*)	১০। রট্‌কোভোঙ্কি নিহত
২। গ্রিপেনবার্গ অপমানিত হইয়া প্রত্যাবর্তন ।	১১। স্মারনফ্ ... বন্দী
৩। অরলফ্ ঐ	১২। রেচ্টালিনিঙ্কি ঐ
৪। ট্রুসক্ ঐ	১৩। প্লাগ ঐ
৫। কেলার যুদ্ধক্ষেত্রে নিহত ।	১৪। বিলি ঐ
৬। কোণ্ড্রাচেনকো ঐ	১৫। গোরবাটকোভোঙ্কি ঐ
৭। জারপিট্‌সি ঐ	১৬। নিকিটিন ঐ
৮। রিয়ালিনকিন ঐ	১৭। ফক বন্দী
৯। স্নোলেনস্কি ঐ	১৮। কোণ্ড্রাভিচ সাংঘাতিক আহত ।

(*) রুশ কারাগারে বন্দীরূপে বাস করিতেছেন ।

১৯। কাসাটালিনিঙ্কী আহত।	২৬। লিনিভিচ্ উন্নতিলাভ
২০। মাসুলিচ পদানত।	করিয়া যুদ্ধ শেষ পর্য্যন্ত
২১। ষ্টাকেলবার্গ আহত।	ছিলেন।
২২। রেনেনক্যাম্প ঐ	২৭। কবলারস্ যুদ্ধ শেষ পর্য্যন্ত
২৩। মিচচেন্‌কো ঐ	স্বপদে ছিলেন।
২৪। কুরোপাটকিন্ পদাবনত।	২৮। সাকারফ্ ঐ
২৫। বিলডারিং ঐ	

জল সেনাপতি।

(এডমিরাল উপাধিধারী যে ১৬ জন যুদ্ধে নিযুক্ত হন)

১। এলেকসিফ অপমানিত	৯। রোজডেজভেনস্কি বন্দী
হইয়া প্রত্যাবর্তন।	১০। ফোকেরশাম ঐ
২। ষ্টার্ক ঐ	১১। বোট্টোভোস্কি ঐ
৩। স্কাইডলফ্ ঐ	১২। ম্যাকারফ্ নিহত।
৪। বেজোব্রাজফ ঐ	১৩। নেবোগেটফ্ ঐ
৫। উখ্‌টোমস্কি বন্দী	১৪। মোলাস্ ঐ
৬। উইরেন ঐ	১৫। উইট্‌গেট্ ঐ
৭। লচচিনিঙ্কি ঐ	১৬। জেসুর যুদ্ধ শেষ পর্য্যন্ত
৮। গ্রিগোরিভিচ ঐ	ভ্যালিডিভোষ্টকে ছিলেন।

রুশ জাপান সন্ধি।

বার্ণটক নৌ-বাহিনীর শোচনীয় পরিণাম সন্দর্শন করিয়া আমেরিকার যুক্তরাজ্যের প্রেসিডেন্ট রুজভেল্ট মহোদয় ১৯০৫ অব্দের ৯ই জুন তারিখে যুয়ুৎসু জাতিদ্বয়ের নিকটে সন্ধির প্রস্তাব

করেন। তদনুসারে রুশপক্ষে কাউন্ট ডি-উইটী ও জাপান পক্ষে ব্যারণ কমুরা সন্ধিদূত নিযুক্ত হইয়া আমেরিকার পোর্টস্মাউথ নগরে গমন করেন। ১০ই আগষ্ট তারিখে সন্ধির প্রথম অধিবেশন হয়। প্রায় এক মাসকালব্যাপী প্রবল তর্ক বিতর্কের পরে ৫ই সেপ্টেম্বর তারিখে উভয় পক্ষ সন্ধিপত্রে স্বাক্ষর করিয়া, বিংশ-শতাব্দীর প্রথম যুদ্ধের অবসান করেন।

নিম্নে সন্ধির যাবতীয় স্বত্বগুলি ধারাবাহিকরূপে সঙ্কলিত হইল।

১। যুদ্ধের ক্ষতিপূরণজন্য জাপান গভর্নমেন্ট রুশিয়ার নিকটে অর্থরূপে কিছু গ্রহণ করিবেন না। যে সমস্ত রুশ সৈন্য বন্দী হইয়া জাপানে অবস্থিতি করিতেছে, তাহাদের জন্য যে টাকা ব্যয় হইয়াছে, জাপান তাহা প্রাপ্ত হইবেন।

২। রুশাধিকৃত সাগেলিয়ান দ্বীপ সমান দুই অংশে বিভক্ত করিয়া, তাহার দক্ষিণার্দ্ধ জাপান গ্রহণ করিবেন। এই অর্দ্ধাংশে জাপান গভর্নমেন্ট স্থায়ীভাবে কোন দুর্গাদি নির্মাণ করিবেন না। যেশো ও সাগেলিয়ান দ্বীপের মধ্যবর্তী লাপিরুজ প্রণালী জাপানের অধিকার ভুক্ত হইবে।

৩। লিয়াওটাং উপদ্বীপ, দুর্গাদিসহ আর্থার বন্দর ও ইলিয়ট দ্বীপপুঞ্জ জাপান গভর্নমেন্ট প্রাপ্ত হইবেন।

৪। যুযুৎসু জাতিদ্বয় নির্দিষ্ট সময়ের মধ্যে মানচুরিয়া পরিত্যাগ করিবেন।

৫। স্বরাজ্যে চীন গভর্নমেন্টের একাধিপত্য স্থাপিত হইবে।

৬। চীনরাজ্যে সমস্ত বৈদেশিক শক্তির সমান বাণিজ্যাধিকার থাকিবে।

৭। হার্কিন হইতে আর্থার বন্দর পর্যন্ত রুশিয়ার রেলপথ

জাপান গভর্নমেন্ট প্রাপ্ত হইবেন। ভ্যালাডিভোস্টক রেলপথ
রুশিয়ার অধিকারে থাকিবে।

৮। কোরিয়া রাজ্যের সমস্ত বিভাগে জাপানের অক্ষুণ্ণ
প্রাধান্য প্রতিষ্ঠিত হইবে।

৯। রুশাধিকৃত ভ্যালাডিভোস্টক হইতে বেরিং প্রণালী পর্যন্ত
সাইবেরিয়া প্রদেশের উপকূলে জাপানীরা মৎস্য ধরивার অধিকার
প্রাপ্ত হইবে।

১০। রুশিয়ার যে সমস্ত যুদ্ধ ও বাণিজ্য জাহাজ জাপান
গভর্নমেন্ট ধৃত করিয়াছেন এবং যাহা সমুদ্রে নিমগ্ন রহিয়াছে,
সে সমস্ত জাপান প্রাপ্ত হইবেন।

১১। রুশিয়ার যে সমস্ত যুদ্ধ ও বাণিজ্য জাহাজ নিরপেক্ষ
বন্দরে আত্মসমর্পণ করিয়াছে, সে সমস্ত রুশ গভর্নমেন্ট প্রাপ্ত
হইবেন।

উপরোক্ত সন্ধিপত্রের স্থূলমর্শ্ব প্রকাশ হইবার অব্যবহিত
পরেই সমগ্র সভ্যজগৎব্যাপিয়া মহা ছলস্থল পড়িয়া গিয়াছিল।
“টাইমস্” বলিয়াছিলেন, “জাপানীরা এই সন্ধিতে স্বীকৃত হইয়া
যে ঔদার্য্য, মহানুভবতা ও আত্মসংযমতার পরিচয় প্রদান করি-
য়াছে, তাহা পৃথিবীর ইতিহাসে আর কখন পরিদৃষ্ট হয় নাই।”
“মনিং পোস্টের” মতে “এই মহা ত্যাগস্বীকারে জাপানের বিজয়-
গৌরব শতগুণে বর্দ্ধিত হইয়াছে।” “গ্রাফিক” বলিয়াছিলেন,
“খৃষ্টীয় রাজত্ববর্গের কেহই এরূপ মহত্ব ও উদারতা দেখাইতে
পারেন না।” “ডেলীমেল” লিখিয়াছিলেন, “যুদ্ধকৌশলে জাপানীরা
শ্রেষ্ঠ হইলেও কূটরাজনীতিতে রুশিয়ার সমকক্ষ নহে।” “ষ্টাণ্ডার্ডে”
প্রকাশ, রুশ গভর্নমেন্ট গোপনে জাপানের ক্ষতিপূরণ করিয়াছেন,

কেবল জারের বিশেষ অনুরোধে সন্ধিপত্রে ইহা পরিত্যক্ত হইয়াছে।

জাপানী পত্র সম্পাদকেরা বলিয়াছিলেন, জাপানের জয়ের তুলনায় বর্তমান সন্ধি কিছুই নহে।

আমেরিকা, জারমানি ও প্যারিসের পত্র সম্পাদকেরা একবাক্যে জাপানের মহানুভবতা ও রুশ মন্ত্রিগণের কুটরাজনীতিজ্ঞতার ভূয়সী প্রশংসা করিয়াছিলেন।

রুশপত্র “নভোভ্রিমিয়া” বলিয়াছিলেন, “বর্তমান সন্ধি রুশিয়ার অদৃষ্টে দারুণ বিপদ আনয়ন করিবে।” রুশিয়ার “সুয়েট” লিখিয়াছিলেন, “মাগেলিয়ান দ্বীপের অর্দ্ধাংশ পরিত্যাগের তুলনায় জাপানের ত্যাগস্বীকার কোনক্রমেই গণনীয় হইতে পারে না।” “রাস্” পত্রে প্রকাশ “বর্তমান সন্ধিতে শত্রুপক্ষেরই স্বার্থ অধিক পরিমাণে সংরক্ষিত হইয়াছে।” “নভোস্তীতে” প্রকাশ “এই সন্ধিতে রুশিয়ার পূর্বগৌরব সম্পূর্ণ বিনষ্ট হইয়াছে।”

রুশ জাপান যুদ্ধের সন্ধিপত্র স্বাক্ষরিত হইবার অল্পদিবস পূর্বে (১৯০৫, ১২ই আগষ্ট) ইংরেজ ও জাপানের সহিত একটি চুক্তি হইয়া গিয়াছে। তাহাতে উভয়শক্তি উভয়েরই বিপদে সাহায্য করিতে প্রতিজ্ঞাবদ্ধ হইয়াছেন। চুক্তিপত্র স্বাক্ষরিত হইবার তারিখ হইতে দশ বৎসরের জন্ত এই চুক্তি বলবৎ থাকিবে।

সম্পূর্ণ।



ভারতীয় ইতিহাস সাগর ও পৃথক
১। ভারতীয়

ভারতীয় ইতিহাস সাগর ও পৃথক
১। ভারতীয়

ভারতীয় ইতিহাস সাগর ও পৃথক
১। ভারতীয়

ভারতীয় ইতিহাস সাগর ও পৃথক
১। ভারতীয়

ভারতীয় ইতিহাস সাগর ও পৃথক
১। ভারতীয়

ভারতীয় ইতিহাস সাগর ও পৃথক
১। ভারতীয়

ভারতীয় ইতিহাস সাগর ও পৃথক
১। ভারতীয়

ভারতীয় ইতিহাস সাগর ও পৃথক
১। ভারতীয়

ভারতীয় ইতিহাস সাগর ও পৃথক
১। ভারতীয়

ভারতীয় ইতিহাস সাগর ও পৃথক
১। ভারতীয়

ভারতীয় ইতিহাস সাগর ও পৃথক
১। ভারতীয়

ভারতীয় ইতিহাস সাগর ও পৃথক
১। ভারতীয়



ধর্মশাস্ত্র-শাস্ত্র ও কর্তব্য বিচার ।

দেশবিখ্যাত পণ্ডিত শ্রীযুক্ত বীরেশ্বর পাণ্ডে প্রণীত ।

এরূপ গভীর গবেষণাপূর্ণ ও তর্কশাস্ত্রসম্বিত গ্রন্থ আর
নাই । আধুনিক বিজ্ঞান ও যুক্তির অনুসরণ করিয়া এই
সময়োচিত গ্রন্থ প্রণীত হইয়াছে । মূল্য দেড় টাকা । শ্রীগুরুদাস
চট্টোপাধ্যায়, ২০১ নং কর্ণওয়ালিস স্ট্রীট, কলিকাতা ।

অপূর্ব ভুবন ।

ঘটনার সমুদ্র, রহস্যের আকর, ইন্দ্রজালের লীলাক্ষেত্র,

বঙ্গসাহিত্যে এই শ্রেণীর উপন্যাস এই প্রথম ।

“অপূর্ব ভুবনের” ভাষা, ভাব, ভঙ্গী, চিত্র, চরিত্র, দৃশ্য, সম-
স্তই অপূর্ব । মানুষ যাহা কল্পনায় আনিতে পারে না, পৃথিবীতে
যাহা অসম্ভব, সেই স্বপ্নাতীত ও কল্পনাতীত অসম্ভব ব্যাপার
“অপূর্ব ভুবনে” দেখিতে পাইবেন । বিংশ শতাব্দীর বিজ্ঞান
যাহা অত্মপিও আবিষ্কার করিতে পারে নাই, “অপূর্ব ভুবনে”
বহুবর্ষ পূর্বে তাহা আবিষ্কৃত হইয়াছে । আর সহস্র বর্ষ পরে
আমাদের পৃথিবীতে যাহা হইবে, “অপূর্ব ভুবনে” তাহা প্রকাশিত
হইয়াছে । “অপূর্ব ভুবনের” মনুষ্য, পশু, বৃক্ষ, লতা, আচার
ব্যবহার, রীতিনীতি, ক্রীড়াকৌতুক, শিক্ষা, দীক্ষা, প্রেম, পরিণয়,
বিরহ, মিলন, কিছুই পৃথিবীর নহে । এইরূপ অপূর্ব গ্রন্থ, বঙ্গ
ভাষায় দূরের কথা, পৃথিবীর কোন ভাষাতে অত্মপিও প্রকাশিত
হয় নাই । মূল্য মায় তিঃ পিঃ বার আনা মাত্র । এক প্যাকেটে
৫ খানি “নব্য জাপান” অথবা ৫ খানি “বঙ্গ জাগরণ” গ্রহণ
করিলে কিংবা মোটের উপর পাঁচখানি (ছই রকমে) পুস্তক
লইলে অপূর্ব ভুবন বিনামূল্যে উপহার পাইবেন ।

বঙ্গ জাগরণ ও স্বদেশের নানাকথা ।

স্বদেশী আন্দোলনের এরূপ উৎকৃষ্ট ইতিহাস বাঙ্গালা ভাষায় অত্য়পিও প্রকাশিত হয় নাই । ইহাতে আমাদের অবস্থা, বাঙ্গা-
লার প্রত্নতত্ত্ব, বাঙ্গালার ভৌগোলিক ও ঐতিহাসিক বিবরণ, বঙ্গ-
ব্যবচ্ছেদ, গবর্ণমেন্টের শাসননীতি, স্বদেশী আন্দোলন উৎপত্তির
কারণ, উহার গতি ও ভাবী পরিণাম নিরূপণ, বন্দে মাতরম্ ও
বঙ্কিমচন্দ্র, স্বদেশীসমিতি গঠন, স্বদেশী মোকদ্দমাগুলির সংক্ষিপ্ত
বিবরণ, লাঞ্ছিতের সম্মান, ভারতের কল কারখানা, বঙ্গের আম-
দানী ও রপ্তানির হিসাব, স্বদেশী দ্রব্যাদির প্রাপ্তিস্থান, বিদেশীয়
ও দেশীয় শিল্পযন্ত্র ও বিবিধ কল প্রভৃতির প্রাপ্তিস্থান, ভারতে
শিক্ষা, বঙ্গ শিল্পীর সংখ্যা, কলিকাতার শিল্প প্রদর্শনী ও
জাতীয় মহাসমিতির সমগ্র ইতিহাস প্রভৃতি বিবিধ জ্ঞাতব্য
বিষয় বিশেষ যত্নসহকারে লিখিত হইয়াছে । এই দেশব্যাপী
স্বদেশী আন্দোলনের সময়ে স্বদেশ-হিতৈষিমাত্রেই, বাঙ্গালী
মাত্রেই পাঠ্য । বঙ্গের যে সমস্ত সুসন্তানেরা জননী জন্মভূমির
প্রকৃত অর্চনা করিতেছেন, তাঁহাদেরই করকমলে “বঙ্গ জাগরণ”
উৎসর্গীকৃত হইয়াছে । মূল্য টিকিটে পাঁচ আনা, ভিঃ পিঃতে
মায় মাণ্ডল ১/০ ছয় আনা মাত্র ।

সেক্রেটারী সামটা স্বদেশী সমিতি

সামটা পোষ্ট (ভায়া যাদবপুর) বি, সি, রেল ।

বিশেষ দ্রষ্টব্য—এক প্যাকেটে চারিখানি “বঙ্গ জাগ-
রণ” লইলে একখানি “মুরলা”, এবং ১০ খানি লইলে “মুরলা”, “অপূর্ব
ভূবন”, “নব্য জাপান” এবং জাপানের ১ খানি রঙ্গীন মানচিত্র
(১২ ইঞ্চ X ১০ ইঞ্চ) দিনামূল্যে উপহার পাইবেন ।